

UTL AT DOWNSVIEW



D RANGE BAY SHLF POS ITEM C
39 10 15 04 06 015 4

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

BJ	Naci, Mu'allim
1185	Mekteb-i edeb
T8N3	
1896	

4178

18/477



Naci,
Mu'allim

مکتب ادب

مصحفی
معلم ناجی

مؤسس و مرتبی
کتابچی آراکل

« مطالعه، طبعه گلن کلال وملاک الک مؤثر بر
دواسیدر . هیچ بر کدره مصادف اولمادم، که بر
ساعتلق مطالعه، آنی ازاله ایتش اولماسون. »
[مونئسکیو]

Mekteb-i
edeb

وطنزده ساکن هر صنف خلقک: ذکور ، اناس ، بیوک ، کوچوک بالجله افرادینه
الویریشلی اولمق اوزره متعدد کتب اخلاقیه نڭ تبعیله وجوده گتیرلش بر مأخذ
معتبردن بالانتخاب جمع وترتیب ایدلشدرد . هرکسک آتکلاویه بیله جگی بر طرز افاده ایله
انسانی رذائلدن ترهیب ، فضائله ترغیب ایلر . صداقت ، استقامت ، عدالت گگی
فضائل عالیة اخلاقیه ایله متصف اولان بعض حکیمانک و تاریخیجه معروف بولونان
برطاقم ارباب ذکانه ادبی و حکمی افوالی و نمونه ادب و حکمت اولان اعمالی حا -
کیدر . خلاصه : تهذیب اخلاق عمومییه جداً مدار اوله جق برچوق نصایح و فقراتی
جامع بر کتاب نافع اولغله حقیقه « مکتب ادب » عتوانه لایقدر .

در دنجی طبعی


معارف نظارت جلیله سنک رخصتیه طبع اولونمشدر

استانبول

نشان بر بریان - میقائل قالپا قیای مطبعه سی - اسکی ضبطیه جاده سنده نومرو ۶۱

۱۳۱۴

BJ
1185
T8 N3
1896



﴿ افطار مہرم ﴾

اجزای کلامی تفریق و طوراق محللریله درجه لینی تعیین ایچون السنه سائرده شو درت اشارت استعمال اولونور. بری: (،) درکه «ویرگول»، ایکنجیسی: (؛) درکه «پوآن ویرگول»، اوچنجیسی: (:) درکه «دو پوآن»، دردنجیسی: (.) درکه «پوآن» ناملریله معروفدر. بواشارتله، لسان عثمانی ایچون دخی قبول اولونوب اکثر آثار جدیدده استعمال ایدلمکدهدر.

بواشارتله، خدمتلیینه و مقام استعماللیینه گوره بعض ارباب قلم طرفندن سائر بعض مناسب اسملرده ویرلمش ایسهده بزبوراده اکثر محررلر مزله حررفات دوکمه جیلری، کتابجیلر، مرتبلر و مطبعه لک سائر عمله لنجه اڭ زیاده مستعمل و معروف اولان اسملری استعمال ایتدک.

«ویرگول» ایله «دو پوآن» ک طوراق درجه لری پک جزئی یعنی برگوز آچوب قاپایه جق قدردر. «پوآن ویرگول» ک طوراخی دها زیاده جهر. «پوآن» ککی ده بوندن زیاده جهر. آنجق لسان عثمانیده اولیله بر طوراق و تفریق محلی دها واردرکه بونلرک هیچ بری او خدمتی ادا ایده مز. اوگی محللر، یا ویرگول ایله گچشدرلمکده، یا خود بتون بتون اشارتسز براقلمدهدر. بوایسه زیرده ایراد اولنان مثاللردن مستبان اوله جعی وجه ایله اوقویانک ذهننی تشویش، معنایی اخلال، طوراق حقنی قسماً و یا کاملاً غائب ایتمک گبی محذورلردن خالی دگلدر. بناءً علیه اوگی محللر ایچون آیری بر اشارتک لزومی حس ایدلمشدر.

واقعا او یولده عباره لک سیاق و سباقندن درحال معنایه انتقال ایده بیلن ارباب وقوف، بونک لزومندن مستغنی اوله بیلیرلر؛ لکن اوقومغه و معنی چیقارمغه یگی باشلایان اطفال عثمانیه و سائر مبتدیلر ایچون حال بتون بتون باشقهدر. آنلر، درست اوقومق، طوراق محللرینی طانیق ایچون یاردیمه، واسطه یه محتاجدرلر. ایشته اوگی محللر ایچون آیری بر اشارتک احداثه اڭ زیاده بزی سوق ایدن سبب، بو خصوص اولمشدر.

بو بایده معلین و محررین کرامزدن چوغینک رأیلرینه دخی مراجعتزده بوفکرمن تصویب بیورلمشدر. احداث اولونان اشارت ایسه «پوآته ویرگول» ک عکسی دیمک اولان شو (؛) شکدن عبارتدر. بونک نقطه سی بالعکس اوستنده اولماسنه گوره اسمی ده «ویرگول پوآن» تسمیه سی مناسب گورلمشدر.

بونک طوراق درجه سی ایسه صانکه «پوآن ویرگول» قدردر. بواشارت،

تعمم ایدنبجه به قدر وساطت عاجزی ایله نشر ایدیله جک آئارده استعمال اولونه جعی
کبی اشبو مخطرده او اثرلرک باشلارنده بولونه جقدر .

مثال : انسان، کامل، فاضل، عاقل، منصف، خیرخواه اولمالیدر .

بومثالده «انسان» لفظی «مبتدا» و «مُسْنَدُ اِلَیْهِ» در . «کامل»، «فاضل»
و سائر صفتلرده «خبر» و «مُسْنَدُ» درلر . بوراده مذکور اشارتک یرینه
«ویرگول» فونولسه، هم «مسند الیه» ایله «مسند» بربرینه قارشمش اولور،
همده طوراق حقی قسماً غائب ایدلمش بولونور. اشارتسز گچیلسه، اوحالدهده «کامل»
لفظی، «انسان» لفظنک صفتی ظن اولونه رق «انسان کامل» اوقونمق و بناءً علیه
«کامل انسان» آکلاشلق احتمالی واردر .

مثال دیگر : جناب حق، سبزه لری، میوه لری، مباح حیواناتی و هرنوع
ارزاق انسانه نفقه اولمق اوزره خلق بیورمشدر .

بومثالدهده «جناب حق» تعبیرنک اوکنده کی یکنی اشارتک یرینه «ویرگول»
قونولسه، گرچه ذهنی چوقلق تشویش و معنایی اخلاص ایتمز. لکن طوراق حق
قسماً غائب ایدلمش اولور. اشارتسز براقلسه هم طوراق حق کاملاً غائب
ایدلمش اولور. همده «جناب حق» تعبیریه «سبزه لری» لفظی بربرینک مضاف
و مصاف الهی ظن اولونه رق او یولده آکلاشلیق احتمالی واردر .

«خلقت عالم به در؟» سؤالنک جوابی اولان شو آتیده کی مثالده دخی
مذکور اشارتک درجه لزومی دهها زیاده گوروله جقدر :

جناب حقک، یری، گوگی، انسانلری، حیوانلری، اوتلری، آغاجلری، الحاصل
عالمده گورولن و گوروله مهین سائر شیلری یوقدن وار ایتمه سیدر .

بومثالده جمله اصلیه نک بر قسمی اولان «جناب حقک» اوکنه ویرگول اشارتی
قونولسه متممات جمله دن یری بولونان «یری» لفظیه سائر متممات آره سنده کی
ارتباط بوزولور، جمله اصلیه قاریشیر. بوندن باشقه طوراق درجه سی ده حقیله
ادا ایدلمش اولماز. اشارتسز براقیلسه، اوحالدهده «جناب حقک یری» تعبیرندن
ایک اوکجه اضافت معنایی ذهنه تبادر ایدر .

نهایی آراکل

مقدمه

سایه معارف وایه حضرت پادشاهیده، ملکمزده علوم
و فنون و تعلیم تربیه ایلریله دجه اختیار ایتمش اولدیغم
کتابجیلک مسلککنده ارباب مطالعه ایله مؤلف و مترجم
بیننده برواسطه نشریات اولمقده بولندیغم ایچون کسب
سرور و افتخار ایتمکده یم.

رغبت عمومیه نك تمايلاتنه نظراً حسب المسالك نشرینه
واسطه اولدیغم آثار آره سنده هر نوع کتاب بولونه -
بسیله سی، امور ضروریه دندر؛ لکن بونلر میاننده آداب
و اخلاقه و تربیه عمومیه عائد آثار نه قدر چوق
بولونسه - ماده ایده حکم انتفاع، معنأ ایده حکم استفا -
دهیه نسبتله آر بیله اولسه - بویولده آثارك نشرینه
واسطه اولمغی، کوکل دهها زیاده آرزو ایدیور.

هر زمان منفعت شخصیه لرندن اول منافع عمومیه یی

کوزه دنلردن وَ کندی منغعلرینی عمو مک منافی
ایچنده آریانلردنم.

مسلك و امل عاجزانه مقتضاسندن اوله رق اوتهدن
بری ارباب قلم و اقتداری تشویق ایدهرک [الف با] دن
بدأ ایله منتهی برصنفک اوقویه جفی درساره قدر سهو-
لتبخش و مفید کتابلر وجوده کتیرمک آرزو سنده
بولونمقده یم.

ایشته اصحاب فکر و اهل وجدان طرفندن تقدیر
ایدیله جکنی امید ایله دیکم شو ملاحظه یه مبنی بوندن
خیلی سنه مقدم بر «الف بای عثمانی» [*] و برده قرائت
کتابی میدانده کتیر یلمه سی اسبابنه تشبث اولونمشدی.
الفبا ایچون محرر لر مزدن برینه مراجعت ایدیلهرک
ترتیب و مکرراً طبع ایدیلدی.

قرائت کتابی ایسه کتب مختلفه دن معرفت عاجزا-
نه مله بالا انتخاب ترتیب ایدیلش و درت قسمه تقسیم

[۰] شمعی کتابخانه من واسطه سیله نشر اولنان الفبارک نوع و عددی
بشه وارمشد.

اولونه رق بر قاق سنه دن بری موقع انتشاره وضع او-
لوان [تعلیم قرائت] نام اثر در .

کمال ممنونیت و مفخرتله بیان ایده رم، که تعلیم قرا-
ئتک بولدیغی رغبت، درجهٔ فوق العاده ده در . [°]

تعلیم قرائتک بولدیغی رغبت، بنی او یولده بر اثر ده
وجوده کتیرمکه سوق ایتشدر . بوده [مکتب ادب]
نامیله میدانه وضع ایله دیکم شو کتابدر .

مکتب ادبک مندرجاتی، اعتقاد عاجزانه حجه پک
زیاده نافعدر . کتابک نظر کترانه مده حائر اولدیغی
منیتندن اوزون اوزادی یه بحث ایتمکه لزوم کوره مم-
بوراسی، قارئین کرام نزدنده ایسته دیکمدن اعلا تظا-
هر ایتش و ایده جکدر .

شو صوگ بر قاق سطرلق افاده نک، بودورلو عرضنه
جرات ایتمکه نزاکت دائره سندن چیقما یورم ظن ایده-

[°] بوافاده، ۱۳۰۲ سنه سنده واقع اولشدر . شمعی ایسه تعلیم قرائتک
طبعی، رقعه خطیسیله برلکده ۲۴ نجی طبعنه وارمشدر .

رم ؛ چونکه بو شرف، کتابک مؤلفلرینه منحصر در .
 بوراده بنم ایفا ایتدیکم خدمت، باغلری ، باغچه لری
 کزوب طولاشه رق قلبه اک زیاده فرح ویرن لطیف
 چیچکلری - خام ویا کچکین اولماق اوزره - داماغه
 اک زیاده لذتبخش ، وجوده اک زیاده نافع بولونان میوه -
 لری طولایه رق امگمک اوفاجق بر اجر تیله عالمه طا -
 غتمقدن عبارت قالیر .

مع مافیسه شوراسی ده عرض اولونور ، که : مکتب
 ادب، واقعا بر ماخذک ترجمه سی ایسه ده حسب الایجاب
 بر چوق یرلری طی اولوندقدن ماعدا مندرجاتنک
 آداب و اخلاق عثمانیه یه توفیق ، و قدر کتابک برقات
 دها ترفیعی ایچون مناسب محملرینه خارجدن بر طاقم
 جل نافع و فقرات مفیده علاوه قیلینمشدر .

بو قدر موفقیت ایسه کتابک برنجی طبعی ایچوندر .
 یوقسه تعلیم قرائتک طبعارنده لزوم کورولدکجه ناصل
 اصلاح واکمال اولونمش ودها لزوم کورولدکجه ناصل

اصلاح و اکمال اولونه جق ایسه مکتب ادب دخی
 تکرار طبع اولونمق شرفنه نائل اولدجه کتب
 اخلاقیه و سائره تتبع اولونه رق الده ایدیه جک فقرات
 حکمیه و سائرهنک ضمیمدن کری طور و لمایه جقدر. [*]
 کرچه بزده آداب و اخلاق عمومیه یه خدمت ایده جک
 کتابلر اکسیک دکلدر؛ فقط آداب و اخلاق عمومیه یه
 خدمت ایدر بوکی آثارک لزومی؛ هر یر و هر زمان
 ایچون باقیدر. اوکی آثار مطبوعه نک موجودی؛ ممالک
 سائرده دها چوق ایکن ینه هر سنه، هر آی و همان
 هر هفته او یولده انواع اثرلر و مقاله لر طبع و نشر
 اولونویور.

سایه معارفوایه حضرت پادشاهیده و معارف نظارت
 جلیله سی جانبندن واقع اولان سعی و اقدام سایه سنده

[*] بو افاده دخی اثرک ایلك طبعی حقننده در. صوگره کی طبعلرنده
 آرزو اولونان اصلاحات، قسماً، اوچنچی و اشبو دردنجی طبعنده ایسه همان
 کلیاً اجرا اولونمشدر.

کون بکون مکتبلر مژک تکزریله او یولده بولونان کتا-
بلمر مژک عددی نظر اعتباره آلینجه موجود اولانلر،
جزئیات مثابه سنده قالدیغی برقات دها تظاهر ایدر .

ارباب دقته معلومدر ، که بر ملتک افرادی، نه قدر
حسن تربیه کورمش ، بوکا نه قدر اهمیت ویرلمش ایسه
او ملت او قدر زیاده رفاه وسعادت بولمشدر . بوا یسه :
اخلاق حسنه درسنگ ثمره سی اوله رق هیئت اجما-
عیه نك یکدیگره معاونت متقابله ده بولونمق کبی
وظفه لرینی او کر نمکله حاصل اولور .

بر آدم ایله حسب حال ایدیه جک اولسه میانه ده
آچیه جق ایلك سوز، کسادک هر طرفده حکم فرما
اولدیغنه، استفاده ایده جک ایش بولونمادیغنه دائر اولور ؛
لکن بو سوزی تمامیه طوغری اولمق اوزره قبول
ایده مه یز . بو بابده بزم ایچون اک زیاده لازم اولان،
اوج خصوصدر . برنجیسی : یکدیگر مره امنیت کامله
حصولنه چالیشمق ، ایکنجیسی : بینزده امنیتی سلب

ایده جاك نه حال وحرکتز وار ایسه کوروب اصلاح
ایله مک ، او چنجیسی : یکدیگر مزه معاونت متقابله ده
بولونمق حس علویسنی تمامیله اویاندرمقدر .

مثلا : بر چوق صاحب تجارت و اهل ثروت آدم لر
کورولویور ، که : کرک کندی ثروتلرینک تزايدینه
خدمت ایتک مقصدیله ، کرک محتاجینه معاونت نیتیه
سرمایه ویره جاك آدم آرارلرده بوله مازلر .

اوتده : برقچ بیلک غروشه ، حتی ۵۰۰-۲۰۰-۱۰۰
غروشلق بر سرمایه محتاج صنعتکارلر کورولور ، که
سرمایه اتخاذایده جاك پاره بوله مایوب «یوم جدید ، رزق
جدید» یولنده زوراکي کچنمکه مجبور بولونویورلر .

عالمده همجنسنه محبت و مرحمت ایتک کبی مقدس
بر بورج ، محتاجینه - اقتداري داخلنده - معاونت
ایله مک کبی لذت بر شی یوقدر . بو حسیات عالییه
مالک اولان ، یالکز کندی یاقینلرنده بولونانلرجه دکل ،

دنیانک هر هانکی نقطه سنده اولسه دوچار فلاکت
اولدیفنی همجنسینه دخی معاونته شتاب ایلر .

اولادمزه یالکز ترجه ، عربجه ، فرانسزجه ، انکلیز-
جه و سائرجه او کرتمکی کافی عد ایتمه مه لی یز . بونلره اک
زیاده ، اخلاق درسی ویرمکه چالیشمالی یز ؛ زیرا انسانیت ،
ساده معلومات ایله دکل ، حسن اخلاق ایله قائمدر .

تعلیم قرائتدن عمومک ایتدیکی استفاده دن حصوله
کلن شرفک بر قسمی ده کتابک مصححی اولان ادیب
عالیقدر ، معلم ناجی افندی حضرتلرینه عائددر .

مکتب ادبک دخی شو بختیارلقدن محروم قلماسی تجویز
اولونه مادیغندن آنک تصحیحی دخی ادیب مشار الیهه
احاله قیلینمش و بو صورتله نفاست پرورانک برقات دها
منو نیتنه چالیشیلشددر .
کتابچی آراکل



ذیل اولونان لغتجه حقنده معروضات

هانگی کله له لغت ترتیب ایدلش اولدینی قولایمجه بیلنک اوزره او کله لرك نهایترینه شو (°) اشارت قونولشدور . آنجق بر صحیفه ده تکرر ایدن عینی کله لدن یالکز برینه اشارت وضع اولونمش ، دیگرلر اشارتسز بیراقیلشدور . مختلف صحیفه لرده ایسه عینی کله لر تکراراً اشارتلمشدور . بو تکرر ایسه : طلبه افندیلردن و سائر او قویانلردن بعضلری اولجه او قودقلری صحیفه لرده گوردکلری کله لرك معنالیخی خاطر دن چیقارمش اوله یله جکلری ملاحظه سنه مبنیدور .

برده : اضافت ، ترکیب وصفی ، واو عاطفه گبی یکدیگریله ارتباطلری بولونان کله لری حقیله تعریف وتفہیم ایچون اوگی لغت لرك معنالی برلکده گوسته ریلش و بونلر قاچ کله دن عبارت ایسه نهایتده کی کله یه اونسبتده اشارت لر وضع اولونمشدر . شویله که : « فیضیاب » ، « تفرد » گبی بر کله دن عبارت اولانلره ، شو (°) برلی و « منجی مطلق » ، « اعدار مشروعه » گبی ایکیشر کله لیلره ، شو (°) ایکیلی و « انداخته چاه مذلت » ، « میان راستگو . یان محبتده » گبی اوچر کله لیلره ، شو (°) اوچرلی اشارت لر قونولمشدر .

کناجی آراکل



اخطارات

درونه کتابده بولونانه بعضه اسماء خاصه نك صورت تحریرنده
 بعضه گونه یا کلمات کوروله چکی ملحوظدر . آنجور بزده ، اسم خاصدر
 هقنده رهبر لك ایده چك هنوز طبعی اکمال اولونمسه بر اثر بولونما-
 دیقی ، کتب متداوله ساره ده ایسه اولنك صورت املا لری اطراد
 اوزره بولونمادیقی جهنده اوکی خطالر وقوعبولسه ایسه معذورز .

§

مکتب ادبك بود فعه کی طبعنده اجرا اولونانه جمله اصلوچاننده
 بریده بعضه کوچ اوقونانه کلمه لره : هرکه ، شده قولنماسی و کافله ،
 یا فله و صغیر کافله تفریق ایدله سی اید برده بعضه استعمالی ضروری
 اولانه مفلو عبارت لره ، اسم خاص لره هر دوف لهجا اوزره بر لفتیه
 ترتیب و نهایت کتابده عموده ایدله سیدر . تنظیم و ترتیب اولونانه
 لفتیه نك طرز تحریر و اصول تحریری هقنده کی اخطار منزه ، اترك
 ۱۳ نجی صحیفه منده مندرجه در .





ابوينه محبت و حرمت

انسان؛ خالقہ عبادت، والدینہ
حرمت و محبت، اشرایله اختلاطدن
مجانبت ایتہلیدر. (سولون)

والدینہ اطاعت و احسان؛
اعمال صالحہ نك افضلیدر.
(امام علی)

ابوینمز حقننده محافظه محبت و ایفای حرمت، طبیعتک برنجی
درجه ده گوستردیگی بر وظیفه انسانیتدر. بو وظیفه ره رعایتله
ابوینمز محبت و حرمت ایله مز ایسه کیمه محبت و حرمت ایده جگیز؟
حق جلّ جلاله حضرتلری، بزی انوار عقل و فکر ایله
تنویر بیوردیغی زمان قلبیزده بو وظیفه نك لزوم ایفاسنه حکم ایدر
برحس ابداع ایتشدرد. بوکا دائر امرلر دخی اعطا بو یورمشدر.
کتب مقدسه ده بو یوریلدورکه :

«ابویننه محبت و حرمتله آنلرک رضاسنی تحصیل ایدنلر، دنیاده
«طول عمر ایله معمر و برخوردار، آخرتده، ثنوبات جلیله نه نائل
«و کامکار اولورلر.»

حکمای قدیمه دن بری دیمش که :

دیگله ییگیز اولادلر ! [*] ابوینگیزك سوزلرینه ، نصیحتلرینه قولاق آصیگیز ! آنلری محافظه و اجرا ایدیگیز ، که معمّر اوله سگیز . جناب حق ، ابوینہ تعظیم و تکریمی ، اولادلر اوزرینه فرض ایتمش و بویورمشدر ، که :

» پدر و مادرینه تعظیم و تکریم ایدن اولاد ، جمع خزان
 « ایتمش گبیدر . برگون گلیر ، که کندیسی ده اولادلرندن مسرور
 « اولور . احتیاج گونلرنده جناب حق رجاسنی استماع و قبول
 « ایدر . احتیاجاتی دفع و رفع ایدر . جناب حقدن خوف ایدن
 « اولاد ، ابوینہ محبت و حرمت ایدر . آنلره عرض اطاعت و ابراز
 « خدمتدن هیچ بر وقتده گری طورماز . »

دیمک اولیور ، که ابوینمزه دائماً : محبت ، حرمت ، رعایت ،
 اطاعت ، خدمت ایتمک بوزجدر ؛ اوزرمزه فرضدر . بر
 درجه ده ، که نه قدر بیوسهك ، نه قدر عالی رتبه و مرتبه لره
 نائل اولسهق ینه سبب وجودمن ، باعث حیاتمز اولان پدر
 و مادرمن حقّنده بو وظائفی اجرا ایتمک لازمدر .

وظائف مذکوره نك اجرایی ایسه حقلرنده دائماً حسن
 معامله ده بولونمق ، نصیحتلرینی طوتمق ، بالجمله معاملات و تشبّهاتده
 رأى و رضالرینی تحصیل ایتمک ، ممکن مرتبه احتیاجلرینی دفع و الم
 و کدرلرینی رفع ایله مک ، اوزاقده بولونقلری زمان صیق صیق

[*] « اولاد » کلمه سی ، مفرد مقامنده دخی استعمال اولنور .

نامہ و ہدیہ گوندرمک ، یاقیندہ ایسہلر وقت وقت زیارتلرینہ گیتک ، الحاصل : ہر وجہ ایلہ کندیلرینی خشنود و ممنون ایتمگہ چایشیق ، حال حیاتلرندہ دعالرینی آلق ، وفاتلرندن سوگرمدہ بر خیر الحلفہ یاقیشہ جق صورتدہ لساندن دوشورمہ مک ایلہ اولور .

محبت حقیقیہ لاف ایلہ دگل ، فعلاً ابراز ایدلمہ لیدر . ابوینی محبت حقیقیہ ایلہ سون اولادہ ہر خصوصہ ، حتی فدا کارلق ایجاب ایدن حاللردہ بیلہ - مغایر شرع و قانون اولان احوالدن ماعدا - ہر بر امر و نہیلرینی اجرا ایلر .

اولادلر ! بیلمش اولک ، کہ سزہ کندی ابوینکزہ نہ گونہ معاملہ ایدر ایسہ کز اولادلریکز و مادونلریکز دخی سزہ اولیلہ معاملہ ایدہ جکلردر . اگر آنلرہ واجب و لایق اولدینی وجہ ایلہ حرمت و رعایت ایدر ایسہ کز سزہ اولادلریکزدن عینیلہ او حرمت و رعایتی گورورسکز . بالعکس حقارندہ اہانت و تحقیری تجویز ایلر ایسہ کز اولادلریکزدہ سزہ اولیلہ معاملہ ایدرلر .

بر پدرک اولادلری ، کندیسنہ اہانت و حقارت ایتدیلر . اودر جہدہ ، کہ قوللرندن طوتوب چکشیدرہ رک خانہ دن طیشاری آتمق ایستہ دیلر . قاپینک اشیکنہ قدر گوتورلدکدہ پدر محقر آواز بلند ایلہ دیدی کہ : « یتر ، ظالملر ! یتر ! بن دہ پدرمی بورایہ قدر سوروکلہ مش ایدم ! »

جناب حق ، بویلہ قیمت ناشناس و نانکور اولادلری بوصورتلہ

مجازات ایله دیگی گبی پدرلرینه حرمت ورعایت ایدنلری ده دنیا
وَ آخرتده فیضیاب وَ نائل مکافات ایلر .

میهن شَبَّانندن برینک پدری، مأموریتنی سوء استعمال ایتیش
اولماسندن طولایی اعدام جزاسیله محکوم اولدی . اوغلی درحال
والی بلده نك زردینه گیتدی ؛ کمال نزاکتله آیاقلرینه قاپاندی .
پدرینک یرینه کندیسنک اعدام اولماسنی رجا ایله دی .

ماندارینه، [*] « عجباً بو فداکارلنی کندیلگندمنی اختیار
ایدیور ؟ » دیه چوجوغنی استنطاق ایله دی . چوجوغنک درجه
صفوت قلبه لایقیله واقف اولدی . کیفیتی میهن ایمپراطورینه
عرض ایله ظهور ارادهیه منتظر اولدی . ایمپراطور، پدرینک
حیاتی اوغلنه بخش ، ویا لکز طردیله اکتفا ایتدی . چوجوغنی ده
برافتخار نشانیله تلطیف ایله دی ؛ لیکن اوغلی : « بو نشان، اهالییه
دائماً پدرمک قباحتنی یاد ایتدیریر . » دیهرک قبول ایتمه دی .

ایمپراطور، چوجوغنک بویله بر ملاحظه دقیقهده بولونیشنی
متعجباً تحسین ایتدی ؛ آنی سراینه قبول ایله تحت حمایه سنه
آلدی . چوجوق بووجه ایله گوندن گونه نائل ترقی وَ مظهر حسن
توجه عمومی اولدی ؛ نهایت وکلای دولت صیره سنه گجیدی .

اسوج قرالردن اوچنجی کومستار کویک برندن اسب سوار
حرکت اولدینی صیره ده چشمه دن صو آلمقده اولان بر کویلو قیزی

[*] ماندارین، چین وکلاسنه وَ ولاتنه اطلاق اولونور .

گوردی . چشمہ یہ تقرّب ایدہ رک آندن بر صو ایستہ دی .

قیز، کمال آداب ایله صوی ویردی . قیزک اطواری، قرالک
بک خوشنه گیتدی . قرال: « قیزم ! بنملہ برابر ایستوقولمہ گلیرمیسک ؟
اورادہ سنی موقع اقبالہ اصعاد ایدہ رم . » دیدی . قیز جواباً :

« وعد عالیکزک بنی تأمین ایستدیگی وجہ ایله بر اقبال و دولتہ
« مظهر اولق آرزوسندہ بولونسہم بیله بو تکلیفکزی قبول ایتمک
« ممکن دگلدر ؛ زیرا بی چارہ والدہم ، فقیر و مریضدر . بندن
« باشقہدہ معنی یوقدر . عالمده هیچ بر دولت و اقبال ایچون بو
« وظیفہ مقدسہ می ترک ایدہم . » دیدی .

قرالک قلبی برقات دہا رقتہ گلدی : « والدہک نرہدہدر ؟ »
دیہ سؤال ایلہدی . قیز : « ایشته شوگورون خراب و کوچک
قولہدہدر . » دیہرک او طور دقلری یری گوستردی . قرال قولہ یہ
گیردی . اوتدن بر یاتاق اوزرنده یاتمش اولان بی چارہ خستہ بی
گوردی . بو حزین منظرہ دن متاثر اولدی . خستہ یہ خطاباً :
« حالکہ چوق آجیدم والدہ ! » دیدی .

زوالی خستہ شو جوابی ویردی : « افندم ! بنم بر دانہ جک
« قیزم اولمامش اولایدی دہا زیادہ آجینہ جق بر حالہ گلیردم .
« شفقتی قیزم ، الندن گلدیگی قدر بگا تسلی ویریور ؛ ایام حیاتی
« تمیدہ چالیشیور . برخوردار اولسون ! جناب حق اجرینی
« احسان بویورسون ! »

بونك اوزرينه قادين، رقت انگيز بر صورتده آغلامغه باشلادی. قرال دها زیاده رقته گلدی. قیزه خطاباً: «قیزم! خدمتکده دوام ایت!» دییه رك چیقاروب برکیسه ویردی. «بن سنی دها سائر صورتلده ممنون ایدرم. آدیو سوگیلی قیزم! بیلش اول، که بن سنك قرالکم!» سوزینی ده علاوه ایدرك عودت ایلهدی.

ایستوقولمه مواصلتینده والدهسنه قید حیات اوله رق برمعاش باغلادی. مومی الیهانك وفاتیندن سوکرده او معاشك قیزه انتقالنی امر ایلهدی.

طبیعیوندن بیلینوسك وفاتی موجب اولان وزرر یانار طاغی آتش فشان اولدیغی ائشاده برادر زاده سی بولونان کوچوک بیلینوس ده فاملیاسیله برابر مذکور یانار طاغك جوارنده بولونان میزنو شهرنده اقامت ایدیوردی.

طاغك، آتشلر صاحغه* باشلاماسی اوزرینه شهر مذکور سکنه سی جانلرینی قورتارمق قیدینه دوشدیلر. اوصیره ده بیلینوس تهلهکهنك کندینه عائد اولان جهتنی اصلاً دوشونمیه رك والده سنی قورتارمغه چالیشیوردی. والده سی مسن وخسته ایدی. اوغلیله برابر یوریه مه یوردی. اگر اوغلی صیرتنه آلوب گوتوره جك اولسه کندیسنه آغیرلق ویره جگنی، چاپك گیتمه سنه مانع اوله. جغنی، بناء علیه موما الیها ایله برابر یانمق تهلهکهنه دوشه جگنی ملاحظه ایدیوردی.

والدهسی، یالکز نفسنی قورتارمغه باقاسنی اوغلنه توصیه ایتمش، یمینرله ده توصیه سننده اصرار گوسترمشدر؛ فقط بیلینوس بر درلو عزمندن دونمده دی. والدهسنی آتشلر ایچنده براقوبده یالکز نفسنی سلامته چیقارمقدن ایسه آنکله برابر آتشلر ایچنده یانغنی اولی گوردی؛ بنابرین والدهسنی جبراً خانه دن طیشاری چیقاردی.

مومالیهای الری اوزرنده طوته رق گوتورمکده ایکن طاغث باغرندن برهوا اولان کولار، قیغلملر، اوزرلرینه دوکلمکده ایدی. اورته لنی دومان بورومش، گوک یوزنی قاپلامش و گوندو. زی دهشتلی بر گجه یه تحویل ایله مشدی. گوز گوزی گورمز ایدی. حیاتلرینی تهدید ایدن آتش آلورینک ظلمت آمیز آیدینلغندن باشقه بر دلیللری بولنمایوردی. بو حالد بیلینوس، ینه اصلا یأس وفتور کتیرمه یوردی. بر یاندن سرعتله ایلر یله مکده، بر یاندن ده والدهسنه تسلی ویره جک سوزلر سویله مکده ایدی. نهایت بر دریای موج حالی کسب ایدن آتشلر ایچندن گچوب بعون الله تعالی نفسلرینی ساحل سلامته چیقارمغه موفق اولدیلر. بویله فضیلتلری هیچ بر وقتده ثمره سز بېراقق شانندن اولمایان جناب حق و منجی مطلق حضرتلری، سوگیلی والدهسنی، فداکار اوغلنه، اوغلنی ده بی چاره والدهسنه باغشلامقله حائر اولدقلری فضیلتک مکافاتنی ویرمشدر.

ابوین و اولاد محبتی، اڻ زیادہ ایشته بویله یرلرده ظاهر او-
لور. اولادک ابوینہ اڻ زیادہ معاونتہ بورجلو اولدقلری وقت
ایسه آنلرک اختیارلق زمانیدر.

برچوجوغک حسیات رقیقه سنی مبین اولان آتیده کی رقت انگیز
و عبرت آمیز وقعہ بی متأثر اولمقسزین کیم او قویوب گچہ بیلیر؟
برچوجوق بر مکتب فنون عسکریہ یه داخل اولور. هرگون
بر پارچه یاوان اتمک و بعضاً بر مقدارده چوربا ایله قناعت ایدر؛
سائر یمکلردن یمز ایدی. مدیر مکتب، چوجوغک شو حالنی
ایشیدنجه بونک بر ریاضت فوق العاده رعایتدن ایلری گلدیگی
ظننه ذاهب اولدی. کندیسنی بر درجه یه قدر تعزیر و تکدیر
ایله دی. چوجوق، مکتوم طوتدیغی سبی بیان ایتیمکسزین ینه
اوحالده دوام گوستردی. بو حالی، مکتبک ناظرینک ده مسجوعی
اولمشدی. چوجوغک ینه اولکی حالده دوام ایتیمکده اولدیغنی خبر
آنجه حضورینه چاغیردی. مکتبک اصول و نظامنه مغایر بویله بر
حالده بولماسی، نه قدر عبث اولدیغنی و هر حالده مکتبک اصول
و نظامنه توفیق حرکت ایتیمه سی لازم گلدیگنی لسان مناسبله چوجوغه
آکلاتدی. بو حالک سببینه ده سؤال ایتدی.

چوجوق، سکوت ایدوب اصلا جواب ویرمه دی. ناظر، سببینه
سویله مه یه جک اولور ایسه کندیسنی مکتبدن طرد ایده جگنی تهدید
مقامنده بیان ایله دی. او زمان آرتق کتم رازہ امکان قلمادیغنی
آکلاتیجه دیدی، که:



«افندم! بنم پدرمك اونده ييديگم، بر مقدار قاتيقسز سياه اتمكدن عبارت ایدی. اتمك ايله برابر ييمك ايچون خانه مزده اکثريا قاتيقيق بولمازدی. ايچديگمز، منحصرأ صو ایدی. باشقه درلو مشروبات بوله ماز ايدك. حال بوكه بوراده بياض و بول اتمك ايله گوزل چوربا يييورم. بو ايسه بنم ايچون بيوك و متمادی بر ضيافت صاييلير. ابونمك حال سفالتمده بولوندقلرينی دوشوندكجه بوندن زياده برشی يديه مه يورم.»

مکتبک ناظر و حامیسی ايله مدیری، چوجوغنك بو افاده سندن او قدر متأثر اولديلر، که گوز ياشلرينی ضبط ايدمه دييلر. چوجوغنك بو حسیات لطیفه و متانت قلبیه سنه متعجب اولديلر. ناظر، کمال رقت و رافتله چوجوغنه تسلی و یرمردک: «پک اعلا! ناصیه حالکدن آکلاشلدینی اوزره پدر و مادرک سکا البته جیب خرچلغی ده و یرمه مشلردر. شمديک سکا خرچلق اولمق اوزره شو اوج آلتونی و یریورم. پدریکه ده همان شمدي بر مقدار پاره ارسال ایدرم» دیدی.

چوجوق، کمال سرور و تشکر ايله: «بو پاره یی ناصل گوندره. جکسکیز؟» ديه سؤال ایتدی. مشارالیه ده: «بن آنک قولایینی بولورم.» دینجه چوجوق تکرار ابراز روی نیاز ايله النده کی آلتونلری اوزاده رق: «مادامکه بویله قولایلغکز واردر او حالده بکا احسان ایتمش اولدیغکز شو آلتونلری ده برابر گوندرمه کزی



رجا ایدہرم؛ زیرا ہم بورادہ پارہیہ احتیاجم یوقدر۔ ہم ایچون ہیج
برشی اکسیک دگلدر؛ لکن بی چارہ پدرمہ، سائر اولادری ایچون
شدت لزومی اولہ بیلیر۔ « دیہ پارہنک ارسالنی ابرام ایلہدی۔

آنا، بابا حقنہدہ بوقبیلدن اولان وظائف مقدسہنی ایفا ایتمگہ
مأمور ایکن وظیفہلرینی فراموش ایدن اولادہ، نانکور وکافر نعمت
اولمق اوزرہ طانیلیر۔

بوخصوصدہ اولادلرک واقع اولان قصور و قباحتلری، اکثریا
اساساً ابویندن نشأت ایدر؛ زیرا اگر آنلری ای و تربیہ لی بر
یولده بیوتمش اولسہلر ثمرہ حسن تربیہلرینی اقتطاف ایدرلردی۔
بونکله برابر ابوینک قصوری، اولادلرینک قباحتلرینی تعییب
و تقبیحدن وارستہ قیلہ ماز؛ تخفیف دہ ایدہ مز؛ زیرا بو خصوصدہ
ابوینک دخی آز چوق بعض گونه اعذار مشروعه سی اولمش
اولہ بیلیر۔

یالکنز ابوینمزہ دگل، بتون اقربا و متعلقاتمزہ، بیوکلرمزہ،
حامیلرمزہ، ولی و وصیلرمزہ، معلم و مربیہلرمزہ دخی لایقیلہ
حرمت ورعایتدہ بولونماز و واجبدر۔

ازجملہ متبوع مفتحممز ولی نعمت بی منتظر پادشاهمز افندمزہ،
اولیای امور حضراتنہ و بالجلہ: امراء کبرا و مأمورین کرامہ
اطاعت، حرمت، رعایت، واجبه ذمّتزدرد۔

بوگی بیوک ذاتلر، یر یوزندہ جناب حقک عظمتنک برر

تصویری و نظام و انتظام عالمک محافظلری اولدقلرندن هر وجه ايله
سزاوار تعظیم و تکریمدرلر . نیجه آدملر واردر ، که شایان مدح
و ثنا اولان برشیئی - سبب حقیقیسنی بیلکه دکلری جهتله - تقبیح
و تعیب ایدرلر .

نه قدر جاهل و متمدح آدملرده واردر ، که بیلکه دکلری برشیئی
بیلک ادعاسنده بولنورلر .

سن و ساللری ، فضل و کماللری ، نام و شانلری ، ثروت
و سامانلری و سائرلری جهتله ناس بیننده مادی و یا معنوی
صورته نفوذ و تاثیر پیدا ایتمکه تفرد ایتش اولان مختیران
بلدهیه ، الحاصل منافع عمومیه خادم اولان بالجمله ذوات کرامه
دخی علی مراتبهم حرمت و رعایت ایتک ، اوزرمزه الزمدر .

انسان ، هر نه حال و صفتده بولنور ایسه بولنسون اصلا مزیت
و حیثیت شخصیته سنه باقیایه رق اختیار آدملره لازمه حرمت و رعایتی
حسن ایفاده قصور ایتمه ملی ؛ زیرا انسان ، حفظ حقله بیویوب
او محترم سن و ساله و اصل اولق شرفنه نائل اولدیغی حالده
کندیسی ده مرعی و محترم اولق ایستر ؛ بناء علیه او مرتبهیه و اصل
اولمش بولونانلره اول وجه ايله معامله ایتک ، هر حالده واجبدر .



حقیقت یا خودِ طوغری سویله مک

طوغری سویله مک، جمعیت بشریّه ایچنده یاشایان انسانلرک
برنجی وظیفه سیدر. قوّه ناطقه، انسانلرک افکار و مطالعه سنی
یکدیگره سهولتله بیان ایده بیللمسی و بو سایه ده سبب مستقل
ترقیات اولان تلاحق افکارک حصوله گلمسی ایچون جناب حقک
برموهبة الهیه سیدر؛ بناء علیه نطق، لسانی کذب وریایه آلت اتخاذا
ایتمک، آتی مقصد طبیعییه مغایر اوله رق سوء استعمال ایله مکدر.

جمعیت بشریّه آره سنده (معاذ الله تعالی) حقیقت بتون بتون
مردود و مفقود اولور، و انسانک یورگنک بر ترجمان حقیقیسی
مقامنده بولنان لسان، کذب وریایه آلت اتخاذا قیلنور ایسه انسانلر
یکدیگرله معاشرتده نه صورتله کسب امنیت ایده بیلر جملر ؟
حکمای مشهوره دن شیخ مهدی دیرکه :

دائما بر طوغری سوزلو آدمک، طوتما مشلر کذبنی صاحب دلان
مشهر اولسه دروغ ایله بری، طوغری سویلر سه دخی دیرلر یالان.

جمعیت بشریّه آره سنده حسن معاشرت اوزره بولونان انسانلر

بیننده: سوزی، اوزی طوغری اولان آدم، قیتمدار و محترم بر
ذاتدر! بویله بر ذات ایله هرکیم بر سوز سویله شه جک، بر ایش
یابه جق ایسه حیلله یه اوغرامایه جفندن، اغفال طوزاغنه
دوشمه یه جگندن امین اولور. افکار و مطالعاتی، حسّیاتی،
تصمیمات و تصوّراتی وَاکْ مهم مقررّاتی، طوغریجه آکا بیان
ایتمکدن چکینز. اولیه آدمک لسانی، بر آلت حقیقتدر. یالان،
آنک مقدّس دوداقلرینی لکه دار ایده مز.

نور حقیقت، بر جوهر صاف و ساده در، که آنک مبدأ
و مأخذی سمادر. هر نوع کمالات ایله مزین اولدینی حالده سمادن
صدور وَاکا لایق اولان انسانلرک قبلرینه نزول ایدر؛
بناء علیه انسان، حقیقتی سومگه، کذب و ریا ایچنده حقیقتی
آرایوب بولمغه بورجلودر.

حکمدان برینک قولنجه لسان کاذب، بر آلتدر، که صاحبی،
نهایت انداخته چاه مذلت و نامنی الی الابد لکه دار ایدر.

حضرت سلیمان بیورور، که: «یالانجیلرک عمری، بر عمر
محقردر؛ بونلر، دایما وهریرده حقیردرلر؛ اضطرابات قلبیه دن
هیچ بر وقت آزاده اولمازلر. کذب، انسانی خلق و خالق یاننده
منفور و حقارتله یاشامغه مجبور ایدر».

عاقل و کامل آدم، کذبیتادن یالکز اجتناب دگل، نفرت
دخی ایدر. انسان: «باردجیبیر طوغریلرک حضرت الله»

قولنه اعتماد ایله موتنی موجب اوله جغنی بیلسه ینه طوغری یلقدن
آرلما مالیدر.

نته کیم : امام علی (کرم الله وجهه) حضرتلری : « لامرؤۃ
لکذوب » ، یعنی : « یالانچیده مروّت اولماز » بیورمشدر .

خلفای راشدین (رضی الله عنه) حضرتاندن بری : « حق
تعالی حضرتلری ، مخلوقاتی حق اوزرنده خلق بیورمش ؛ بناءً علیه
حق سوزدن ماعدا برشی سویله مه لیدر . » دیمشدر .

هر دینده حرام اولان یالانی ارتکاب ایدن آدمده انسانیت
آراما مالیدر ؛ زیرا انسانیتک مقتضیاتندن بری ده یالانی رد ایدوب
طوغری سویله مکدر . یالان سویله ین آدم ، مقتضای انسانیت
رعایت ایتمه یور دیمک اوله جغندن آندن مروّت امیدنده بولونمق ،
عبث اولور .

وقتیله آفریقانک واکست شهرینک متره پولیدی اولان بر موسی
نام ذات ، مجوس ایمراطور لرندن برینک قتل ایتک ایسته دیگی
فقیر و بی گناه بر آدمی خانه سننده حفظ ایتش ایدی . نهایت
مرقومی تحرّی ایدن آدملر ، یرینی خبر آلدیلر . راهب مومی الیهک
خانه سنندن جبراً آلمغه گل دکرنده انکار ایتمه دی ؛ فقط تسلیم دخی
ایده مه یه جگنی بیان ایله دی . شخص محفوظی ده الده ایتمه موقوف
اولمق ایچون تحمّل اولونما یه جق درجه ده اشکنجه لر ایتدیلر ؛ لکن
بونلره مقاومت ایدهرک عزمنده ثبات ایله دیگندن بر درلو موقوف
اوله مادیلر . نهایت کنندیسنی ایمراطورک حضورینه چیقاردیلر .

اوراده دخی استجواب اولوندقده ینه کمال ثبات اوزره جواب اعطا ایله دی .

ایمپراطور، آنک بو حسیات فاضلانه سندن طولای اظهار تجب ایله بی چاره آدمی کندیسنه باغشلا دی .

یالانجیلقدن نفرت ایتملی . بر آدم، سوزینه ، صحبتنه قصدی ویا دقتسزلکله ، حتی لطیفه طرزنده بیله اصلا یالان قارشیدر . ماملی . ناموسلی آدم ایچون یالان سویله مک، هیچ بر وقتده جائز دگلدر . یالانجیلقدن هیچ بر فائده حاصل اولمادقن باشقه انسان بر کره کذب ایله اشتهار ایدنجه طوغری سویله یه جاک اولسه بیله آرتق آکا کیسه اینانماز؛ بو یوزدن پک چوق مضرت گورور؛ بناء علیه یالانجیلقدن ویا لانجیدن، ییلاندن قاجنیرگی قاچمالیدر .
عمم نبوی حضرت عباس، اوغلی عبد المهرک نزد فاروق اعظمده مظهر التفات اولدیغنی گورونجه :

« اوغلم ! شو اوچ خصوصی دائماً نظر دقته آل : سنی بو
« درجه لره قدر اعلا ایتمکده اولان ذات عالینک اسرارینی تفتیشه
« قالمشیه ! حضورنده کیسه نک فناغنی سویله مه ! کندیسنه سندن
« یالان صادر اوله بیله جگنی ظن ایتدیره جک حالدرده بولونمه ! »
واقعاً یالانجی، هر وقت یالان سویله مز بعض کره ده
طوغری سویلر؛ فقط یالانجینک هیچ بر سوزینه اعتماد ایتک، کار
عاقل دگلدر . بالعکس طوغریاقله معروف اولان بر آدمک سوزینه



اوقدر اعتماد ایدیلیر، که کندیسینی طانییانلر، آنک سوزینک
 طوغریلغنه یمین ایده بیلیرلر. او یله بر آدمک هر سوزی یمین ایل
 مساویدر. ذاتاً طوغری سوزلو آدم، قولنی تأیید ایچون یمین
 ایتکه قطعاً لزوم گورمز: «میانه راستکریانه مجتهد یمین اولاز»
 مضمونیه عامل اولور. دائماً هر نه سویلر و هر نه سوز ویریر ایسه
 آنی کمالیه اجرا ایدر.

ینه شیخ معدی دیمش که:

طوغریلق برکیمسه نک اولسه جهانده عادی
 بر خطا ایلر سده معفو اولور بر اطراد*
 نامدار اولسه یالانچی برکشی، شاید بر آن
 طوغری برسوز سویله سه برکیمسه ایتز اعتماد

کتب منزله ده کذبیتادن نشأت ایدن مضرّتلر حقننده بسط
 مقال ایدلدیگی صیره ده آتیده کی سوزلر ایراد اولونمشدر:

«یالان سویله یین آغز، روحی اولدورور. یالانی مرتکب
 «اولان شاهده، اصلاً مجازاتسز قالماز. یالان سویله یین، هرکیم
 «اوافق تفک ایشلرده طوغریلقدن شاشمنی بر اکلنجه صایار
 «ایسه چوق سورمز بیوک ایشلرده دخی کندیسینی
 «طوغریلقدن آیرلق تهلیکه سنه القا ایدر؛ زیرا انسان، ایلک
 «دفعه اجرا سنده گوجلک گوردیگی موانعه تصادف ایتدیگی
 «شیئه، کیت کیده آلبشیر. آنده گوجلک چکمز؛ بناءً علیه انسانی



« خلق و خالق یاننده منفور و محقر ایدن بویله بر حاله دوچار
« اولمقدن اجتناب ، وَ هر خصوصده دأماً طوغریلنی التزام وَ
« اجرا ایتمه لیدر . »

هر کس دأماً مرائی وَ حیلله کار آدمدن نفرت ایله دیگی گی
حق شناس وَ صادق آدملمرده واجب اولان : حرمت ، رعایت ،
امنیت ایدر ؛ آنلرده دأماً صفوت قلب وَ سلامت افکار آثارینی
گورمگی آرزو ایلر .

صفوت قلبیه وَ افکار سلیمه ، حقیقتی سون وَ دأماً حقیقت
و صداقتی التزام ایدن آدمک بر علامت فارقه سیدر ؛ فقط بو
خصائل ممدوحه ، گرك کنديسنك ، گرك باشقه لرینك مضرّتی
موجب اولماق ایچون بونلری ، عقل و بصیرت ایله مزج و تعدیل
ایتمه لیدر ؛ بناءً علیه بصیرته مغایر گورونن ، طبیعت مصلحتیه
موافق اولمایان ، عقل و حکمته قارشى بولونان هر حال و حرکت ،
حقیقت گی عرض دیدار ایتسه بيله آنی حقیقت اولمق اوزره
تلقی ایتک اصلاً جائز دگلدر .

گرچه بو قصورده بولونان آدملمر ، بیلیمه رك آنکله افتخار ایدرلر ؛
فقط حقیقتده اصلاح و تصحیحی ، پك گوج بر کیفیتدر . بویله
آدملمر ، بو قصورلرندن طولایی تقبیح و تعیب اولوندقلری حالدہ :
« بو قصور کندیلرنده فطری ، طبیعی اولوب نه دوشونورلر ایسه
آنی سویله مکدن باشقه اللرندن بر شی گلمه مکده اولدینی » جوانی

ویریرلر . حال بو که انسانلرک بعض خصوصاتده یکدیگره رعایهٔ حجاب ایتمه‌لری ، بر برینه آثار شفقت گوسترمه‌لری واجب اولد-
یعنی بیلک ایسته‌مزلر .

بر آدم نه قدر فاضل و کامل اولور ایسه اولسون باشقه‌لرینک کندی حقّنده هر دوشوندکلی ، هر سویله‌دکلی کندیسنه اخبار اولوندینی حالده آندن طولانی متأثر ، مکدر اولماق قابل دکلر ؛ بناءً علیه انسانه عار و حجاب نه قدر لازم ایسه امر بصیرت دخی او قدر لازمدر .

سویله که : انسانک وجودی چیللاق اولمق نه قدر عیب ایسه کرم و مروّت نام مقدّسی تحتّنده حددن آشیری کستاخ اولمق دخی او قدر معیوب ، او قدر منفور بر حالدر .

هر دوشوندیگی سویله‌مگی اعتیاد ایدن آدم ، هر سویله‌دیگی دوشونمز .

انسان ؛ لسانی حفظ ایتمه‌یوب آغیزینه گنی سویله‌مک یوزندن حدسنز ، حسابسنز ضرر و زیانلره ، حقّی موجب موت اوله‌حق حاللره دوچار اوله‌بیلیر . بوندن ، انسانه عارض اوله‌حق فناقلرک کوچگی ، گوروشوب قونوشدیغمز آدملرک حقّمزده اولان توجه‌لرینی ، دوستقلرینی غائب ، و امنیّت‌لرینی سلب ایتمکدر . بونکله برابر مرأی و مداهن اولمقدن ایسه حقّ ، طوغری بی سویله‌مک اولادر ؛ فقط عقلی آدم ، بو خصوصده ده بر خطّ



اوسط اوزره حرکت ایدر . مخاطبتک نفسنه گران گله جک ،
خوشلانمایه جنی حقیقتی سویله مکدن حذر ایدر . یاخود خوشلا-
نه جنی بر طرز ایله سویلر . معاشری بولوندیغی انسانلر ایله
خوش گچنمک ایچون صفوت قلب ایله برابر حرکت بصیرتکارا -
نده بولونمق لازم اولدیغی بیلیر . بو ایکی خصلتک مزجندن
حصوله گله جک حال اعتدال اوزره حرکت ایدر .


انسان، گرک نفسنه ، گرک سائرینه ضرری ملحوظ اولان
شیلرده حقیقتی سویله مک خصوصنده کمال تأتیی و بصیرت اوزره
طاورانیلدر ؛ مع مافیه مرآتیک ، مدهنلک ایتمکده گرکی
کبی صاقیمالیدر . واقعا انسان، مرآتیک ، مدهنلک ایله اکثریا
دوست قازانه بیلدیگی کبی طوغری یی سویله مکله ده بعضاً دشمن
قازانیر ؛ لکن بو وجه ایله قازانیله حق دوستلقدن ایسه حق ،
طوغری یی التزام ایتک اولادر ؛ بناءً علیه سائرینه خوش گو-
رونمک ایچون مدهنه ایتک ، اصلاً جائز دکلدر .

صفوت قلبیه نك قیمتی طانییان بعض عالیشان آدملر، کندیلر-
ینه طوغری یی سویله یی دشمنلری، مدهن و مرآت دوستلره
مرجح طوتارلر .

خلفای راشدین حضراتندن بری : «طوغری سوز سویله مک،
«امانت ، یالان سویله مک، خیانتدر ؛ یعنی : طوغری سوز، امین
«آمدن ، یالان ایسه خائن انساندن ظهور ایدر .» بیورمشلردر .



وقتيله حکمدارلردن بری، صفوت قلبیه و اخلاق ممدوحه ايله
 متصف اولان آدمیری سور، آنلره چوق رعایت ایدردی .
 حکمدار مشارالیه برگون بعض خصوصات مذاکره سنده حاضر
 بولوندیغی صیره ده دقت سز لکله کندی وقارینه یاقیشمايه جق بر
 وضعده بولوندی . بو حالی گورمکده اولان قرناسی، گورمز لکدن
 گله رک خبر ویرمه دیلر ؛ کندیسنی ایقاظ ائمه دیلر ؛ لکن حاضر
 بولونان اسرادن بری، اخطار کیفیته جسارت ايله دی . بونک
 اوزرینه مشار الیه : « بو آدم، قید اسارتدن قورتولوب آزاد
 اولسون ؛ کندیسنک دوستلرمدن یری بولوندیغنی بیلزدم ! »
 دیمشدر .



انجاز وعد

ناموس و اعتباری سون، و آنی غائب ایتک ایسته مهین آدم، سوزینی، وعدینی یرینه گتیرمگه، آنی تمامیله اجرا ایتمگه ساعی اولمالیدر. کمالات انسانیّه ایله متجلی اولمق آرزوسنده بولونان آدمک باشلیجه وظیفه لرندن بری ده انجاز وعددر.

انسان کامل، اڤ اوفاق شیلرده بیله وعدینی انجاز ایتمک، اڤ مهم وظائف انسانیّه دن اولدیغنی بیلیر. اوفاق شیلرده نقض وعد ایدن آدم، چوق سورمز بیوک شیلرده دخی وعدنده صادق اولما مقده قرار قیلار.

عالمده وعد ایدوبده بر آدمی انتظارده بیراقق گبی فنا برشی اولمایه جغی، ادنی ملاحظه ایله آڤلاشیله بیلیر.

کلام عالی فاروق دن بری ده: «ایکی شی یالاندن آریله ماز؛ بری: چوق وعد ایتک، دیگری: زیاده عذر دیله مکدر» سوزیدر. صورت مشروعه ده ایدیلن وعدک انجازه بزه امر ایدن، حقیقت اولدیغی گبی بعض کره آندن بزى منع ایدن ده ینه حقیقتدر؛ بناءً علیه مشاهیر حکمای قدیمه دن هیچرود دیر که:

« اخافه وَاغفال ايله ايدیلن وعدك انجazine انسانك بورجلو اولما-
دیغنی هر کس تسلیم و تصدیق ایده بیلیر . »

بونك ایچون انسان، عزیز اولان حیاتی محافظه ، خانه سنی
وَ اموال و اشیاسنی ضیاعدن وقایه ایتک اوزره خرسزله و او
قییلدن اولان آدمیره مجبوری اوله رق بر گونه عهد و وعده
بولونور ایسه بویله مجبوری اولان وعدلرك انجazine بورجلو اولما-
یه جنی درکاردر . بر فنالق یولنده ایدیلن وعدك دخی بو قییلدن
اوله رق اصلا اجراسی جائز دگلدر .

حمیت ، صداقت ، حَقَّانیتپرورلک، انجامز وعدك آمری وَاَنك
بر محافظی مقامنده در . بونك گبی : عقل ، حکمت ، بصیرت
دخی انسان ایچون هر نوع مواعیدك بر رهبری مثابه سنده بولونمق
شرطدر ؛ بناءً علیه قولای قولای بر شی وعد ایدن آدملرده :
عقل ، حکمت ، بصیرت مفقود اولدیغنه حکم اولونور ؛ زیرا
اك قولای ظن اولونان ، فقط بصیرته مغایر بولونان بر وعدك
بیله انجامزنده مأمولك غیری اوله رق بیك دورلو مشکلات وموانع
ظهوریله موجب ندامت اوله بیلیر .

انسان، عریض و عمیق دوشونمکسزین کیسه یه بر شی وعد
ایتمه لیدر ؛ زیرا قولایجه وعد ایدن آدم، ینه قولایجه وعدینی
ایاق آلتنه آلمغده مجبور اولور ؛ بناءً علیه انسان، قدرتنك
مافوقنده بولونان ویاخود خطایه ، گناهه گیرمه دن اجراسی قابل
اولمایان شیلری وعد ایتمکدن بغایت حذر ایتمه لیدر .

حضرت علی (رضی الله عنه) : « بر کره سوز ویردکن ،
او سوزده طوره جغکی تأمین ایتدکن صوگره آندن دونه مه -
لیسک . » بیورمشدر .

برده برشیئی اولجه چوق وعد ایدوبده صوگره آز ویرمکن
ایسه آز شیئی وعد ایدوبده صوگره وعد اولونان مقداردن
زیاده ویرمک اولادر .

انسان، کندی راحتنی ایسترایسه آز وقت ظرفنده اجراسنده
بولونه مایه جفی شیلری وعد ایتمه ملی . با خصوص یوزسز آدمیره
ممکن مرتبه آز دفعه وعدده بولونمالیدر ؛ یوقسه وعدینی اخطار-
دن باش آلهماز ؛ اوزرینه تعجیزلک دعوت ایتمش اولور .


هدیه اولق اوزره وعد ایدیلن شیلر، قبول ایده جک اولان
آدمک مأمولندن ای و زیاده اولق لازمدر .

« بربریکزه هدیه گوندریکز ، که سؤیشه سگز . » مألندن اولان
[تهادوا تجابوا] حدیث شریفنک مقتضای منیفی اوزره انسانلر
ایچون یکدیگره هدیه گوندره رک جلب خاطر ایله مک ؛ کمال محبت
حصولنه وسیله اولدیغندن عادات مستحسنه دندر .

انسانک کندیسنه - ولو جزئی اولسون - بر هدیه گونده رن
ذات حقنده ناصل بر انجذاب قلب حسن ایتدکه ایسه هر کس
نفسنه مراجعتله بو انجذابی آکلایه بیلیر .

بادیه نشین عربک بری خلفادن برینه - بادیه گبی سرای

خليفه ده دخی سو پک قيمتليدر زعميله - بر دستي يا غمور صوبي
 تقديم ايتمش . بونک اوزرينه خليفه، بر ممنونيت فوق العاده ايله
 بو هديه ناچيزي قبول ايدر . زواللي عربيه « چوبان آرمغاني
 چام ساقزي » قبيانندن اولان هديه سندن طولاي فوق العاده
 احسان ايله مشدر .



سوگیلی اولمق

سوگیلی اولمق نه قدر قولای اولدیغنی ، سوگیلی اولمقده نه قدر بیوک حظّ بولندیغنی هر کس حقیقه حسّ ایتمش اولسه ایدی عالمده سوگیلی اولمغه چالیشمایان آدم قالمازدی .

واقعا هر کس سوگیلی اولمغی آرزو ایدر ؛ آندن بر حظّ طویار ؛ لکن سوگیلی اولمانک طریق وقاعده سنی بیلن ، پک آز بولونور . بو قاعده ایسه سویله جک ایشلر یایمقدن عبارت بر فضیلتدر .

حکما دن بری : « سوگیلی اول ، که سویله سک . » دیمشدر .

سوگیلی اولمق ایسته ین ؛ هر خصوصده بو قاعده نی خاطرندن چیقارما مالیدر ؛ زیرا هر کسه سوگیلی اولمق ایچون لازم گلن وسائطک کافه سنی شاملدر . او وجه ایله عمر من اولدجه تلذذ ایده بیله جگمز لطیف ، پایدار بر لذت ایله متنعم اولورز . سائرینه سوگیلی اوله بیلمش اولدیغمز بیلمک ، او یله بیوک بر لذتدر ، که عالمده باشقه هیچ بر شیده حسّ اولونه ماز . بر فنا آدم یوقدر ، که هر فناغیله برابرینه هر کسه سوگیلی اولمغه آز چوق چالیشما . سون . هر کسدن قصورینی ممکن مرتبه ستره چالیشماسی ده بوکما دلیل قویدر .

ایلیک ایتمک

ای خلیل! طوروشوب کعبه‌یی یامقدن ایسه
یاپ! کوکل خانه‌سی: بیت خدا ایستر ایسه‌ک
(سلطان سلیمان قانونی)

باشقه‌لرینه ایلیک و خدمت ایتمک آرزوسی، هر کسک قلبی
جلب ایله‌مک ایچون امین بر واسطه‌در؛ بناءً علیه انسانلر
کندی ماللریله، نفوذلریله، اعتبارلریله، شهرتلریله، درایتلریله
و سائر دورلو دورلو وسائط حسنه ایله یکدیگرلرینه ایلیک
و معاونت ایتمه‌لیدرلر.

الندن گلن بر ایلیگی ایتمک ایسته‌مه‌ینلر، عجبا کندیلری ده بر
کون باشقه‌لرینه محتاج اوله‌بیله‌جکلرینی در خاطر ایتمزلرمی؟
حضرت علی (کرم الله وجهه) بیورمشدرکه: «سز باشقه‌سنک
اولاد واحفادینه احسان ایدک، که باشقه‌لری ده سزک اولاد واحفا-
دیگرزه مکافاة احسان ایتسونلر».

بوگون الندن گلن بر خدمت و معاونتله سائرلرینه سوگیلی
اولغی ایسته‌مه‌ین، آنلره چشم تحقیر ایله باقان آدملردن، هانگیسی
بالاخره آنلردن هیچ برینه محتاج اولمایه‌جغندن امین اوله‌بیلیر؟



حقیقتده بوندن فرد آفریده آمین اوله ماز . کندی کندینه کافی
واحتیاجدن کلیاً مستغنی، یالکیز مولادر .

بر ذات، ابوجعفر* حضرتلرندن نصیحت ایسته مش . مشارالیه :
« سکا توصیه ایدرم، که : ارباب ایمانک صغیر السن اولانلرینی،
« چوجوغک، هم سن اولانلرینی، قارنداشک، کبیر السن اولانلر-
ینی، پدرک حکمنده طوت . چوجوقلریکه، رحم و شفقت، قا-
« رنداشلریکه، احسان و معاونت، پدریکه، انعام و رعایت ایله ! »
بیورمشدر .

سائرلرینی سومک، آنلره الذن گلن معاونتی ایتک خصوصی
عقل و دیانت بزه امر و تنبیه ایتکده اولدیغی گبی منافع ذاتیه من
دخی بونی ایجاب ایتدیرر . یالکیز کندی نفسنه ایی اولان آدم،
کوتو، حقسر، منفوردر؛ زیرا بویله آدم، جمعیت بشریه نیک
ایلیکلرینی، منافعی، بلا مقابله تصرف ایتک ایستر . یاسائرک
ایلیکلرندن حصه مند اولمقدن گری چکلمه لی، یاخود عدالت
وانسانیتک ایجاب ایتدیگی وجه ایله کندیسیده سائرلرینه معاونت
ایله مه لیدر .

ایفای وظائف متقابله دن گری طور مق، بیوک حقسزلق
دکلیدر ؟

کندی همجنس لری بولونانلره معاونت ایتک ایسته مه یین بویله
کستاخ آدم لره جناب حقدن نه یوز ایله استمداد ایده بیلیرلر ؟ بزه



عباد اللهی قرداشمز مقامنده قبول ایتمک ایسته مه دیگمز حالده جناب حقک، بزى نعم جلیله سیله حمایه ایتمه سنه نه وجه ایله لایق اوله بیلیرز ؟

قوانین جلیله طبعیه نك صانعی اولان جناب حق، جمعیت بشریه یی ایجاد ایله دیگی زمان انسانی یکدیگریله تناون و تناسر ده بولونمق ایچون خلق بیوردی .

بوه اوله بر حقیقت مسئله در، که سخاوت، کرمکارلق و علو جنابقله اشتهار ایدن : حضرت ابوبکر صدیق، حضرت عمر، حضرت علی، عمر بن عبدالعزیز، عبدالله بن مبارک، ابا مسلم خراسانی، خاتم طائی افطویه، آرسطو گبی ذوات عالیه، یالکز عقل و حکمت نوریه بو حقیقته واقف اوله بیلدیلر. بونلر، کندى ملاحظات حکمیه لرنده : « بز، یالکز کندیمز ایچون طوغمامشز ؛ ابونمز، احبّا و اقربامزک و علی العموم انسانلرک، اوزرمزده حقوق مقدسه سی واردر . » دیمشلردر .

مادام که اوله در بو خصوصده طبیعتک مقصد محقانه سنه اتباع و جمعیت بشریه نك اییلگنه، قدرتمز یتدیگی مرتبه خدمت ایتمک، اوزرمزه فرضدر . بوايسه معاونت متقابله ایله جمعیت بشریه یی یکدیگرینه ربط ایدن رابطه مشترکه انسانیه یی دائماً تأکید و تأییده چالیشقله اولور .

عالمده هرشی انسان ایچون خلق اولوندینی گبی انسانلر دخی

یکدیگری ایچون خلق اولونمشلردر ، که معاونت متقابله ایله بربرلرینک احتیاجاتنی دفع و رفع ایتسونلر .

عبدالله بن مبارک دن فقیرک بری : « الله ایچون بکا برشی ویر » دیدی . عبدالله حضرتلری ده چیقاروب بردرهم ویردی . مجلسده اولانلردن بری : « بو دینچی طائفه سی ، دائماً کباب و شکرله گبی » طعاملر یرلر ؛ بوکا بر فلس ده کفایت ایدر » دیدی . عبدالله حضرتلری : « بن ، سائللری یالکیز اتمک ایله بقله نوعندن شیلر » یرلر ظن ایدردم ؛ مادام که او یله نفیس طعاملرده یییورلر او حالده « ویردیکمز بر درهم کفایت ایتمز . شو سائلی گری چاغیرکده » اون درهم دها ویرک . « دیه امر ایله دی .

بونلر ، یکدیگر مزه الدن کلدیگی مرتبه ایلیک ایتمکدن ، دفع مضایقه ایله مکدن عبارت اولان بروطفه انسانیّه اولدینی محققدر . ثروت و قدرت صاحبی اولان آدملرک سائرلرینه فائق بولونان مزیتلری ، آنجق دائماً همجنسلرینه معاونته مقتدر اوله بیلملرندن عبارتدر .

کرماندن بری ده امرادن عبدالعزیز بن عبدالله ایدی . دار ضیافتی دائماً هر کسه آچیق ایدی . بر اعرابی برگون مشارالیهک دأره سنده هر کسه له برابر صباح طعامی ایتمش ایدی . ایرتسی گونی مرقوم عرب ، ینه قاپیسینک اوکشدن گچر ایکن خلقک ، او گون دخی سوری سوری مشارالیهک خانه سنه دخول ایتدکلرینی

گورونجه : « امیر حضرتلری هر گونمی ناسی اطعام ایدر ؟ »
 دیه سورار . « اوت » جوانی آلینجه : « اویله ایسه عبده العزیزك
 دأرہسنده هر گون بایرامدر » دیمش .

ثروت وشانك حسن استعمالنندن زیاده لطیف ولذیذ نه واردر ؟
 بر چوق آدملر، دنیاده علی العموم نازكورك حكم سورمكده
 اولدیغنی ، ایلیكلری سوء استعمال ایدلیگنی بهانه ایدرك ایلیك
 ایتمه لرندن طولای تیرئه نفس ایتك ایستلر ؛ حال بوكه بو عذر،
 معقول دگلدر . ایتدیكك ایلیكك ضایع اولماماسنی و بو سببله
 سكا آندن ندامت گلهمه سنی ایستر ایسهك ایده جكك ایلیگی حسن
 استعمال ایتمه چالیشمقدن خالی قالمالمیسك . آثار جمیله بیراقغه
 و جمعیت بشریه نك حصول ترقیسنه ، منافع عمومیه خدمت
 ایده جك شیلره صرف اوقات ایتمه لیسك . افراده دخی ایلیك
 ایتدیكك وقت مقصدك، ینه عمومك منافعه خدمت اولمالیدر .
 کتب مقدسه نك احکامی دخی بونی ایجاب ایدر .

وقتیله آریجه نهری طغیان ایتمشدی ؛ اودرجه که وهره کوپریسنك
 اورته کمرندن ماعدا هریرینی یقوب خراب ایتش ایدی . بو کوپر-
 ینك اورته کمری اوزرنده برقولیبه واردی ؛ ایچنده ده سفیل برfamلیا
 ساکن اولویوردی . خانه خلقی ، اللرینی آچهرق نهرك ایکی قیسیندم
 بولونان آدملردن معاونت دیلرلردی . چوق سورمه یوب بوکمرک
 تملاری دخی صویك شدت جریانندن صارصیلوب هرکسك گوزی
 اوکنده ییقلغه یوز طوتدی .



بو هنگامده اصحاب ثروتدن بری، هر کیم قایقله کیدوب بو بی-
چاره لری قورتاریر ایسه یوز آلتون ویره جگنی وعد ایله دی؛
لکن گیده جک قایغک غرق اولماسی، یاخود ییقلغه یوز طومش
اولان کمرک ییقنیتیسی آلتنده قالماسی محتمل اولدیغندن بونجه
اهالیدن بر کیمسه بو ایشه جسارت ایده مزدی.

بو صیره ده اورادن گچمکده بولونان بر کویلو، بو ایشه واقف
اولدی. ایدیلن وعدی ده ایشتیگی ایچون درحال بر قایغه آتیلدی.
قوت بازوسنی کورکلره ویره رک مذکور کمرک آلتنه چاندی.
قولیبه ده بولونانلرک جمله سنی بر ایپ واسطه سیله قایغه ایندیردی.
ایندیرنجیه قدر صارصلقده اولان کمرک تهلکسی آلتنده بولو-
نیوردی. نهایت تملیک اوکندن ساحل سلامته چیقارمغه موفق
اولدی.

هرکس تعجبه قالدی؛ آقشلرله استقبال ایتدیلر. وعد مکافات
ایدن ذات، کمال ممنونیتله برابر موعود مبلغی کویلونک اوکنه
قویدی. کویلو، برطور عالجنابانه ایله جواباً: «بن حیاتی
» صاتم. چالیشقانلغ سایه سنده عیال و اولادی گچدیره بیلیم.
» بو مبلغی او بی چاره فامیلیایه ویرک، که بندن زیاده احتیاجلری
واردر. دیدی. دلیقانلینک بو علوجناب وجوان مردلکنه هر
کس حیران اولدیلر.

اوائل دولت اسلامییه رجال کبارندن علی بن سلیمان نام وزیرک



حضورینه بر کیمسه چیقار . « الله عظیم الشان و رسول آخر الزمانه توسلاً بنی خصمک دست جورندن قورتار ! » دیه استرحام ایدر .

وزیر مشار الیه : « خصمک کیدر ؟ سویله ، که سنی آندن خلاص ایدیم » دیه سؤال ایدر : « خصم ، فقر و ضرورتدر » دیر . مشار الیه بر مقدار تأملدن سوکره بیگ درهم ویرمه سنی امر ایدر . مرقوم آلوب دعا و ثنا ایله کیدر . علی بن سلیمان ، ملتجی نك حال و طورندن ، صورت افاده سندن محظوظ قالیر . احساننی توسیع ایتک ایستهر . فقیری یولدن گیری چویریر . آکا : « ای آدم ! بن ده حق تعالی و رسول اکرمه متوسلاً » رجا ایدهرم ، که هر نه زمان خصمک سکا ظلم ایله گلیرسه سن ده « تظلاً بگا کل ! » دیهرک احسان علی الاحسان ایلر .

قانون محبت ، واقعا بزى همجنس مزه علی العموم ممکن مرتبه معاونت و ایلیک ایتکه سوق ایدر ؛ آنجق بونلرک ایچلرندن فقرا و ضعفا طاقینه معاونت ایتک ، بو فضیلتک شایان مدح و ثنا اولان انواعنددر ؛ لیکن اصحاب اقتدار و اعتباره عرض اولونان خدمت و معاونت ، اکثریا بر مقصده مبنی اولور . اوده مقابلنده آنلرک حرمت و رعایت و حسن توجهرینه مظهریت گبی بعض منافع ذاتیه امیدیر .

برده ایلیک ایتک خصوصنده بعض دفعه آداتق ایسته من

ایسهک بر ایلیک ایده جگمز وقت احتیاط و بصیرت اوزره طاو -
رانمالی یز ؛ یعنی : ایتدیگمز ایلیکدن اصل مقصد نه ایسه او
مقصد خدمت ایدوب ایتیه جگنی حتی آندن بر گونه مضرت
اثری گوریلوب گورولمیه جگنی دوشونمیلی . الحاصل : اویله
ایلیک ایتیهلی یز ، که سوء استعمال قابل اولماسون .

انسان، برینه بر ایلیک ایتدیگی وقت یوزنده بشاشت ، سوزنده
لطاقت موجود اولمالی . آثار مروّتکارانه و انسانیتپرورانه ابراز
ایله مهلی ؛ مع مافیه یالکمز ایلیک ایتک کافی دگدر . ایلیک ایتمهک
اصول وقاعده سنی ده بیلمیلی . ایلیک ، قارشیسینده کینه مقبوله گچه -
جک طرزده اولمالی . مقبوله گچدیگندن ده امین بولونمالی .

ایلیک ، گرچه انسانک خصائص و کمالات انسانیه سنی تشکیل
ایدن گوزل ، سویملی تجهیزاتدن بریدر ؛ لکن عدالت و حقایقت
آندن ده عزیزدر .

انسان ، کندلی مالینک غیری اولان اموالدن سخاوت ایتک پک
قولایدیر ؛ لکن بو یولده اولان سخاوت ، اصلاً جائز و مقبول
دگدر . انسان ، ایلیک و سخاوتی ، اصل کندلی مال حلالندن
ایتمک لازمدر . یوقسه برندن غصب ایدوب بر دیگرینه ایلیک
و سخاوت ایتک ، آيا صوفیه ده دیله نوب فاتحه ده صدقه ویرمکدن ده
فنا بر معامله در .

سائرلرینه ایلیک ایتک ، یالکمز عطیه ، هدیه به منحصر دگدر .

انسان، ایله، دیلیله، نفوذ و اعتباریلده بر چوق ایملکدر
ایده بیلیر.

ترجمه نبیانه ده بیان و تفسیر اولوندیغنه گوره قرآن کریمده :
« بر کیسه الله رضاسی ایچون برینک حقّنی وقایه ، یا ضررینی
« دفع ، یا جلب منفعت ضمننده خالصانه شفاعت و اصلاح ذات
« البین ایدر ایسه کندیسنه آندن نصیب و ثواب وارددر . خیره
« سبب اولان، خیری ایشلهمش گبی اولور. » مألنده بر آیت
منیفه وارد اولمشدر .

طریق سلامتدن عدول ایله ضلالتده دوشن بر آدمی، نصایح
نافعه لازمه ایله طوغری یوله سوق ایتک ، بر بی چاره بی قضاء
و یا خطاء دوشدیگی بر بلادن قورتارمق ، بیلمدیگی بر شیبی
تعریف ایتک ، فنا بر حالده بولوندیغی تقدیرده آنی ایقاظ ایله مک
گی شیلر، هپ برر ایملکدر .

« اصحاب حاجات بگا مراجعت ایله دکبری زمان سز همان شفاعت
ایدیکیز ، که نائل اجرا و ثواب اوله سگیز . » سوزی ده احادیث
شریفه دندر .

الحاصل : انسان کامل، ایملک ایتکدن طویدیغی حظّی، سائر هیچ
بر شیدن طویه ماز .

يارانچيلىق - مراثىلك

عمىي سويلهين آدم، رحمت
الهييه مظهر اولسون .
[حضرت عمر]

يارانچى آدم، سائرلرينك مشروبلىرىنه واقف اوله رق كندىسنى
آنلره اويدورور . اطوار و افكارىنى تحقيق و تدقيق ايدهر ك
كندىنى آنلرك طبعنه خوش گله جك صورتده گوسترمگه چاليشير .
يارانچيلىق، ممدوح ده ، مقدوح ده اولور . يارانچى، ايتديكى
يارانچىلىقنى اگر بر نيت ممدوحه ايله استعمال ايدرسه ممدوح ، نيت
فاسده ايله استعمال ايلرسه مقدوح اولور .

بوصفقى حسن استعمال ايدن آدم، باشقه سنك ، حقي دوستنك
اذواق مشروعه سنه حصّه دار اولور . او مثلى حظوظاتى كند -
يسى ده ايجاد و ايراد ايدر ؛ لكن غير مشروع اولانلرىنى ده نه قبول
ايدر ، نه ده دوستنه لايق گورور .

حسن معاشرتدن مقصده ، گرچه دوستنه يارانمقدر ؛ لكن
مقبول اولان، كندى حيثيت و وقارىنى قيره جق هيچ بر معامله ده
بولونماقدر .

ایشته « یارانمق » دیدیگمز شیدک حسن استعمالی ، یعنی : مشروع و ممدوح اولان جهتلری ، علامتلری ، بونلردن عبارتدر .

بو صفتی سوء استعماله مألوف اولان شخص ، اخلاقی بوزوق برسفییه چاتارسه آنک دلخواهی وجه ایله بیك دورلو تلون افکار و اطوار ساتار . هوا وهوسنه ، هر نوع میلّیات غیر مشروع و عهسنه خدمت و اتباع ایدر . آنک : مزاجنه ، مشروبنه ، کیفینه موافق سوزلر سویلر ؛ مثلاً : آنک تحقیر ایتدیگی شیئی کندی ده تحقیر ایدر . تقدیر ایتدیگی شیئی کندی ده تقدیر ایلر . او ، ارتکاب مناهی ایدرسه کندی ده ایدر . بیاضه قاره دیر ایسه کندی ده دیر . کندی هر وجه ایله انکله هم افکار گوسته ریر . آنک قصورلرینی ، فنا میلّیاتینی بیله تحسین ایدر . اثوابی ، اعمال و حرکاتی ، حاصلی : هر شیئی آکا اویدورور . بعضلر ، بومثللی آدمیره ده « یارانچی » تسمیه ایدرلر . بویله لرینه یارانچی دگل ، طالق ووق نامی ویریلیر .

ملوك امويہ دن هشام بن عبد الملك بر کیمسه یوزینه قارشى مدح ایتدی . هشام : « ای آدم ! بر آدمی یوزینه قارشى مدح ایتک معیوباتدن دگلی ؟ » ديه اعتراض ایله دی . ماح مرقومده جوابنده : « بن سنی مدح ایتدم ؛ حق تعالی حضرتلرینک سنک اوزرگده اولان نعمتلرینی ذکر ایتدم ، که آنلرک شکرینی تجدید و تکرار ایده سک » دیدی .

هشام: «بوجواب باصوابک، اولکی مدحکن گوزلدر» دینه تحسین، و عطیه کثیره احسانیه موما الیهی بگام ایله مشدر.

بعض اصحاب ثروت و شهرتک اطرافنی احاطه ایدن بر طاقم مرائی و مداهن آدم لر گورولور. بونلر، آنلره یارانمق، خوش گورونمک ایچون هر بر ذلتی قبول ایدرلر. آنلرک خوشلرینه گیده جک هر شیئی مایمون گبی تقلید، خوشلانمایه جقلری هر شیئی یانلرندن تبعید اتمگه ممکن مرتبه چالیشیرلر. آنلرک بعض او یغونسز حاللرینی بیله تحسین و کندیلرینی یوزلرینه قارشی مدح ایدرلر. باشقلرینه قارشی ایسه انواع تعییبات و نقیحات ایله تزییف ایلرلر. الحاصل: یارانمق ایچون هر نوع رذالت و خبیثی مرتکب اولورلر. بویله آدم لره احباب و یاران دینیه. بیلیرمی؟ قطعاً!

حضرت علی (رضی الله عنه) کندیسینک یوزینه قارشی فوق العاده ستایشده بولونان بر منافقه:

«بن سنک اظهار ایتدیگک قَوْلک مادونندهیم؛ فقط اضمار ایتدیگک فکرک مافوقندهیم» دیه جواب ویر مشدر.

بونلر، انسان دگل، جاناور (جانور) مقوله سی شیلر در. بویله تلون افکار و اطوار ایله مألوف اولان، بوقلمون گبی انواع الوان گوستهرن و هر بویایه بویانان کیسه لرده بعض کره ایملک ده مشاهده اولونور؛ لیکن مقبول اوله ماز. بو مقوله

حشر اتدن ممکن مرتبه اوزاق طورمالی ؛ زیرا بویله جاناوارلردن هر دورلو فنالق ملحوظدر . کندیلر یله گوروشن آدمک : مالنه ، عرضنه ، ناموسنه ، اعتبارینه ، مزیت و حیثیتنه ، الحاصل : عزیز جاننه بیله مضرتلری وارددر .

خُطْبًا وَ بُلْغًای قدیمه دن بر ذات ، بر گجه بر رومالی ایله برلکده بر محله طعام وَ عقدِ مجلسِ مصاحبت ایدر . رومالی ، طبعاً محجوب ایدی . خطیب مومالیله هر نه سویله سه « اوت ! اویله در . » دیمکدن باشقه بر جواب ویرمزدی . آرتق خطیبک جانی صیقیلوب : « به هی آدم ! الله عشقنه بر سوزمی ده جرح ایت ، که ایکی شخص اولدیغمز بللی اولسون ! » دیمشدر .

باشقه لرینه یارانمق ایچون ایی یورکلی اولمالی . آنلرک دلخواهنه متابعت ، افکارینه موافقت ایتک خصوصنده ده بیوک بصیرت لازمدر . سائرلرینک مشربلرینه ، قصورلرینه ، حتی بعض حظو-ظاته تحمّل ایده بیملک ایچون بیوک صبر لازمدر . بو جمله ایله برابر شرعاً ، قانوناً ممنوع اولان ، آداب و اخلاق حسنیه مغایر بولونان ، قاعده حسن معاشرت وَ صفتِ انسانیته یاقیشایان و معیو-باتدن عد اولونان حال و حرکتلرینی ده تعیب و تقبیح ایچون بیوک جسارت لازمدر . حال بوکه انسانلر ، علی العموم کندی قصورلرینی گورمه دکاردن اکثریا سائرلرینک ریا و مداهنه سنی حسن تلقی ایدرلر ؛ لیکن بو حالدن ده توقی ایتک الزمدر .

حلم و حدت

علامت نجابت ايكيدر : غضب
حالنده حلم، قدرت زماننده عفو.
[نوشیروان عادل:]

اصل شجاعت، صبرده در .
[حضرت سلیمان*]

طبیعتك انسانه بخش ایله دیگی خصائصدن بری ده حلمدر . بعض
آدم، طبیعتك بو گوزل موهبه سندن محروم بولونور ایسه اجتهاد
ایله دخی اکتسابی قابلدردر ؛ بناءً علیه انسان، آنی کسب ایتمگه
جهد و اقدام ایله مه لیدردر . بو گوزل صفتیه مالک اولمق ایچون
انسانده یالکیز غیرت لازمدردر .

امام علی حضرتلری بیورمشلرکه : «اوج شی، اوج یرده
بیلنیر : «اصحاب شجاعت، محاربه وقتینده، دوست، وقت
حاجتده، حلیم، غضب زماننده .»

رها بئیدن بر ذات، طبعاً بو گوزل صفتدن محروم و حدید
المزاج ایدی . کندیسنك بو حالنه ینه کندیسکی واقف اولونجه
در حال اصلاح نفس ایتك مراقبه دوشدی . گوندن گونه کسب
حلم ایتمگه موفق اولدی .

شبان زادگاندن بری، راهب موما الیه ناصلسه خصم اولدی .
آکا کین و غرض باغلادی . عداوتنی او قدر ایلری گوتوردی،

که بر گون خدمه و توابعیه برابر خانه سنک اوگنه گیدوب کلبلر
گبی عوعوه و شمتایه باشلادی. ایتهدیگی حقارت قالمادی. بوقدرینه
ده قانع اولمادی؛ جبراً خانه دن ایچری دخول ایندی. آنک
بولوندیغی اوطیه چیقهرق یوزینه قارشی سبب ایله دی. راهب
ایسه حلیمانه یوزینه باقهرق اصلاً مقابله ده بولونمادی.

خبیث مرقوم، راهبک بوسکوتی کندیسنی تحقیر دیمک اولدیغنه
ذاهب اولدی. دها زیاده قودوردی؛ بر طاقم تحقیر اتده دخی
بولوندی. ینه سکوت ایله مقابله گورونجه بیراقوب صاووشدی.
بو وقعه ده اوراده حاضر بولونانلر عظیم تعجب ایتدیلر. و:
«بو قدر طعن و تشنیعه ناصل تحمّل ایده بیلدیگز؟» دیه راهب
مومالییه سؤال ایتدکلر نده: «یورگم خلحان و هیجان ایچنده اولدیغی
«زمان طویدیغم حدّت و شدّته غلبه ایتمک اوزره سکوت ایتمگه
«عهد ایتشدم. بونک ایچون صبر ایتدم. آنک آتش حدّت
«و وحشتنی، آب سکوت و سکون ایله اطفاء ایتسه ایدم باشقه نه
«ایله ایده بیلیردم؟ آتشلر ایچنده قالان بر بی چاره یی یانمقدن
«قورتارمق بورجهز اولدیغی گبی حدّت و شدّت آتشنه یانمقده
«اولان بر آدمی قورتارمغه دخی بورجلو دگلی یز؟» جوابی
ویردی.

بویله حدید المزاج، شدید الطبع اولان بیوکلر و کوچکلر،
ایشته بو حکایه دن عبرت آلهرق آتش طبیعتلرینی آب سکوت



و سکون ایله تسکین ایتمه لیدرلر . بوگا موفق اولمق نه قدر گوج ایسه منافعی ده او قدر چو قدر .

حکمای قدیمه دن بری اوغلنه ایتدیگی نصایح صیره سنده :

« اولادم ! هر خصوصده حلم و صبر ایله معامله ایت ! زیرا
 « بو وجه ایله بیوک بیوک ایشلر گورمش اولمقدن زیاده مقبول
 « و معتبر اولورسک . » دیمشدر .

فضلائی تابعیندن امام شعبی حضرتلری حلم حقننده شو
 آتیده کی مألده بر بیت یازار ؛ بو بیتی هر وقت تکرار ایدردی :
 « حلم ، رضا حالنده اولان سکون اولمایوب حال غضبده اولاندر ؛
 « یعنی : عجز ایله اولان حلم ، حلم دکدر ؛ اصل حلم ، اجرای اخذ
 « ناره مقتدر ایکن اجرا سندن صرف نظر ایتمکدر . »

صفت حلم و ملایمتله متصف اولان آدمی ، هر کس سور ؛ آکا
 هر کس حرمت و رعایت ایدر . هر کس کندیلی ایله معاشرت
 و مراقت ایتک ایستر . حدید المزاج ، شدید الطبع اولان
 آدمین ایسه هر کس نفرت ایدر .

جنتکان قانونی سلطان سلیمانیه حضرتلری تسکین حدت حقننده :

نفس حظن ای « محبی [*] » ! ویرمه گل حیوان صفت
 ضبط نفس ایت عارف اول ! عالمده انسانلق بودر

[*] اکثر شعراء ، یابدقلری شعرلرده طوغریدن طوغری به استملینی ذکر
 ایتمه یوب نام مستعار ، یعنی : باشقه بر نام قوللانیرلر . سلطان سلیمانده :
 « محبی » نامنی قوللانیرلردی .



بیت حکیمانه سنی انشاد بیورمشلردر .

حدّت طبع، اوپله فنا بر حالدر، که کنديسنی آکا آیشدیران
آدم، هر یرده منفور و نهایت بدبخت اولور . آرتق قهرندن
منفرداً یاشامغه مجبور اولور ؛ زیرا حدّت و شدّته تحمّل ایدمک
مخاطب، پک آز بولونور . الحاصل : بو طبیعت، انسان ایچون بیوک
بر قصوردر . انسان، بو قصوردرن تجرید نفس اتمگه جهد ایتمز
ویا موفق اوله ماز ایسه پک چوق مضرتنی گورور .

امثال سلیمانده : « قولایجه حدّت و شدّته میال اولان آدمک
حالنه کیم تحمّل ایدم بیلیر ؟ » دیه وارد اولمشدر .

واقعا حسب البشریّه هر انسان مجبور عجز و نقصاندر . هیچ
بریمز قصوردرن خالی دگنر ؛ لکن حدّت و شدّته مألوف اولان
آدم، آز چوق عقله مالک ایسه بو ظالم آتشی اطفاء اتمگه
چالیشسون . بتون بتون اطفاء ایدمه سه بيله ممکن مرتبه تسکین
ایتمگه سعی ایتمه لیدر ؛ زیرا بو حالدن انسانه عارض اولان زیانک
حدّ و حسابی یوقدر .

حضرت پیغمبر ذیشانّه : « اشدّ آفات نهدر ؟ » دیه سؤال
اولوندقده : « غضب اللّهدر » جوابی ویردیلر . « غضب اللّهدن
اجتناب ایتمه نك طریق نهدر ؟ » دیه صورولدقده : « غضب ایتمه -
مکدر » بیوردیلر .

واقعا عادت و آلیشمقلاک، بو بابده دخل عظیمی اولدینی انکار

ایدیله مز ؛ آنجق کندی حال و مزاجنی آکلایه رق اصلاحنه چالیشمایان آدم، بو خصوصه عدم تقیدندن ناشی بر قات دها قصورلو، قباحتی عد اولونور .

اویله آدملرده واردر، که بویله فنا میلیاتی ضبط ایتمه چالیشماقدن باشقه فنا صورتده امرار ایام ایدرلر؛ بو فنا حاللرینی قات قات تشدید ایدرلر . بو مثللو حالات ذمیعی نی یورگنده صاقلامق وَ آنک تحت ضبط واستیلا سنده بولونمق، پک بیوک بر قباحتر .

ملوک امویہ نك اعدلی، عمر بن عبدالعزیز حضر تلی، والیلردن برینک شدت غضبی خبر آنجه کندیسنه :

« اهل قباحته، حال غضبگده بردن بره عتاب و عقاب ایتمه !
 « اولاً حبسه القا یت ؛ مؤخرأ غضبك تسکین اولوندینی وقت
 « حیقار . قباحتنک نوع و مقدارینه گوره ایجاب ایدن مجازاتی
 « ترتیب ایله ! صاقین حد اعتدالی تجاوز ایتمه . » بیورمشلردر .
 [نصایح حکمیّه] نام کتابک مؤلفی بومثللی آدملره خطاباً دیرکه :
 « طبیعت، طاغلرده، تپهلرده بولونان مغاره لری بویله حدت
 « و شدت لری غالب اولان آدملره مسکن اولمق اوزره ایجاد
 « ایتمش، که بویله آدملر، جمعیت بشریّه دن قاجوب اورالره التجا
 « وَ اختیار عزلت ایتسونلر ! »

حال بوکه بوده نافله در؛ زیرا بو مزاجده بولونان بر آدم، هر

نزهه گیتسه حدت ده رفیقی مقامنده برابر گیدر . آدم بوله مازسه اوراده طاشلر ، طوپراقلر ایله دوگوشور . آنک حدت و شدتی کندیسنک حاکمی ، کندی ده آنک بدبخت بر اسیریدر .

بشنجی عصر میلادک محررلرندن بر ذات دیرکه :

« یالکنز اولدیغیم و خارجدن هیچ بر سببیت ویرن اولمادیغی حالده بعضاً المده کی قلمه لزومندن زیاده قالین ویا اینجه یازدیغی ایچون حدت تئیردم . گاه ای کسمه دیگی ایچون قلم تراشه حدت ایدردم ، گاه چابوق آتش چیقارمادیغی ایچون چاقغه و چاقق طاشنه قیزاردم . بر حالده که جماداتن اولان بوشیلره عادتاً انسان گی لغت ایدردم ! »

فرانس قراللرندن دردنجی هاری نك رجال دولتندن بر ذات ، بر شیدن طولای بیعضلر طرفندن اتهام اولونمش ایدی . موما الیه تبرئه ذمت ایتک اوزره قرالک حضورینه چیقدی ؛ حلم و بصیرت اوزره جواب ویرمه یوب تبرئه ذمتدن درحال مخالفت و آندن حدته گنج قرال ، حضورندن دفعی امر ایله دی . بو ذات ، قرالک اولدیغی محله طوغری دونوب عین حرکت کستاخانده بولوندی . حاضر بولونانلر ، قرالک حدتندن قیزاروب یوزارمقده اولدیغی گورونجه ایچلرندن برینک قیلجی قاپه رق مرقومی تلف ایتمه سندن خوف ایتدیلر ؛ لکن قرال ینه کنیدی ضبط ایله دی . مرقوم دفع اولوب گیتدکن صوگره قرال ، حضاره متوجهاً : « طبیعت ،

« بنی حدید المزاج ایتیش ؛ طبیعتده بولونان بو قصوره واقف
 « اولدیغم گبی نفسی ضبط و اصلاح ایتمگه چالیشدم . حدتک فنا
 « بر مشاور اولدیغنی بالتجربه بیلیرم ؛ آنجق بو دفعه ینه آکا
 « غلبه چالغیه موفق اولدم . بو موفقیتیه بویله سنک گبی معتبر
 « شاهدلرم بولوندیغندن طولایی عرض شادمانی ایلهرم » دیدی .
 حدت، مرحمتسز و حمیتسز بر ظالمه بگزر ، که کندی وحشت
 و ظلمنه اطاعت ایدنلری فنا صورتده مجازات ایدر . نصایح
 مضره سنی چوق بهالی صاتار . حدتنه تابع اولان آدم، نیجه
 اصلاحی ناقابل فلاکتاره و جنایتلره مبتلا اولور . بو حال ایسه
 انسان ایچون اضطراب قلب گبی نیجه نتایج و خیمه و مهلاکه یی
 انتاج ایدر .

حکمای سالفه اسلامیّه دن بری دیمش که : « غضبیه او یان آدم،
 ادبی ضایع ایدر . »

فی الحقیقه غضب، ترك ایدر . ترك ادب ایدن آدمک ایسه
 اتمیه جگی جرم و جنایت قالمایه جگی درکار در .

ده مونا قس نام فیلسوف، بر اسپارته لینک حدته گله رک بر اسیره
 پک چوق عتاب و عقاب ایله دیگنی گورونجه : « سن ده بو
 اسیره مشابه اولدک ! » دیمشدر .

انسان، حدت و شدت آره سنده هر نه یابه جق اولور ایسه
 مغایر عقل و حکمت و نتیجه سی اکثریا آجی بر ندامت اولور .

شویله که : بعض کرّه بر دقیقه لق حدّت؛ انسانک بتون عمرینی زهر لر . اویله شدّتی و سورکلی بر آجی طویار، که مدّتِ عمرنده او آجی بی اونوده ماز .

اضف حضر تلرینک قبیله سندن برینه صور مشار که : « اضف، قبیله گزک ایچنده سنجّه بیوک، مالجه زیاده زنگین دگل ایکن نه سببه مبنی قبیله گزک حاکمی اولدی ؟ » جوابنده : « نفسنک ضبطنه قادر و عدالته مالک اولماسی ایچون ریاستنه سبب اولدی . » دیمش . حدّت ایدن آدم، اوّل و آخر تعیب اولونور . حدّت ایدن آدم، حدّتندن طولانی هیچ بر وقتده ، هیچ بر وجه ایله تبرئه نفس ایده مز . بو جهتله اضطرابِ قلبه دوچار اولور . نهایت قصورینی آکلایه رق نادم و محبوب قالیر . خصمندن اکثریا عذر و عفو دیله مگه کندیسینی مجبور گورور؛ آنجق اکثر اشخاص ده کبر و وقار لرینه یدیره مدکرندن بر دورلو عذر و عفو دیله مگه تنزل ایتمز لر . حال بوکه انسان، یا گیهلهرق اضطرابِ قلبنی موجب اوله جق بر حرکتی ارتکاب ایتدکن صوگره عذر و عفو دیله - یهرک حضور قلبنی اعاده ایتسه البته اولادر .

حدّته، حفظِ صحت نقطه نظرندن باقلدینی حالده نفس اماره یی تشکیل ایدن سائر مشتهیات نفسانیّه نك جمله سندن زیاده انسانک وجودینه ضرری اولان بر حال اولدینی آکلاشیلیر .

حدّت، انسانک قلبنی بر آتش سوزان ایله اشعال ایدر ؛ قانی

غلیانه گتیر؛ بیننی یرندن صارصار؛ آلت اوست ایدر. الحاصل:
معاذ الله تعالی تکرر ایده جک اولورسه بنای وجود انسانی یی
تخریب و آز وقتده یولنی قبرستانه تقریب ایلر.

تورات شریفده وارد اولدینی اوزره «حدت و غضب؛ انسانک
عمر عزیزینی قیصالدیر. نیجه آدم لر گورولمشدر، که حال حدت لرنده
آن واحدده دوشوب ترک حیات ایتمشدر.»

قادینلرک؛ طبعاً ارککلردن زیاده حدت و شدت لری سریع
الغلیاندر. آنک ایچون بو قصوردن تبرئه نفس ایتک خصوصنده
ارککلردن زیاده چالیشمالدیر. واقعا طبیعت، بوکا مقابل آنلره
ارککلردن زیاده نزاکت و لطافت ده ویرمش؛ ارککلرک منافعه
خادم و آنلره بر مدار تسلی اولق اوزرده کندیلرینی بو گوزل
صفتلره تجهیز ایتمشدر؛ لکن حدت و شدت زمانلرنده جنسیتلرینه
مخصوص اولان بو حاللری کلیاً فراموش ایله دکلری مع التأسف
مشاهده اولونمقدهدر.

قادینلر، بو وجه ایله قانون طبیعتی پایمال ویا مقصد طبیعت
خدمت ایتمکدن امتناع ایتش اوله جقلرندن کندیلرینک دخی آندن
ضرر گوره جکلری درکاردر؛ زیرا ارککلر بو حاله تحمّل ایده -
میه جکلرندن آنلرک منفوری اولورلر. بوندن ماعدا کندی
لطافت طبیعت لرینده ایراث خلل ایده رک گوزل لکلری، سختلری
بوزولور.

قادینلر، حدّاتک صفتِ انسانیّه‌ی نه درجه‌لرده تغیر ایتدیگنی، صحت و لطافتلرینه نه مرتبه مضر اولدیغنی بیلسه‌لر مدتِ عمرلرنده آندن اجتناب اوزره بولونورلردی. حیفا که علی العموم بو حاله واقف اولمادقلرندن هم کندیلمرینی متضرر، همده ارککلرینی متضرر ایتمکدن خالی قالمامقده درلر؛ بناءً علیه عمر عزیزلرینی بویله قادینلرله گچیرمگه مجبور اولان ارکک گبی بدبخت آدم یوقدر.

حکمای قدیمه‌دن «کتابِ حکمت» نام اثرک مؤلفی، بو مثللو قادینلر ایچون دیرکه: «اوله قادینله یاشامغه مجبور اولمقدن ایسه آرسلان، یاخود اثردها ایله تعیّشه مجبور اولمق اولادر.» بو مثللو قادینلره بر مثال عبرت اولمق اوزره وقعّه آیه ذکر اولونور:

حدیدالمزاج قادینلردن برینک بر دعواسی وار ایدی. نتیجه محاکمه‌ده دعواسنی غائب ایتدیگندن طولایی حدّت ایدر. درحال محکمه کاتنه گیدر. یکدن اطاله لسان ایلر؛ انواع کلمات تحقیریه باشلار.

کاتب موما الیه اصلاً اثر تهور گوسترمز. قادینک یاننده بولونان ارککه: «بو سنک زوجه کمیدر؟» دیه سؤال ایلر. زواللی آدجگزده: «اوت» دینجه کاتب آکا خطاباً: «سزه چوق آجیرم؛ آل کندیسنی اوه گوتور.» دیر.

واقعا حدّدن حذر ایتک هرکسه واجبدر؛ لیکن علی‌الخصوص

بیوک ذاتلره دها زیاده مهم ولازمدر؛ زیرا علی العموم عظمت، غروری، غرور، حدتی تولید ایدر؛ مع مافیه عالیجناب اولان اعظم، اکثریا حدتلرینی ضبط و تسکین ایتمگه مقتدر بولونور.

حضرت عمر (رضی الله عنه) برگون گزرکن بر سرخوشه راست گلیر. مرقومک ضرب ایله تأدیب اولنماسنی امر ایدر. سرخوش، حضرت عمره اطاله لسانده بولونور. مشار ایله سرخوشی تأدیبندن فراغت ایلر. حاضر بولونانلردن بعضلری، فارغ اولماسنک سببنی سؤال ایدنجه حضرت عمر: «بوسرخوشک «بکا اطاله لسان ایتمه سی، غضبی موجب اولدی. شمدی آنی «تأدیب ایدجک اولسه نفسمه اویمش اولدیغم ایچون تأدیب ایتمش «اوله جغم. حال بوکه نفسمک آرزوسی ایچون کیسه یی ضرب «وتأدیب ایتک ایسته م.» جواب حکیمانه سنی ایراد بیورمشلردر. اون دردنجی لولی نك رجال دولتندن بری، برگون مشارالیهک حضورنده پک زیاده کستاخلق ایتدیگی حالده قرال اضلا حدت ایتمه مش. یالکیز: «اگر قرال اولماش اوله ایدم سکا قارشی حدت ایده جکدم!» دیمشدر.

مشار ایله، باشقه وقتلرده دخی حدتنه مغلوب اولمازدی. اوطه جیلرندن بری برگون اریمش مومی قضاء مشارالیهک آیاغنه دوکدی. قرال حدتنه جک یرده کمال حلم ایله: «بویله بر حالده بولونماق ایچون بعدما دقت ایت!» دیمش.

حلم وحدت حقّنده شمدی به قدر سویله ن سوزلردن آکلا -
 شيله جنی وجه ایله انسان، بو عالمده سعادتنی تأمین ایتک، جمعیت
 بشریّه نك راحتنی بوزهرق هر کسك نفرتنی دعوت ایتمه مک،
 بالعکس حسن توّجه لارینی جلب ایله مک، هم کنیدنك و هم ده
 همجنسی بولونان آدملرک منافعی گوزتمک ایسترایسه حدت و شدتنی
 و غیر مشروع اولان مشتهیاننی تعدیل ایتمه لی؛ اصلاح نفس ایتمه گه
 چالیشمالیدر .

حکمای قدیمه دن بری، بوبابده دایما آتیده کی سوزی تکرار
 ایدردی :

« حدت، آتش گیدر . آتشك دها آله ولئمهدن اوکئی آلتق
 » لازمدر؛ یوقسه چابوق آله وله نیر . بر کره ایجه آله وله ننجه
 « آرتق اوکئی آلتق پك گوج اولور . »



تحصیل علم - او قومق آرزوسی

أَطْلُبُوا الْعِلْمَ مِنَ الْمَهْدِ إِلَى الْخَلَدِ رُتْبَةُ الْعِلْمِ أَعْلَى الرُّتَبِ
 بشیکدن مزاره قدر تحصیل علمه سعی ایدیگز رتبه علم، رتبه لرك اڭ عالیسیدر

علمك علو قدرینی بروجیه بهترین
 اثبات ایدر شهادت هل یتوی الذین
 [معلم ناجی]

حضرت خداوند بخشن خلقت و مالک ملک طبیعت جلّ شأنه،
 حیات بشریه نك برنجیسی اولان سنّ صباوتی، همان بتون بتون
 انسانك هیئت بدنیه سنی تشکیل و تکمیله حصر بیور مشدر. بوسن
 مبارکی تعاقب ایدن سنّ بلوغ که - قوه مدرکه، قوه مفکره،
 قوه ممیزه نك خواب غفلت صباوتدن بیدار و پرده مظلم جهالت
 آلتنده هنوز بیدار اولدینی زمان سعادت اقتراندر - جناب
 حقك نوع ممتاز انسانه بخش ایله دیگی بالجمله نعم جلیله و مواهب
 جمیله نك اڭ قیمتلیسیدر. سرمایه حیات اولان وقتك اڭ عزیز،
 اڭ لذیذ قسمی، ایشته بوزماندر.

بر چو جوغاك ابونی، ولیری، بوقت ذی قیمتك ضیاعندن
 طولای خلق و خالق نزدنده اولاد لرندن زیاده کنیدیلی

مسئولدرلر؛ زیرا کندیلرینک مأمور و مکلف اولدقلری وظائفک باشلیجه لرندن بری ده زمانک قیمت و اهمیتینی، صورت حسن استعمالی، اولادلرینه گوزلجه تفهیم ایتمکدر. هر شیدن زیاده بو خصوصه دقت ایتهلیدر.

ادبای عثمانیه دن بری دیمشدرکه: «اڭ مؤثر سلاح، معرفتدر؛ هیز بوسلاح ایله مجهز* بولونمغه صوڭ درجه یه قدر چالیشمالی یز.» ای سن بلوغه* رسیده* اولان نوجوان! ناس بیننده شرفلی اولمق ایسترسهڭ هر شیدن زیاده عزیز اولان زمان شبابگی بیهوده کچیرمکدن بغایت حذر* ایله! هر شیدن زیاده اضاعه وقت، افاته فرصتدن* توقی* ایت! تحصیلنه تشبث و دوام ایله دیگک علوم و فنون میاننده جمله دن زیاده بو فن مهممه ترقی ایله!

بفرااد فضلاسندن موافقه الیمیاڭک شو سوزی ده بونی مؤیددر. «انسان، تاریخ اوقومالی؛ اعظمک تراجم احوالنه واقف» اولمالی؛ ملتک اخلاقنی اوگر نملی. بو حالده انسان شو فیض. «عمریله بو قدر ام ماضیه یی گورمش، کندیلر یله معاصر و معاشر» اولمش، اییاکلرینی کوتولکلرینی بیلمش اولور. «حقیقه فکرکده مغروس* اولان اشجار مثمره ترقیاتک* نوباوه سی، یعنی: ایلك میوه سی بو اولسون.

حکمت و قدرت ازلیه ڭک سکا تخصیص ایله دیگی خدمات و وظا ئفی لایق یله اجرا ایتهلیرک.

مدت حیاتک نوبهار و صیفی اولان سن. حادثکده عمریک
فصل خریف و شتاسی اولان سن. کال و پیری ایچون اقتضا ایدم.
جک ذخاری ادخار ایله مه لیسک. حادث سنکده، حقیقه فکریکه
هر نه اکر ایسه سن کال و پیریده ده آنی بچرسک. سن. حد.
تکده مزرعه فکریکه فضیلت تخمیری زرع ایله، که او وقت
فضیلت ثمره لری اقتطاف ایدم. انسانک مدت عمرنده نائل
اوله بیله جگی سعادت، آنجق اشبو سن. حادثک حسن. استعمالنه
متوقفدر. آنک سوء استعمالنده ایسه هر نوع فنانق ملحوظدر.
برگنج، معلمی طرفندن کنديسنه ویریلن درس لردن،
نصیحتلردن مستفید اولغه و وقتنک بر دقیقه سنی بیله فوت ایتمه مگه،
بیله دکارینی صورت او گرنمگه غیرت ایتمه لیدر.

امام غزالی حضرتلردن: «علومده بومرتبه یه ناصل واصل
اولوک؟» دیه سؤال ایتدکلرنده: «هر بیلهدیگم شیئی صور مقدن
عار ایتمه مکله» جوابی ویرمشد.

گچن زمانک اعاده سی ممکن دکلدر. عمر انسانک اکی قیمتلی
زمانی، اوان جوانی اولدیغی وقتدر. حیفا که قیمتی بیلنمز!

برگون ایتدیگک سعی و غیرتک مکافاتنی ویره جک اولان
طالعک، میدان واسع تحصیلک نهایتنده سنک اورایه مواصلتک
منتظر اولمادیغنی کیم کشف ایدم بیلیر؟

امام ابو یوسف حضرتلری بیورمشلردر که:

«پدرم وفات ایتدیگی زمان بن هنوز صبی ایدم. ثروتمزده

« یوغیدی . والدەم ایپک اگیریدی . آنکله گچینیردک . تعینمزە
 « برمدار اولمق اوزره والدەم بنی بر آلبسە جینک یاننە شاگردلەگە
 « ویردی . بن ، البسە جینک یاننە دوام ایدرکن امام ابوحنیفە حضر-
 « تترینک درسخانەسی دە یولمک اوستندە ایدی . دائماً اورادن
 « گچدجکە آنک درسارینی دیکلردم ؛ اوستەمک یاننە گیتمکدن قال-
 « چینیردم . والدەم گلوب بنی طوتار ، اوستەمک یاننە گوتورور
 « ایدی . بن ، ینە دائماً ابوحنیفەنک درسینی دیکلەمگە گیدر ایدم .
 « والدەم برگون ابوحنیفە حضرترینە گلوب : « بنم اوغلم یتیم
 « و صبیبر . بـه ایپک ایشیدیرک آئی اداره ایدیورم . سون بنم
 « اوغلمی بورادە طونمقە صفەدە غدر ایدیورسک صنعت اوکرنمە-
 « نە مانع اولیورسک . هرکونە قايوب سنک درسکە کطیور .
 « بوندە نە فایدە حاصل اولور . بیرارە ! کیتسونە صنعتینی
 « اوکرنسونە ، کە بطارە برمدار اولسونە ! » دییە تقبیح ایلەدی .
 « حضرت امام دە جواباً : یارغنا ! اینانکە سنک بو اوغلمک
 « تحصیل علم ایدوب یک یاقین وقتدە فستق یاغیدە یایلماسە یالوزج
 « اکل ایدەجکدر ! دیدی .

« والدەم ینە حضرت امامە انفعال ایتدی . سون بونامشسک ؛
 « بیروندە سوزلر سویلەيورسک یولندە حقارتلر ایدەرک گیتدی .
 « بن ، والدەمک سوزینی دیکلەمە یوب مئصل درسە دوام ایتدم .
 « خیلی معلومات اکتساب و هارونە رشیدە انتساب ایلەدم . برگون

«هارونه رشید حضرت تالینک یاننده ایکن سفرهیه بر طعام گلدی .
 «هارونه بکا : «یا ابو یوسف! بو طعامده اکل ایت! زیر بو طعامی
 «هز وقت پیشیر منزله دیدی . بو ناصل طعامدر؟» دیه صوردم :
 «فستق یاغیلر یا یلمس یا الوضهر دینجه امام ابو حنیفه (رحمة الله)
 «حضرت تالینک والدهمه سویله دیگی فقره خاطر مه گلدی . کندی
 «کندی طوته مایوب تبسم ایتدم . هارونه سبب تبسمی سؤال
 «ایتدی . گیزله مک ایستهدم؛ فقط : البته بر شی وارور؛ سویله .
 «یه مکسک دیه ابرام ایدنجه ناچار کیفیتی عرض ایتدکه مجبور
 «اولدم .

«هارونه رشید حضرت تالری مذکور فقره یی ایشیدنجه پک زیاده
 «تعجب ایدوب : واقعا علم، دنیا و آخرتده صامینک قدرینی
 «ترفع ایلر؛ صو تعالی حضرت تالری، امام ابو حنیفه نك روحه
 «رحمت ایلر سوه بیوردیلر .»

غنوان جوانیده تحصیل علوم و فنون و صنایعه مشتاق بولون!
 سنی آرمگاه سعادت ارشاد و ایصال ایده جک اک یاقین ، اک
 مستقیم بر طریق سلامت رفیق وار ایسه اوده آنجق طریق
 تحصیلدر .

مشهور شیخ فخرالدین عراقی بش یاشنده ایکن مکتبه ویریلدی .
 طقوز ماه ظرفنده کلام قدیمی تمامیه حفظ ایلدی . سنی اون
 یدی وارانجهیه قدر زماننده بولونان علوم عقلیه و نقلیه نك جمله .

سنی تحصیل ایتدی. لهندانه شهرنده، شهرستانه مدرسه سنده نشر علوم ایله مشغول اولدی. نهایت نظم و نثرده و شعر و انشاده زمانک فریدی اولدی.

چالیش! چالیشغی سؤکه برخوردار اوله سئک! عطالت و بطالتی سؤن تنبلرگی اوله! بونلر، آقشامدن صباحه و بده اوگله یه قدر یاتارلر؛ صوگره قالقوب بیهوده اویونلر، بی فائده اگنجه لرله عزیز وقتلرینی ضایع ایدرلر.

بونلر، بقیه عمرلرینی ده او یولده امرار ایدرلر. نتیجه سنده، هنوز حیاتک نه لذتی آلمش، نه ده عزتی بیلمش درلر. بو گیلر، بر زمان محنت دنیای چکدکن صوگره موتک جام زهر آلودینی ایچوب گیدرلر.

امام علی حضرتلری بیورمشلرکه:

«اثواب ایله مزین جمالدن ایسه آداب ایله مزین جمال دها»
«مقبولدر. یتیم، پدر و والدہ سی وفات ایدن دگل، علم و ادبدن،
«فضل و کمالدن محروم قالانلردر.»

او نورسیدگان خودپرستان گبی اوله! آنلر، گونلرینک همان قسم اعظمی کندی تزیناتنه حصر ایدرلر. سوسلرینه، دوزنلرینه باقارلر. قادینلرگی آینه نك اوگنه گچوب اوزون اوزادی به کندیلرینه چکی دوزن ویریرلر. لوانته لر، پودرالر سورونورلر. بو مثللو تزیناتک جمله سی: زائد، بی اعتباردر. انسانه جدی بر یاقیشیق ویرمه دکدن باشقه موجب عاردر.

بزرگمهر دیمشدر که : « انسانک علم و ادبی تزايد ایتدجه
« شرفی ده آرتار . نه قدر دوشگون برکیسه اولسه صیت و شهرتی
« منتشر اولور . معروفده اولماسه قومنک اولوسی اولور .
« غریبده اولسه ناسک کندیسنه احتیاجی چوغالیر . »

اوقات عزیزه کی مضّر شیلرله امرار ایتمکدن ایسه الکه بر
کتاب فواید نصاب آله اوقو ! انسانه اوقومق نه قدر فائده لی
و لزوملیدر ! مطالعه ، انسانک قوه حافظه سنک ثروتی ، معلوماتی
تکثیر ایدر . قوه مفکر سنی ، مخیله سنی توسیع و تزین ایلر . قوه
میزه و محاکمه سنی تحکیم ایدر . اشتها سنی تعدیل و تنظیم ، افکار
و مطالعه سنی تصحیح و اصلاح ایلر . ای مطالعه و طوغری محاکمه
ایتمگی تعلیم ایدر . الحاصل : انسانک افکارینی تنویر و اعلا ،
حسیات علویه ایله امل ایلر . قلبنی تصفیه ، آداب و اخلاقنی
تهذیب و تربیه ، روحنه صفا و سلامت بخش ایدر . فائده بخش
کتابلر ، انسانی فضائل اخلاقیه و کمالات انسانیّه سوق ایدر ؛
مظهر ذوق و شوق ایلر .

کتب عربیه اخلاقیّه دن برنده محرردر که :

« کتاب ، اولیه بردوست ، اولیه بر آرقه داشدر ، که انسانه نفاق
« ایتمز ؛ کلال و ملال و یرمز . صاحبنه نه عتاب ایدر ، نه عقاب .
« قاپاندیغی وقتده اسرارینی فاش ایتمز . »

کتابلر ، انسانک سوگیلی رفیقنری ، حقیقی محبدر .

ایتمه دن نصایح نافعہ اعطا ایدرلر . تکدیر و تعزیر ایتمه دن قصور -
لرمزی بزه بیان ایلرلر . حقوق و وظائفمزی اخطار ، خواب
غفلتدن بزی بیدار* ایدرلر . بر گونه عدم خوشنودیمزی موجب
اولمقسزین هم اگلندیریر ، همده نفسمزی اصلاح ایدرلر .

ابہ المبارک* : « جناب حق ، سکا بو آقشام وفات ایدہ جگکی
بیلدیرسه نه یاپاردک ؟ » دین بر آدمہ : « تحصیل علمہ چالیشیردم ! »
جوانی ویرمشدر .

آراغوبه قرالی آلفونس دیرمش کہ : « کتابلر ، سوگیلی دوستلرم ،
« حقیقتلی مستشارلرمدر ؛ زیرا مرا ائیلک ، و مداهنلک ایتمکسزین
« وظیفه لرمی بگا اعلام و اخطار ایدرلر . »

کتابلر ، قصوره باقاز ، خاطرمانده* اولماز احبّا و رفقا مزدر .
ایسته دیگمز وقت بزمله الفت وانسیت ایدرلر ؛ ایسته مه دیگمز
زمانده گوجنه دن گیدرلر ؛ حتّی کویلک بر یرده ویا جُهلادن
مُتشکل* بر جمعیت ایچنده بولونسه ق بیلہ رفاقتلریلہ بزی ذوقیاب
ایدرلر . نوع بنی بشرک فکر موجدانه سنک عظمتنی ، اعصار
ماضیه* و اقوام سالفہ نک کشفیاتنی ، مخترعاتنی ، بالجمله وقوعاتنی
گوزمزک اوکنه گتیریر ؛ سیر و تماشا ایتدیریرلر . آنلر ، اوصفا -
بخش منبعلردر ، کہ عمرمزک هر حال و زماننده جریان ایدرلر .
هر سنده ، حتّی حیاتدن اک آز لذتیاب اولدیغمز سن پیریده
بیلہ بزه اذواق بی شمار* بخش ایلرلر .

کتابلرک بخش ایله دیگی بو اذواق، اذواق سائرهنک هیچ برینه مقیس دگلر. دائماً تجدّد و تعدّد ایدر. هر آرزو ایله دیگمز زمان یانمزده آماده درلر.

اوقومق، انسانک مدت حیاتنده بتون بتون وارسته قاله مایه جنی محنت و مشقتنی و شدائد دهرک تأثیراتی تعدیل ایدر. انسانه هر حال و کارنده عارض اوله بیله جک حزن و کدری ازاله ایدر. بتون بتون ازاله ایده مه سه بیله تخفیف ایلر. قسماً، موقتاً فرا-موش ایتدیریر. اکثریا حال وحدتده انسانه عارض اولان کللال و ملالی ازاله ایچونده بر دوی مؤثردر.

رفاقت و مصاحبتندن خوشلاند یغمز ذواتک ملاقاتنه دائماً نائل اوله مایز. خوشلانماد یغمز آدملر ایله ده رفاقت و مصاحبت ایتمکدن اجتناب ایده رز. وحدتده سائر بر مشغولیتده بولونماز ایسه بو حال بزه گران گلیر. ایشته بویله زمانلرده کتب مفیده مطالعه سیله مشغول اولسه ق هم بزی مستفید ایدر، هم قلبه نشاط ویریر، همده روحه فرح بخش اولور. الحاصل: مأ کولات، غذای جسم اولدینی گبی ای کتابلرده غذای جاندر!

کتابلر، بزدن فرسخ فرسخ اوزاقده بولونان آدملرک هنر و معرفت لرینی بزه ایصال و تعلیم ایدرلر؛ ازمنه قدیمده ظهور ایدن مشاهیر اقوامی ده بزه احضار ایلرلر. بونلر، کندی آثار پایدار، ریله بزه رفاقت ایدرلر. اگنجه لی، استفاده لی بر چوق معلومات

ویریرلر . الحاصل : کتابلر، برر مصباح ضیاءپاش گبی افکاریمیزی تنویر وتوسیع ، طریق سلامت رفیق سعادتہ بزی ارشاد ایلرلر . خلفای راشدہ حضراتندن بری : « اخلاق حسنه نك حصولی ، » یالکیز ایکی شیئہ متوقفدر . بری : تحصیل حسن آداب ، « دیگری : مساویدن اجتناب . » بیورمشلردر .

مادام کہ بویله در اوقو ! کمال ذوق وشوق ایله اوقو ! بوقیتلی ، فائدہ لی شیلردن لایقیله مستفید و متلذذ اوله حق صورتده اوقو ! هر حالده استفادہ ایدم جگگدن امین اولمق ایچون اولا اوقو . یه جغک کتابی گوزل انتخاب ایله ! زیرا انسانک آداب و اخلاقی افساد ، و سمت سفاهت وسفالتہ ارشاد ایدم جک کتابلرده واردر ؛ آنلری زہار اوقومه ! سمتگه بیله اوغراتمه !

« نفیس کتاب ، نه ایی آرقه داشدر » معناسنده اولان : « نَعَمْ الْاَلَيْسَ الْكِتَابُ النَّفِيسُ » کلامی ده جل حکمیہ عربیہ دندر . عالمده موجود اولان کتب متنوعه یی ، آثار مختلفه یی اوقومق ایچون انسانک عمری کفایت ایتمز . بونک ایچون دنیا و آخرتده انسانک سلامت وسعادتنی کافل اولان کتب نافعہ یی اوقومق کافیدر .

یالکیز اوقویوب گچمک ده کفایت ایتمز . کمال اعتنا ایله اوقو ! اوقودیغک شیلری گوزلجه آکلامق ایچون تکرار ، تکرار اوقو ! فقط یالکیز آکلامق ده کفایت ایتمز . آکلا دقندن

صوگره عریض و عمیق مطالعه و محاکمه ایله ! مقبول اولانلرینی قبول ، و موجنبه حرکت ایت ! اونوتماق ایچون بونلری ینه وقت وقت نظر مطالعه دن گچیر ، که ذهنکده گوزلجه یرلشسون .
بغدار علماسندن موافقه دنیا حضرتلری برای نصیحت دیمش که :
« گوزل آ کلامقده نفسکه نه قدرده اعتمادک اولسه بر علی کندی کندیکه اوقومقله اکتفا ایتمه ! بر استاده مراجعت ایت !
« استاد ، مکمل اولماسه بیلدها صاحب کمال اولانی بولونجهیه
« قدر آنک بیلدیگی شیلری اوگرن ! استادیکه حرمت ایت ! بر
« کتابی اوقودیغک زمان کافه خفایائی ظاهر اوله جق ، معناسی
« تماميله ذهنکه یرلشه جک صورتده حریصانه اوقو ! او درجه ده که
« بالفرض کتاب ضایع اولسه سن آندن مستغنی اوله سک ، محزون
« اولمایه سک . »

« بر کتابی اوقویوب آ کلامقله مشغول اولمادیغک زمان بر باشقه سیله ده مشغول اولقدن اجتناب ایت ! باشقه کتابه صرف ایدم جگک زمانی ینه او کتابه صرف ایله !

« بر علی اوگرنمکله اکتفا ایتمه ! اوگرن دکلیر یگک اکسیله مه سی ،
« گوندن گونه آرمه سی ایچون ده چالیشغه مجبور سک . بوده ،
« مذا کره ایتمکله ، کندی کندیکه دوشونمکله ، اوقودیغک شیئی
« از برله مکله ، اربانی بولوب مباحثه ایتمکله ، عالمک بیلدیگی شیئی
« اوگرنمکله ، او علمده کتاب تصنیف ایتمکله حاصل اولور .

« بر علم اوزرینه منظره به باشلا دیغک زمان باشقه علوم
 « قاریشدرمه! بر علمده دیگرندن استعانه* ایدیشک، اوعلک کافه
 « اقسامنی احاطه ایده مه دیگکه دلالت ایدر. بو حال، بر لسانی
 « تمامیه بیلین بر کیسه نك او لسانده قونوشور ایکن دیگر بر
 « لساندن سوز قاریشدرماسنه بگذر. »

عجله ایله چابوق چابوق اوقویان آدم دخی نه اوقودیغنی آکلا-
 یه بیلیر، نه ده حفظنده طوته بیلیر. کتابلر اطعمه گبیدر. طعام
 ائی وَ قولای هضم ایدلک وَ بزى گوزل تغدی ایتک ایچون
 آهسته، آهسته یمک، وَ ایچه چیگنه مک لازم اولدینی گی مطالعه
 کتیده دخی تائی وَ تأمله رعایت لازمدر.

آدمک بری چوق کتاب اوقومش اولماسندن طولای حکمادن
 آریستوسک یاننده افتخار ایدوب طورورمش. حکیم ده دیمش
 که: « صحیح المزاج وَ قوی البنیه اولانلر، علی العموم چوق یسینلر
 اولمایوب ای هضم ایدنلر در! ».

بر شی اوگرنمک، چوق کتاب اوقومغه متوقف دگلدرد. بر
 کتابی ای اوقومق شرطیه بر قاچ دفعه تکرارلامق کافیدر.
 هر شیئه متعلق مواددن برر پارچه تحصیل ایله معلومات
 فروشلق ایتک آرزوسی، اوهام خودپسندانه دن وَ عصر مزک
 مخیلات دلفریبانه سندن نشأت ایتش بر حالدر. بو حال، انسانک
 جهل مرکبه* اتصافنی* موجبدر. شویله که: بو حالد بولونان
 کیسه، هیچ بر شیدن بر خبر صحیحی اولمادینی حالد هر شیئی

بیلیم ظن ایدر. بویله لره متعالم و خودپسند اطلاق اولونور
چوق شی بیلک ایسته یین آدم، علی العموم هیچ بر شیئی جدی،
اساسلی صورتده بیله مز.

اوقو! فقط عمرک اولدجه لزومی گوروله جک، هر حال
سکا نمونه امتثال اوله جق، قانون آداب و اخلاق اتخاذ
ایدیله بیله جک شیلری اوقو! زیاده عالم گورونمک ایچون دگل
زیاده ای، زیاده کامل اولق ایچون اوقو!

مثلا: بر تاریخی، یا حاکمیه، یا خود رومانی اگنجه طرزنده
اوقوما یوب آندن کندکجه بر فائده استخراج ایتک ایچون مطالعه ایله.
اگر مشاهیرک بتون حرکات سکنا تی، سکا بر نمونه امتثال
ایتمه یه جک، آنک مساک مستقیمه کیتیه جک ایسه ک آنلرک تراجم
احوالی اوقومقدن، سرگذشتلری دیگله مکدن و آنلردن بونجه
زمان صوگره دنیایه گلمش بولمقلقدن نه فائده حاصل اولش
اولور؟ کذلک توارینده، یا خود کتب سائرده اوقودینک بر طاقم
اراذل و اسافلک هیچ برندن ای اوله مادیغک تقدیرده اوقودینک
نه یه یارار؟ اوقودقلرکدن، گرک نفسک، گرک باشقه سنه بر فائده
حاصل ایدمه دیگک حالد قوری قوری یه اوقومقدن نه ذوق آلییر؟
برده هر وقت یالکزجه اوقوما یوب بعض وقتده سندن زیاده
عالم و عاقل بریسیله برلکده اوقو؛ آنکله تعاطی افکار ایت.
بونکله ده باشقه جه مستفید و متلذذ اولورسک.

ادارهٔ لسان و زمان

وقت نقددر .

[جل حکمیہ]

انسان، نقود و اموالنی، امانت و امانیتنی ناصل حسن اداره و محافظه بورجلو ایسه و بونلرک استعمال واستهلاکنده نه مرتبه تقیّد و تصرف لازم ایسه ادارهٔ زمان و محافظهٔ لسان خصوصاً صنده ده اوپله جه و بلکه ده‌ها زیاده تقیّد و تصرف لازمدر؛ حتی سائر شیده غیر مشروع اولان حال، ادارهٔ زمان و لسان خصوصاً صنده بعضاً مشروع اوله بیلیر.

سرآمدان حکمای قدیمدن نه ئوفر است دائماً دیردی که :
 « وقتدن زیاده سوگیلی، وقتدن قیمتلی هیچ برشی یوقدر؛ بناءً علیه
 « وقتنی سوء استعمال ایدن مسرفلرک، سائر هر نوع سوء استعمالات
 « و اسرافات ایچون مسئول طوتولانلردن زیاده مسئول طوتولما .
 « لری اقتضا ایدر . »

عاقل آدم، وقتک قیمتنی بیلیر؛ دائماً بر ایشله مشغول اولور .
 مشغولیّت سؤر . اشتغالی، انسانک بر محبّ حقیقیی، بادی
 تسلیی مقامنده طوتار . مشاغل مادیّه عادیّه نه آره صیره بر فاصله

ویرهرك استفاده لی، اگنجه لی کتابلر مطالعه سیله آرام ایدر. بویولده ایدیلن آرام، انسانک فکری، معلومات نافعہ و لطیفہ ایله تزیین ایلر. عطالتدن نشأت ایدہ جک اضطرار بدن کنندینی وقایه ایدر؛ عطالتدن بش بتر اولان هرزه گولکدن نفسنی محافظه ایلر. علمای سالفه دن برینک دیمش اولدینی گی: «انسانک اڭ زیاده یالکیز اولدینی وقت، حال وحدتده اولدینی زماندر؛ زیرا حال وحدتده او یولده کیمسه لرك افکارندن زیاده کنندی افکارندن مستفید اولور.»

اوزون اوزادییه قونوشمقدن، مباحثه یه گیریشمکدن قاچ! زیرا اوزون مباحثه لر، همان علی السویه مضرتدن خالی دگلدر؛ هم اضاعهٔ وقتی، هم تعجیزلگی، هم ده خطایی موجب اولور. اهمیتسز شیلر، چوقلق طبعه خوش گلز؛ طبعه زیاده خوش گلن شیلر ایسه اکثریا خطادن سالم اولماز؛ بونک ایچون چوق سوزدن قاچ! که چوق خطایه دوشمیه سک.

عمرر ابه العاصی حضرتلری دیمش که: «کلام، دوا گیر. اقتضاسنه گوره قوللانیلیرسه فائده ویریر. زیاده سی، یا ضرری، یا هلاکی موجب اولور.»

اقوام عالم میانده هر هانگی قوم آز سویله مہمی اعتیاد ایتمش، هانگیسی زمانی حسن اداره ایدہ بیلمش ایسه عالمده: اڭ عاقل، اڭ مسعود، او قوم اولمشدر. اقوام قدیمه میانده لاکرده موریا لیلردن

زیاده ترقی ایدن و شایان تعجب بولونان بر جمعیت گورولمه مشدر؟
 ادارهٔ زمان و لسان خصوصنده آنلردن زیاده احتیاطکار بر قوم
 اولما مشدر . بونلرک سوزلری، اوقدر مختصر ، سؤال و جوابلری
 او درجه قیصه ایدی ، که طرز افاده لری، **اختصار کلام** قاعده سنه
 بر نمونه امتثال اولمشدی . حالا « لاقونیک » [*] نام و تعبیر یله
 صرفیون اجنبیه عندنده معروف و معتبردر . بونلره متجاوز اولان
 اقوامدن بری وقتا که لاکرده مویا یه دخول ایتک اوزره هجوم
 علامتلی و تهدیدات گوستردیلر . دشمن طرفندن ارسال اولونان
 بر تهدیدنامه یه جواب اولمق اوزره یالکیز : « اگر » لفظنی یازوب
 گوندردیلر .

تاریخده گورولدیگی اوزره بونلرک اڭ مهم تحریراته ویردکاری
 جوابلر، همان علی السویه بر هجالی کلمهلردن عبارت بولونوردی .
 کندیلرینک واضع قانونی بولونان بقورغک وضع ایله دیگی : « قانون
 سکوت » قاعده سنه اڭ یاقین اولمق اوزره بو طرز افاده یی بولمش
 و اعتیاد ایتشلر ایدی .

ادارهٔ کلام خصوصنده بو قدر احتیاطکار اولان بو قوم،
 تصرف زمان خصوصنده دخی آز احتیاطلی طورا نامازدی . وقتی،
 هر نوع ثروتدن قیمتلی طوتارلر و اڭ مقدس برشی اولمق اوزره
 تلقی ایدرلردی .

[*] اڭ قیصه و فقط پک معنیدار سوزه « لاقونیک » تعبیر اولونور .



کمالِ سرعتله گچمکده اولان وقتدن استفاده ایتمک، کمالِ سرعتله جریان ایدن سیلک اوگنندن کوتوک قایمغه بگزر . وقتِ جاهلیتده بیله زمانک بو قدر قیمتی بیلنمش اولدینی حالدله ایچنده یاشامقده اولدیغمز بو عصرِ ترقییده وقته نه قدر رعایت اولونمق ، قیمتی نه مرتبه بیلنمک لازم گلدیگی مستغنی بیاندر .

‘بلغای عربدن برینه : « سوزک اڭ گوزلی هانگیسی در؟ » دییه صورتقلرنده : « یانی صیره باشقه بر سوزه محتاج اولمایانیدر . » جوابی ویرمش .

امام علی حضرتلرینه : « عاقل کیمدر؟ » دییه سؤال ایدنلره : « هر شیدی یولی یرنجه یاپان » بیوردیلر . « جاهل کیمدر؟ » دییه صورتولنجه « ایشته سویلهدم آ ! » جوابی ویردیلر .

حضرت امامک شو صوڭ جواب حکیمانهسی، کندیلرینه واقع اولان ایکنجی سؤالک عدم لزومنی ایما ایله دیگی تعریفدن مستغنیدر .

ابنای بشرک عمرِ قصیرینه نظراً وقت، پک قیصه ، پک سریع المروردر ؛ لکن ینه نیجه آدملر واردر ، که وقت کندیلرینه پک اوزون گورونور ؛ پک گران گایر ؛ وقتلرینی ناصل گچیره جکلرینی بیلزلر . عطالت و بطالتدن کندیلرینه اوصانچ گلهرک : « بر از اکنه لم ؛ وقت گچیره لم » دیرلر . حیفا که کندیلری وقتی دگل ، وقت کندیلرینی گچیرمکده اولدیغنی آڭلامازلر !

اولیاء اللهدن ابو العباس الامالی حضرتلری درس ویردیگی



آدملرینه دائماً : « وقت کییادر ، اولادلرم ! صاقین ضایع ایتمه -
 یکنز » دیردی .

انسان، نه قدر ذوق و صفایه سالک ، نه مرتبه ثروت و سامانه
 مالک اولسه ایر ، گنج برگون گلهجک که کافهسی اونودولهجق ؛
 جملهسی بزى ترك ایدهجک . یالکنز خیرات و حسناتمز باقی قاله جقدر .
 عاقل اولان آدم، ایشته بونلری گوز اوکنه گتیرهرك دقیقه
 فوت ایتمز . عالمده ابقای نام ایدهجک ، دنیا و آخرتده فیضیاب
 اولهجق صورتده عمر گچیرمه لیدر .



انسائیٲرورلڪ - نزاکت - ظرافت

انسائیٲرورلڪ، اوله گوزل بر صفتدر، که بونکله مٲصف اولان آدم، جمعیت بشریٲه نٲک اعالی، اواسط، ادانی صنفلرینک هر هانگیسی کندیسنه مراجعت ایدر ایسه کمال مروٲله قبول ایدر؛ دائرۂ اقتداری داخلننده واقع اوله جق مشروع آرزو- لرینی، مقبول دیلک لرینی اجرا ایتمگه چالیشیر.

بر آدم، گرک بولوندیغی حال و موقع اقتضاسنجه، گرک حسب ونسبی و یاخود کنندی سعی و غیرتی سایه سنده سائرلرندن نه قدر زیاده تمیز ایقسه، نه درجه عالی بر مقامده بولونسه کنندی مادو- ننده بولونانلری او قدر زیاده حلم و تواضع ایله قبول ایتمگه، آنلرک احتیاجات مشروعه لرینی ممکن مرتبه رفع و ازاله ایلمگه بورجلو در.

اضنف حضر تلرینه: «انسائیٲ نه در؟» دییه صورمشلر.
«رفعت عننده، تواضع، قدرت انتقام عننده، عفو، و بَعِیْر طلب احسان ایتمکدر» دییه جواب ویرمشدر.

برشیده، انسان کندی آرا و افکار مخصوصه سنی ترجیح و ترویج

ایتمک خصوصاً صندھ کی تمایلات و انہماکاتی، واقعا حد ذاتہ مدوح اولہ بیلیر؛ لیکن ہو بابدہ دخی امر بصیرت و اعتدال اوزرہ حرکت اولونمق واجبدر.

بویله معلوماتی آدم لر، نزاکتلی ده اولور ایسه سائر نازک آدم لرک جملہ سنہ فائق بولونورلر؛ زیرا معلوماتی ده نزاکتسنہ انضمام ایدہ رک ہر شیئی اک زیادہ یاقیشقلی صورتده اجرا ایدرلر. ہر سوزی، اک زیادہ حال و موقعہ مناسب صورتده سویلرلر. بونلرک ہر حال و مقالی، زیادہ پارلاق و مقبول اولور.

رجال مختیزان اجانبیدن بر ذات، بویله ہم چوق معلوماتی، ہم ده یک نزاکتلی ایمش. بو ذات، بر گون مایہ دوقہ سیلہ انہای مصاحبتنده بعض لطیف سؤال جوابلر ایرادیلہ مباحثہ ایدر. دوقہ نک زوجہ سی ده سوزہ قاریشیر. بر لطیفہ اولمق اوزرہ او ذاتہ: «بخلہ بر ساعت بینندہ نہ فرق واردر؟» ذیہ سؤال ایلر. او ذاتہ جوابندہ: «مادام! ساعت، وقتی اخطار ایدر؛ سز ایسہ آتی اونوتدورورسکنز!» دیر.

بو درجہ ظرافت لر، نزاکت لر، سائر ایسلکلر کی عمومہ عائد اولمادیغی کی صورت مطلقہ ده الزم دخی دگلدر. بو جملہ ایلہ برابر جمعیت بشریہ آرمسنہ دخولہ کسب لیاقت ایتمک اوزرہ آداب انسانیت اقتضاسندن بولونان امر بصیرت، حسن طبیعت و عادات و اخلاق ناسہ وقوف کی خصائل مدوحہ یہ مالک اولمق لازمدر.

آدابِ حسنۂ انسانیہ مالکِ اولان ذات، کندیسنه قارشی
 ظهوره گلن برقصوری قولایجه عفو ایدر؛ حتی قباحتی یی دوچار
 خجالت ایتمه مک ایچون کمالِ مهارت و نزا کتله معامله ایلر .
 قصورلی یی، قباحتی یی تعیب و تقبیح ایتمز. واقع اولان قصورینی
 ممکن مرتبه تخفیف ایلر؛ حتی اویله شیلرک قصور و قباحتن بیله
 معدود اولمادیغنی سویلر .

فرانس قراللرندن اون دردنجی لویئیک برادر زاده سی اولان
 بورغویا دوقه سی، قیلمه راده فرانس اردوسی قوماندانی ایدی؛
 او ائنده عسکرک ایچنده اختیار بر ضابط وار ایدی. بو عسکر،
 اصولِ تشریفاتدن زیاده کنیدی خدمت و صفت عسکریه سنده
 کسبِ شهرت و مهارت ایتمش ایدی. برگون کندیسنه تکلیف
 واقع اولمقسزین دوقه نك طعام سفره سنه اوطوردی. مؤخرأ بو
 ایتدیگی شیئک بر قصور اولدیغنی فهم ایله دوقه دن استغفای
 قصور ایلهدی. دوقه، کمالِ نزاکت و انسائیته ضابط مومالیهه :
 «بویله برلکده طعام ایتدکجه بن سکا اصولِ تشریفاتنی اوگره دهیم؛
 سن ده بکا اصول محاربه و مهارت عسکریه یی تعلیم ایت!» کلام
 ظریفانه سیله هم آنک بر قصورده بولونمش اولدیغنی ایما ایتدی؛
 هم ده بی چاره یی مساعدمه سز سفره باشنه چوکمش اولماسندن
 طولانی حاصل اوله جق محجوبیتدن قورتاردی.

الحاصل: آدابِ انسانیّه دن اولان بو صفت، صورتِ مناسبه ده

استعمال اولونور ایسه حسن معاشرت انسانیه نك زینتی مقامنده در.
بو قبیلدن اوله رق کوچك آدمركڭ، بیوك آدمردن گوره.
جكلكری معاملات جمیله، نه قدر اهمیتسز اولسهینه اهمیتله تلقی
اولونور؛ بیوك ایلكلكر صیره سنده طوتولور.

بر صنعتكارڭ دست مهارتندن چیقمش اولان بر جوهرڭ،
پارلاقلغنی، گوزللیگنی سیر ایله! او قدر صور مختلفه ده شعله پاش
نظر اولور، كه انعكاس ایتدكه عادتاً گوزلری قامشدریر؛ لکن
او جوهر، یاییلمادن آنجق بر ایکی دفعه نظر منری جلب ایده بیلیر.
ایشته بو طاش، او نظر رُبا بر پارلاقلغنی کسب ایتك ایچون
بر ماهر استادك ید مهارتنه محتاجدر، كه پارلاقلغنی گوزدن نهان
ایدن بالجمله موانغنی دفع ایله شعله نظر رُباسنی ظاهره اخراج
ایله سین.

انسانك، تربیه سی، صفوت قلبی، لطافت روحی ده بونك گیدر.
اطوار حسنه و آداب مستحسنه ایله منجلی اولمادجه اك گوزل
خصائصی بیله زیر پرده خفا ده قالیر. آندن نه صاحبی، نه ده
باشقه سی مستفید اولور.

ای هم جنسلیرنك حسن توجهلرینی، محبت قلبیه لرینی جلب
ایتمكه طالب اولان آدمرك! بو طلبكزده موفق اولمق ایسترایسه كز
اول باؤل انسانیت پرور اولیكز! هم جنسكز اولان انسانلر ایله او یله
بر حسن معامله و معاشرتده بولونكز، كه مخاطبلر یكز، رفاقتكز دن

آریلدقلری وقت کمالِ ممنونیتله آریلسونلر؛ حتی آریملق بیله ایسته-
مهسونلر! حسب الایجاب آریلیرلر ایسه گیتدکلی یرلرده سزلی
مدح و ثنا ایتسونلر. ذکر جمیل ایله یاد ایله سونلر.

حضوریکزه چیقوب ده افادهٔ حال ایتمکدن چکینن آدمکلرک،
خوفلرینی رفع، معاملهٔ لطفکارانه ایله رجالرینی قبول، احتیاجلر-
ینی ازاله و کندیلرینه حرمت ایدیکنز.

انسانیت پرورلک، وظائف انسانیتدن اولماسیله برابر سائرلرینک
گرک حرمت و رعایتی، گرک حسن توجه و محبتلرینی جلب
ایتمگه ده عظیم برواسطه در. اوله که: وسائط سائر، بوکا نسبتله
دون مرتبه ده قالیر.

انسانیت پرورلک، هر کسک یورگنی جلب ایدر؛ شفقت و مر-
حمتی دعوت ایلر. بوکا موقق اولق ایچون انسان چوق زحمت
چکمز؛ زیرا چوق دفعه بر گوزل سوز، بر فائده لی نصیحت، بر
تریه لی واریش، بر طاعتی باقیش، خوشلانه حق بر حال، بر تبسم
بیله انسانیت پرورلک علامتی صاییلر؛ بناءً علیه بر کوچک، کندی
بیوکلری طرفندن گوردیگی معاملهٔ لطفکارانه دن طولای حس
ایله دیگی بر حظ اوزرینه بر آز دوشونه جک اولورسه کندیسی ده
کندی مادوننده بولونانلرله او یولده معامله ده بولونماسی لازم
کله جگنی آکلار.

یحیی بن اکثم: حکایه ایدر که:

«بر گون مأموره خلیفهٔ حضرتلری ایله برابر باغچه ده گزیور

« ایدک . بن، گونش طرفنده بولوندیغ حالده خلیفه گولگه
 « جهتنده ایدی . گیتدیگمز یول ختام بولدی . خلیفه حضرتلری
 « دونمک ایسته نیجه بن ینه گونش طرفنه گیتمک اوزره بولوندم .
 « مأموره بنی منع ایله : خیر ! ینه او طرفده قال ! بن سسنگله
 « گولگه لنددیگم گبی سن ده بنمله گولگه لن ! » دیدی . « یا امیر
 « المؤمنین ! سزی محافظه ایچون آتسه قاتلانیرم » دیدم . « خیر !
 « مقتضای مصاحبت بویله دگلدر » دیدی . گیتدیگمزک عکسنه
 « اوله رق او، گونشده ، بن، گولگه ده بولوندیغمز حالده عودت
 « ایتدک . »

اصل بیوکک، حلیم و سلیم اولمقده ، مادوننده بولونانلره تنزل
 و تواضع گوسترمکده در ؛ زیرا بو حال، بر بیوگک و قار و عظمتنه
 اصلا خلل گتیرمه دکن باشقه کندیسنی دها زیاده مرعی و محترم
 قیلار ؛ جان و گوکلدن سودیریر .

ایمپراطور ایکنجی زوزف کده مشربی بو ایدی . هر کسه لطف
 و مروتله معامله ایتمکدن پک محظوظ اولوردی . بتون آردریایی
 کشت و گذار ایدوب هر کسه آثار محبت و مروت گوستردی ؛
 عمومک رغبت و توجهنی جلب ایله مگه موفق اولدی .

الحاصل : انسانیت پرورک و مروتکارلق، عظمت حقیقه نك برر
 علامت فارقه سیدر . کبر و غرور ایسه عظمت کاذبه نك نشانه لیدر .
 بویله لرینک نزدینه مراجعته مجبور اولان بی چاره لر، نه دیسه -
 جکلرینی ، ناصل یانلرینه تقرب ایده جکلرینی ، نه وجه ایله معامله

ایله یه جککری نی ، نه دورلو معامله گوره جککری نی ملاحظه ایتمک
مجبوریتتند بولونورلر .

آلب طاغری اوزرنده ساکن اولان زادگاندن بری ، بولوندیغی
اقلیمک تأثیری اقتضاسیجه فنا صورتده بر تربیه گورمش و هر
کسله دائما عداوت اوزره بولونمش ایدی .

بو آدمک ، اسکی تعلقاتندن بریله حقسنز بر دعواسی وار ایدی .
اقامه دعوی ایتمک اوزره ضوایه گیتدی . نه یاپوب یاپوب حقی
چیقماق ایچون بر چوق ترتیب و تدبیر قوردی . بونک ایچون کمال
مروت و انسانیتله مألوف و معروف اولان زامه نفرونی نامنده
بر دوقه نك نزدینه گیتدی ، رجاده بولونمغی عزم ایله دی . بر خالی
وقتنی گوزده رک نزدینه دخول ایتدی . دوقه ، کندیسینی کمال
حرمت و مروّتله قبول و دعواسی دقت کامله ایله استماع ایله دی .
نهایت : دعواسی اطرافیه گوزلجه افاده ایتدکدن سوکوره :
» رجا ایدهرم ! بو دعوامه بر نظر حاکمانه ایله دگل ، پدرانہ صو-
» رتده باقیگز . « سوزیله ختم کلام ایله دی .

دوقه ، مرقومک دعواسنک بطلانی کشف ایله : » بودعواکزی
اختیار مجلسنه چیقارمقدن باشقه بر شی المدن گلرز . « جوابی
ویردی ؛ فقط عریض و عمیق مطالعه ایتدکدن سوکوره بونی
یایمقده ملاحظه سنه الویرمه دی . آهسته آهسته مرقومک دعواسی
باطل و کندیسینی حقسنز اولدیغنی آکلاتدی . اسباب بطلانی ده

یگان یگان کنڈیسنه بیان ایله بو دعوادن واز گچمه سنی وَ بویله
 حقسنز دعوايه طوتوله جق اولور ایسه محو و پریشان اوله جغنی
 سویله دی . دها بر طاقم نصایح نافعہ وَ تشویقات مقنعه ایله ده
 بویله چوروك بر دعوايه طوتولقدن ایسه خصمیه صلح اوله رق
 مملکتنه عودت ایتمه سی اولی اوله جغنی، صورت دوستانه وَ خالصانه ده
 درمیان ایله دی . بونک اوزرینه مرقومک رقت قلبیه سی بر درجه
 حرکت گلدی که گوزلرندن یاش آقغه باشلادی . در حال خصمیه
 باریشدی . گوز یاشلریله مع التَّشکَّر دوقه ایله وداعلا شهرق مملکتی
 جانبنه عودت ایله دی .

بووجه ایله کنڈیسنک حسن توجه وَ محبَّتنی جالب اولان دوقه،
 بر قاچ آی سوگره وفات ایله دی . وقوع وفاتی خبر کدورت
 اثری مرقومک مسموعی اولونجه پک چوق مکدر اولدی . او در-
 جده که بتون خانه سی خلقنی باشنه جمع ایله هونگور هونگور
 آغلادی . خانه خلقنه دیدی که : « سزده بنم آلم و کدرمه اشتراک
 ایدک ! زیرا راحت قلب ایله بوگون یانگزده بولونمق اقبالنه نائل
 اولوشم، زانه نفرونی نام خیر خواه وَ مروّتکار بر دوقه نك سایه .
 » سنده در . بوگون آنک خبر ارتحالی آلم . هایدی ! قالقک !
 » همیز بردن دعايه طورالم، که جناب حق، متوفانک بزه کوسترمش
 » اولدینی مروّت وَ محبَّتک اجری اوله رق روحنه راحت ویرسین !
 مروّت و انسانیت حقنده شمدی یه قدر سویله نن سوزلر، یالگوز

اعاظم واکاره مخصوص دگلدر؛ هر کس کنیدی حال و موقع و صنف و صفتنه گوره بو وظیفه مقدسه ایله مکلفدر. بونی کنیدلرینه وظیفه ایدنمه یئرلر، و یا اجرا سنده قصور ایدنلر، خَلَقْکَ نَفَرْتَنی دعوت ایدرلر. خلق خوشنود ایله مک و هر کسه قارشی معامله مروّتکارانه ده بولونمق، انسانیتک باشلیجه لوا. زمندندر؛ لکن بونلر، کلماتِ انسانیه نک تمامی حصولنه کفایت ایتمز. لازمه انسانیت و آداب و تربیه اقتضاسندن اولان حسن معاشرت و مصاحبتک انضمامیله ا کمال اولونه بیلیر.

سوزنده، صحبتنده، حال و حرکتنده امر بصیرت اوزره طاو. رانمق و هر کسه کمال نزاکت و لطافتله معامله ایتمک لازمدر. الحاصل: هر شیئی، صفت انسانیه ته یاقیشه جق صورتده اجرا ایله مک، هر سوزی، حال و موقعه مناسب دوشه جک بر طرزده سویله مک دخی انسانیتی تزیین ایدن فضائل اخلاق و محاسن آدابنددر. بوگوزل صفتلرله متّصف بولونان آدم، هر حال و کارده موفق اولور؛ هر کسک نظرنده مرعی و معتبر طوتولور. بووجه ایله هم وظائفِ انسانیه سنی اجرا ایتمش، همده هر کسک خاطرینی تطیب ایله آنلری کنیدیسندن خوشنود و ممنون ایله مش بولونور. بوندن باشقه کنیدیسنی خوشنود و ممنون ایده جک بر یولده معامله و مقابله ایتمگه هر کسکی مجبور ایتمش، جمله دن حسن معامله گورمگه حق قزائمش اولور.

انسانلرک امل اغلی، کندیلرله معاشرت و معاملاتده بو-
لوندقلری آدملرک کندی حقلرنده مدح و ثناده بولونمالری، دائماً
لسان ستایشله یاد اولونمالری و خاطرلری تطیب ایلهمه لیدر. بو
تقدیرجه اصل انسانیت، هرکسه لایق اولان حرمت و رعایتی
حقیله اجرا ایتک، هرکسک قدر و حیثیتنی طامیق، تمایلات
مشروعهلرینی خوش گورمکدن عبارتدر.

آنجق بو خصوصده دخی مرأییک و مداهنلک ایتک، خلوص
چاقق و محضا مخاطبرینه یارانمق ایچون یالانی ارتکاب ایلهمک گی
معیوباتدن اولان شیرلی یایمق اصلاً جائز دگدر. انسانیت
حقیقهده بولونمق ایستهین آدم، بو مثلی معیوباتی اصلاً قبول
ایتمز. حقیقتهده شایان مدح و ثنا اولمایان بر آدمی و یا بر شیئی،
سائرلرینه یارانمق ایچون و یا دوستلغه بناء مدح ایتمز. بویله
خصوصلرده بر آدمک هر حالده خاطرینی تطیب ایتک ایچون
کذب ارتکاب و معیوباتدن اولان سائر شیرلی بویولده اجرا
ایدیله جک انسانیت، حقیقت یولنه فدا ایلهمه لیدر.

بعضیلر، انسانیت حقیقه حقهده یا گش افکاره ذاهب اوله رق
بومثلی معیوباتدن اولان بعض شیرلی انسانیتدن عدا یدر و انسا-
نیت نامنه اجرا ایلرلر. بو حال، بعض افکار باطله دن نشأت
ایتمشدر. یوقسه افکار سلیمه اصحابی عنندنه قبولنه، قطعاً جواز
و مناع یوقدر.

بعضیلر ده قبلده، باطنده اولمادیغی حالده صورت ظاهرده انسانیت و حسن حال علامتلی اظهاریدلر. تربیه لی، نزاکتلی گورونمک اوزره بر صورت انسانیت طاقینرلر؛ لیکن بونک ده جعلی اولدیغی، بو خصوصده آز چوق تعمیق فکر ایدنلرجه ظاهر در.

بناءً علیه بیوک، کوچوک، بو مثلی ساخته انسانیتدن توقی و مجانب اتمه لی، دائماً اصل انسانیتلی ذوات ایله بالمعاشره آنلرک حسن حاللرینه تقلید و اتباع اتمه لی. او یولده ترقی اتمگه سعی و غیرت ایله مه لیدر. انسان، بو وجه ایله ده آز چوق کالات انسانیه مالک اوله بیلیر.

سائرلرینی تعجیز اتمه مک ایچون کندی راحتسزلیگنی اختیار اتمک، کندی ازعاج اولوندیغی بیلدیر مکسزین گچیشدیرمک، منفعت ذاتیه سنی منافع عمومیه اغورنده فدا اتمک، باشقه لری متضرر اولماق ایچون کندیسی فدا کار و متضرر اولق گبی گوج شیلر دخی کالات انسانیه تمماتندندر.

انسان کامل اولق، آنده ثبات و دوام اوزره بولونمقده کی اک مشکل جهت، ایشته بودر. بو گوجلک، یالکیز مدت عمرلرنده بویله نزاکت و لطافته آلیشقان بولونمایانلره مخصوص دگلدر؛ خصائل مذکوره یه آز چوق مالک و آلیشقان بولونانلر دخی بو خصوصده خیلی گوجلک چکرلر. بونک ایچون بعضیلر، بر چوق خصوصده ابراز انسانیت کامله ایده بیلدکلری حالده بعض کرده صفت انسانیه مغایر بر حال و حرکته و یا بر قصور ضروریده

بولونما ملری قابل دگلدر؛ بناءً علیه بوکا تعجب ایتک و یا بو
مثلولری تعیب ایلهمک جائز دگلدر.

ایشته بونک گبی بر اُستادِ ماهر مقامنده بولونان آداب و اخلاق
و تربیه انسانیّه، بر آدمک خصائل و فضائلنی ظاهره اخراج
ایدر. انوارِ مکنونزه سنی زیور بخشِ انظار و قیمت حقیقه سنی
اظهار ایدر. خصائص ذاتیه و بالجمله مزیت و حیثیتنی میدانه
قویار. الحاصل: آدمک صفتِ انسانیّه سنی اکمال ایدن شیء، آنجق
آداب و اطوار انسانیّه در.

نیجه آدمکر واردر، که آداب و اطوار مستحسنه یی جامع اولان
تربیه دن محروم اولدقلرندن و یا حسنِ تربیه لرنده قصور ایلهدکلرندن
مالک اولدقلری بیوک بیوک خاصه لر، گوزل گوزل صفتلر
ثمره سز قالیر و یا گوج حال ایله ثمره بخش اولور.

کمالِ آداب و حسنِ تربیه، انسانه بر چوق دوست ایدنمکدن
زیاده لازمدر؛ زیرا انسان، دوستسزده اوله بیلیر؛ اما رفیقسز
و شریکسز اوله ماز. آداب و تربیه سی اولمایان کیمسه ایله ایسه: نه
مشارکت، نه معاشرت، نه ده رفاقت قابل اولور.

انسانلرک محبتِ قلبیه لرینی، صلح و صلاح لرینی، الحاصل: جمعیت
بشریه نک صورتِ منظمه ده وایه دارِ سعادت اوله بیلمه سنی کافل
اولان شیلرک باشلیجه سی، ادب و تربیه در.

شو تعریفدن استنباط اولوندیغنه گوره، طبیعتک انسانه بخش

ایده بیلدیگی عطایانک الٰه مهم و مؤثری، آداب و تربیه در . تعلیم و تربیه، هر شیدن زیاده جالبِ قلوب، هر صفتدن زیاده محبوبدر . شویله که : بعض کتره انسان بونکله دشمننه بیله غلبه چالار دشمنلگنی دوستلغه تبدیل ایتمگه مجبور ایدر .

هرکیم باشقه لرینک قدر و قیمتنی بیلر، حیثیت و مزیتنی طایر، ناموس و اعتبارینی وقایه ایلر، خاطرینی گوزه دیر ایسه هرکس آکا ابرازر محبت ایلر؛ فقط هرکیم بویله شیلری قید ایتمز، وظیفه ایدنمز، بونلرک مغایرینی اجرا ایدر ایسه هرکس ده آکا عداوت و کندیسندن نفرت ایدر .

آداب حسنه ایله مألوف و متّصف اولان آدم، مخاطبی هرکیم ده اولسه کمال آداب اوزره جواب ویریر . حال و موقع و سن و سالجه باشقه لرندن بیوک اولان و یا کندیلرینی اوילה ظن ایدن مغرور، متکبر آدملرگی تکبر و تفاخر ایتمز . بونلر ایسه کمال کبر و غرورلرندن ناشی کندی مادونلرنده بولونلرک سوزلرینه دقت ایتزلر؛ جواب ویرمزلر؛ یاخود تحقیر آمیز بر طرز ایله جواب ویره رک آنلرک قیلرینی شکست ایدرلر . حال بو که آنلره جزئی بر تواضع و تنزل ایله معامله ایتمش اولسه لر ایدی هم بویله دلشکنلک ایتمه مش اولور، هم ده آنلرک محبت صمیمیه لرینی جلب ایتمش بولونورلر ایدی . آداب حسنه اصحابی، باشقه لرینی کندی فکرلرینه خادم و تابع ایتک ایسته مزلر . بو جهته آنلرک بو حاللری ده کندیلرینی هرکسه سودیریر و آرادیر .

آداب و تربیہ حسنہ اصحابی، قبول و عدم قبولندہ بر بآس
اولمایان افکار حقنہ کندی افکارینی ترجیح و ترویج ایچون عناد
و اصرار ایدوب طور مقدن ایسه بر چوق خصوصده تألیف افکار
ایتمک اولی اوله جعنه قانع اولورلر .

از جمله وجدانلرینه، کندیلرینک و یا مخاطبلرینک ناموس و اعتبار-
لرینه مضرتی اولمایان شیرده ائتلاف افکار حاصل ایتمک چالیشیرلر .
اگر بعض کره حقیقتی ظاهر اولان بر خصوصده مقدس حقیقت
نامنه اوله رق باشقه لرینک افکارینه قارشی گلمک ایجاب ایدر ایسه
او حالده کمال نزاکت و احتیاط اوزره حقانیتی مدافعه ایدرلر .
بولونیلان محکم آداب و اخلاقنه، عرف و تعامل بلده یه ،
اصول و عادات مملکته رعایت ایتمک دخی ادب و تربیه اقتضا-
سندندر . شویله که : یارمی ده حسن اطوارینه تجب ایدیلن بر
آدم، باشقه بر بلده عین حال و حرکته بولوندیگی گورولدکه
تعیب و تقبیح ایدیله بیلیر . یالکیز محل و موقعه دگل ، حال و شانہ
گوره حسن آدابک طرز و شکلی باشقه لاشیر .

بونک ایچون هرکس سوزینک ، صحبتینک ، هر حال و حرکتینک
یالکیز باشقه لرنبه دگل ، کندی حال و شانہ و سن و سالنه دخی
موافق و مناسب اولوب اولمایه جعنی ملاحظه ایتمه لیدر .

سَفِيه ، خودپسند و متعالم آدملردن توقي

سَفِيه لر، آدمی باشدن چيقاريرلر . خودپسندلر تجيز ايدرلر .
 متعالملرده ازعاج ايلرلر . بويله آدملرله صيق صيق گوروشه جك
 اولورسه گز بيوك بر ضرره اوغراسكز ، كه اوده كنديلرينه
 اوييق و بگزه مكدور .

بو اوچ صنف خلق ايله اختلاط ايتمك، بر علت ساريه
 اوغرامق گيدير؛ بناءً عليه بو اوچ صنفه منسوب اولان آدملری
 گوزلجه تشخيص ايدوب بونلرله رفاقت، الفت، انسيت ايتمكدن
 اجتناب اولونمق اوزره هر برندن آری آری بحث ائتمه من
 لازمه دن در .

عاقل آدم، بونلرك ديوانه لكارينه گولمك، يا خود آغلامق ايچون
 دگل، آنلری ايجه طانيوب ده كنديلرينه اويقمقدن و بگزه مكدن
 صاقنمق ايچون خويلريني، هر حال و حركتلريني تفتيش و تجسس ايدر.
 انسانلرك احوالني تجسس ايتمك، هر نوع تجسس اتدن زياده
 فائده ليدر؛ فقط بو تجسس مجرد مراق گي، سوء نيت گي بر
 مقصده مبتني اولمامالي، اخلاق رديئه كسب و قوف ايله گرچكدن
 ابي آدم اولمق و سائرلرينك بو يولده تصحيح اطوار و افكار ائتمه .

لرینه معاونتده بولونمق مقصدینه مبنی اولمالی . اخلاق شناسلغک باشلیجه فائده و غایه سی بودر . بو جهتله اخلاق شناسلق، سائر هر نوع علومدن بالاتر عد اولونور .

ای گنجلر ! سزکه تعلیم و تربیه یه طالب و راغبسکز دقت ایدیکز ! کیلردن صاقینق لازم اولدیغنی اوگره نیکز !

سفیر

عالمده انسانک دوشه بیله جگی تهلهکه و مخاطره لرک اڭ محقق ، اڭ عمومیسى، سوء امثال اولان فنا رفیقک سوء تأثیریدر .

امثال قدر انسانی تشویق ایده بیله جک خطیب بلیغ یوقدر .

اصحاب ثروتدن برى، سیاحتی ائناسنده بیکس بر چوجوغه تصادف ایتدی . بوچوجوق تربیه گورونجه ای بر آدم اوله جغنی امید ایدر ایدی . شو امید مبنی بو چوجوغنی بر زمان بالذات تربیه ایتدی . صوگره اورادن آریله جغنی وقت کندیسنی شهرک علماسندن بر ذاتک دائرة تربیتنه احاله ایلهدی . عالم مومى الیه، چوجوغک حسن تربیه سنه تقید ایده جگنی وعد ایله درعهده ایتدی . اووجه ایله بر زمان سعی و اقدام ایلهدی؛ فقط صوگره لری بوچوجوق ناصلسه بعض سفیه چوجوقلرله اختلاط ایتمگه باشلادی . آنلره رفاقت ایده ایده باشدن چیقدی . بو چوجوقلر، دائماً ذوق و سفاخته مائل ایدیلر . یاواش یاواش آنی ده کندیلرینک او یغونسز حاللردن حصه مند ایلهدیلر . نهایت فنالقده ، یارامازلرده او قدر

ایلری گیتدی، که - کندیسى جسور و جرزه‌لى اولديغندن -
يارامازلِق و حشاريلقده جمله دن زياده شهرت قازاندى .

سيّاح، بر قاچ سنه صوگره ينه او شهره گلدی . معملک نزدینه
گيده رك تسليم ايتمش اولديغى بو امانتى گورمك ايسته‌دى . معلم،
کمال محجوبيتله چوجوغنك شمعى باشى بوش گزمکه اولديغى
مع التأسف بيان ايله‌دى . سيّاح، بونك اوزرينه يك محزون
ومکدر اولدى ؛ معلمى عادتا تعزير و تکدير ايتدى . صوگره بر
آته بينه‌رك طريق ضالالتّه صاپان بو چوجوغى تحرى ايتمگه
باشلادی . يوله مذکور چوجوغه راست گلدی . چوجوغنك
آرقه داشلى کنديسنى طاشلامق ايسته‌دکلرندە : « بنده ذاتاً بونك
ايچون گلدم . » دیدی .

چوجوق، حاميسنى گورونجه کمال عار و حجابندن فراره يوز
طوتدی .

حال شيخوخته بولونان سيّاح : « قاچه بندن اولادم ! قاچه !
» نيچون ضعيف پدرکدن قاچيورسك ؟ قورقه ! هنوز اصلاح نفسه
« قابليتک واردر ! ايجاب ايدرسه بو اوغورده فداى جان ايتمگه ده
» حاضرم ! سوزمه اعتماد ايله‌ده طور ! اوغلم ! طور ! » ديه آرقه -
سندن هايقيره رق قوشمغه باشلادی .

دلى قانلى، بورقت انگيز سوزلردن متأثر اولدى . اوتانديغندن
حاميسنك يوزينه باقاميوردى . براز صوگره گوز ياشلى دوکهرک

گیدوب سیاحك آياقلىرىنه قاياندى . سيّاح آنى در آغوش ايتدى ؛
ممنون اوله رق آلوب خانه سنه گوتوردى . تکرار مسـالک فضیلتـه
سالک اولمادجه کندیسنى بیراقدی .

فنا سوزلرک، محلّ آداب و اخلاق اولدیغی حقّنده کتب
اخلاقده وارد اولان کلاملر، فنا رفیقک دخی اخلاقه سوء تأثیری
اولدیغنی متّمندر . مدّت مدیده اعطا اولونان حسن تعلیم
و تربیه دن حصوله گلن گوزل ثمره، بر فنا رفیقک سوء تأثیر
زهرناکی ایله آز زمان ظرفنده بوزولوب برباد اولدیغی گورولمشدر .
اخلاق شناسلقله مشتهر اولان بر ذات دیرکه :

« مدّت مدیده دن بری اخلاق حسنّه و اوصاف حمیده سیله
« سائرلرینه حسن عبرت اولان دلی قانلینک بری، صوگره دن
« ناصلسه بر فنا رفیقه چاتدی . آنک سوء تأثیریه اخلاقی بوزولدی
« گیتدی . آز مدّت ظرفنده سفاهتک ثمره سی اولان ضرورت
« وسفالتی کمالی بولدی . نهایت خسته لاندی . چوق پشیمان اولدی،
« اما ندامت فائده ویرمه دی . بو حاله گله سنه سبب اولان رفیقنه
« لغتله اوقویه اوقویه وفات ایله دی . »

ای فضیلتی سون پدرلر و والدلر ! اولادلیکک سؤق
ایتدیگکز طریق فضیلتده دوام ایتمه لرینی آرزو ایدر ایسه کز
سوء امثالک مضرت مهله کسندن کندیلرینی وقایه یه اعتنا ایدیگز .
آنلری بو مهله کدن محافظه یه نه قدر دقت ایتسه کز آذر .

سلطان سلیمان قانونی حضرتلری :

نفس، قطاع طریق* و منزل اولمشدر رباط*
که سن صاقین باشند چیقارسک ایتز ایسهک احتیاط

بیورمشدردر .

ارباب شبیدن برنجی، بر طرفدن حداث سنی* اقتضاسنجه ذاتا*
حرارت غریزیه* مغلوب بولوندیغی ، دیگر طرفدن عالمده هر
گون ، هر ساعت ، هر دقیقه گوزی اوکننده بولونان و مخل*
اخلاق اولان سوء امثال ، کنیدیسی مهالکه طوغری سوق ایتمکه
اولدیغی حالده آنی ممکن مرتبه محافظه ایتیهجک اولور ایسهگز
آرتق کنیدیسی بو سیلاب سفاشته* تاب آور* اوله ماز ؛ ناچار
گرداب سفاشته دوچار اولور گیدر .

ادبای عربدن بری : « بر کیمسه سفیهر و جاهلر ایله مخالطه*
« ایدرسه حقیر اولور ؛ علما محلمنه دوام ایدرسه وقارلی اولور . »
دیمشدر .

مادام که حال بویلهدر ، اولجه کنیدیسی بو مهلکه لره قارشی
تحکیم و تقویه ایدیگز ! نصایح نافعہ گزی تکرار و تذکاردن گری
طور مایگز ! امثال حسنه ذاتیه گزله کنیدیلرینه حسن عبرت اولیگز .
طریق فضیلتده دوام و ثباتلری گورولمه دجه نصایح نافعہ
و مؤثره اعطاسندن دور اولمایگز ! هر شیدن زیاده کیملرک
رفاقتلرندن صاقینمالری لازم گلدیگنی کنیدیلرینه بیلدیریگز ! الک
زیاده شایان احتراز اولان بوشیلری آنلره محبت مشفقانه و نصایح
بدرانه ایله تفهیم ایدیگز !

گنجیره، اوّل امرده یالانجی آدم لردن اجتناب خصوصنی توصیه ایتک الزمدر. یالانجیلر، اکثریا باشقه لرینک حسابنه اوله رق تعیش ایدرلر. کندی منفعتلرینی مضرتده آرارلر. شونی بونی آلاتمغه، باد هوا یییوب ایچمگه، علی العموم ساده دلانی و علی-الخصوص نوجوانانی اغفال و اضلال ایلمگه، اللرنده اولانی بالتقریب چارپمغه موفق اولمادقجه مستریح اوله مازلر.

حکماندن شیخ سعدی دیرکه :

« هر کیم کوتورله دوشر قالفارسه اگر طبیعتلرینی آمازسه
 « بيله آنلرک یولنده قباحتی اولور. مثلاً : اگر بر آدم نماز
 « قیلق اوزره میخانه یه گیدرسه شراب ایچمگه کیتدی دیرلر. »

برده بی ادبانه سفاهتلی - خیال فاسدلرنجه - ذوق و صفا عد ایدن و بر غریب طور مفتخرانه ایله دائماً بو چیقماز یوله گیدن بد اخلاق، سفیه، مسرف دلی قانلیلرک مقارنتندن ارباب شباب تحذیر ایدلمه لیدر.

بو سُفها گروهی، انسانیتدن او قدر بعید بر وادی خذلانده یویان درلر، که ناموسلی بر آدمک ناموسنی لکه دار ایتک، ذکور و انانندن اغفال ایده بيله جکلری گنجلری باشند چیقارمق گبی فضاحتلر، بونلرک عنندنه وقوعات عادیه، بلکه ده حادثات ساره صیره سنده طوتولور.

بر طاقم اختیارلرده واردر، که بر آیاقلری چوقورده اولدینی حالده هنوز معیشت سفیهانه دن اوصانمش و او زمانه قدر بو یولده

گوستردکری تکاپولره قانماش اولدقلرندن مسلاک بی ادبیده دوام ایدوب گیدرلر .

بونلر دخی واجب الاجتناب اولمق خصوصنده سائر اصحاب فضاحت و شناعتن گری قالیر شیر دگدر .

الحاصل : گنجلر، او مثلی آدملرک مقارنتندن فوق العاده احتراز ایتمه لیدر ، که اخلاق حمیده و اعتقادات دینه لرینی محافظه موقق اوله بیلسونلر ؛ زیرا افکار بوزوقلغی، فساد اخلاقی انتاج ایلر ؛ فساد اخلاق ایسه قلبی ، روحی افساد ایدر .

خودبین و خودپسند آدملر

خودبین و خودپسند آدم، ناس بیننده دائماً بدنام اولور . عصر من مؤلفلرندن بری بو صفت مذمومه بی گوزلجه تعریف و تصویر ایتمشدر . بو تعریفاتک مهم و مفید پارچه لرینی شوراده ذکر و بیان ایدم ؛ تا که خودبینلرک ، خودپسندلرک نه قدر فنا و چیرکین خویرلر اولدینی آکلاشیلسون . تربیه سز قالمش ، یاخود سوء تربیه آلمش اولان چوجوقلر و بیوکلر ، کندی صفتلرینی مؤلفک تصویراتی ایچنده بر مرآت مجلاده گورورگی نظر ایدوب طانیه بیله جکلر در . مؤلف مومالیهک تعریفاتی بوجه آتیدر :

« شهرت کاذبیه طبعاً میال اولان خودبین و خودپسند آدم ،
« هر نه سویلر و هر نه یاپارسه جمله سی بر نمایشدن عبارتدر .

« کندیسینی هر کسدن عالی گوسترمک ایسته دیگی حالدہ هر کسدن
 « آشاغی گورونور . بیوکار ایله اُنس والفت اوزره بولونمغه
 « چالیشیر . اقران و امثالنه کال کبر و غرور ایله معامله ایدر .
 « خلقی تحقیر ایلر . سلام ویرسه ک گورمزله نیر . بر شی سویله سه ک
 « دیکله مز . باشقه بریله سویله شهرک سوزیگی کسر . اعظم واکابر
 « آره سنده آچیلان مهم بر مباحثه ائناسنده گوزینک اوجیله
 « آنلره باقار . باشقه لرینی هدف تعریض و استهزا ایدر . بو حالنه
 « تحمّل ایتسه کده ، تحمّل ایدمه یوب قوغسه کده کندیسینی ایچون
 « مساویدر . هر ایکسینی ده نفسجه مدار افتخار عد ایلر . هیچ بر
 « شیدن خبر و معلوماتی اولمادینی حالدہ علومدن ، فنوندن ،
 « صنایعدن ، فلسفهدن بحث ایدر .

اقربا و متعلقاتندن بری فقیر و یا شهرتسز اولسه آنی طانیق
 ایسته مز . اعظم و افاحم ایله مناسبت دوستانه ده بولوندیغنی بیان
 ایله افتخار ایدر . حال بوکه او یله ذاتلر ایله بلکه گوروشمش
 و سویلشمش بیله دگلدرد . بلکه ده آنلردن بر سلام بیله آله بیلدیگی
 یوقدر .

خودبین و خودپسند اولان آدمک عقلی ، فکری ، کندی
 تزینات ، تجملات ، تکلفات و تشبثاتیه سائرینه تفوق و تفرد
 ایتمکدر . کندیسینی هر کسک مسخره سی اولدیغنی حالدہ ینه کندیسینی
 عالم و حکیم صانیر . کیندینی هر کسدن زیاده عاقل بلکه یوب سائر .

لرینی تجهیل ایدر . عقل و ذکاسنی او قدر بگمش و بوکا او درجه قانع اولمشدر ، که کندیسجه آرتق آندن زیاده سی تصوّر اولونه ماز . خودبین و خودپسند آدم ، سفسطه کار و احمق آدملره نسبتله اوسط درجه ده بولونور ؛ لیکن آدمی تجیز ایتمک خصوصنده آنلر ایله مساویدر . احمق آدمک او قدر جسارتی یوقدر ، که خودبین و خودپسند اوله بیلسون . خودبین و خودپسند آدمکده او قدر عقلی یوقدر ، که « عاقلدر » دینیسون .

بعض مرتبه عقل و ذکایه مالک اولسه بیله آنکله ضالالته دوشدیگندن لایقی وجه ایله استعمال ایده مز . بو حالده بالجمله حرکات و سکناتی ، تصنیعات و تقلیدادن عبارت قالیر .

انکلتره حکما سندن بری ، بر وقعه نقل ایدر . بو وقعه بویله خودبین و خودپسند آدملر حقّنده عوام ناسک دخی عینیه بو افکارده بولوندقلرینه دلالت ایدر بر حالدر .

حکیم موما ایله دیر که : « برگون لونه ده بر تقرّ جگاهدن » عودت ایتدیکم ائنه ده قارشیدن بر خدمتکار کلیوردی . بو « خدمتکار ، او صیره ده ذهنی اشغال ایتمکده اولان بعض مطا . » لعاتک سلسله جربانی اخلال ایتدی . شویله که : خدمتکارک « النده کوچک بر فینو کوچکی وار ایدی . تا قارشیده اولان بر « چایرلغک اوزرینه اصول ایله وضع ایله دی . او قشایه رق حیوانی « یوریمگه تشویق ایدردی . حیوان ایسه عنود بر شیدی . بر « آزده سمیز و قیدسز اولدیغندن حریفک تشویقانه اصلا اهمّیت

«ویرمه دی . چایرک اوزرینه سریلدی یاتدی . بن ده صبر ایده .
 «مه دم : «بر از آياغکله دورتوشدر ، که سوزیکي دیکله سون .
 «دیدم . مرقوم ده جواباً : آياق دگل ، ال بيله طوقوندورم .
 «اگر چزاری [*] آياق ايله دورتوشديرمگه جسارت ایده ایدم
 «اودن مطلقا قوغولور ایدم ؛ زیرا خانم ، کنديسني فوق العاده
 «سور . «دیدي .

تجرب ایتدم : «ظن ایده رم ، که سزک خانم متأهل اولمامالی .
 «دیدم . «ازدواج ایده لی اون سنه اولدی . «جوابی ویردی .
 «اولادی وارمی ؟ «دیه صوردم . «یدی دانه «دیدي . «یدی
 «اولادی اولدینی حالدہ ناصل اولویورده بو دگرسز حیوانی
 «سویور ؟ اويله ایسه کنديسی ده حیوان گبی بر شی ایش !
 «ناصل کنديسنک خدمتندہ دوام ایده بیلورسک ؟ «دیدم . مرقوم
 «جواباً : واقعا بو خدمت ممنون قاله جق بر شی دگلدر ؛ لیکن
 «اولکی حالم بوندن چوق فنا ایدی ؛ زیرا خودبین و خودپسند
 «بر آدمه خدمت ایدیوردم . کنديسنک میلیات وذوقیاتی وکبر
 «ونخوتی ، بکا چکدیرمه دک اذیت بر اقامزدی . هر بر امرینه
 «سرفرو ایتک و همان اجراسنه قوشمق ایجاب ایدردی .
 «دیدکن صوگره ینه حیوانه متوجّهأ : گل ! سوگیلی چزارم ،
 «گل ! اسکی افندیمه خدمت ایتمکن ایسه سکا خدمت ایتک

«اولی اولدیغنی اعتراف ایدهرم . « دیدی ، وَ حیوانی یرندن
 «قالدیروب شرقی اوقویهرق یوروتمگه باشلادی .
 «او خدمتکارک حکمت آشنالغی بنمکندن ای ایمش . حقیقت!
 «انسان، بعض کره بولوندیغنی حالی مادوننده بولونانلرک حالیه
 «مقایسه ایتسه پک زیاده مستفید اولور . بو طریق ایله انسانک
 «دائماً کندی حالندن خوشنود اوله بیله جگی درکاردر . انسانک،
 «بر کوپگک محافظه سنه خادم اولمق گبی محقر بر حالدن کندیسینی
 «خوشنود ایده بیله سی، خودبین وَ خودپسند بر آدمک خدمتنده
 «بولونماسی، حقیقه حکمتدن متحصّل تسلیات سایه سنده اوله بیله .
 «جگنی اعتراف ایدهرم . »

متفلسف

متفلسف دیمکله : معلوماتی اولمایان ویا براز معلوماتی اولوب ده
 کندیسینی بر عالم حقیقی یرینه قویهرق بیوک بیوک سویله نن ،
 حکمت و حقیقتدن دم اوران زُبّه وَ زَوْزْک آدملر آکلاشیلیر .
 بولنر، بر شیئی لایقیله مطالعه وَ محاکمه ایده مزلر ؛ پایاغان
 گبی سوز سویله مگی ، فضله اوله رق برده اوگونمگی بیلیرلر .
 حکمت فروش اولمق ، عالم گورونمک ایسترلر . جاهلر ایچنده
 عالمک ساتارلر . کندیلرینک چوقلق ملاحظه وَ مطالعه یه اقتدار .
 لری اولمادیغندن گرک کندیلرینک ، گرک سائرلرینک افکار
 و مطالعاتنی آغیر وَ طاتلی ساتارلر . کندیلکلرندن برشی دوشونه .

مہیوب سائرلرینک دوشوندکاری و بیلدکاری شیارہ از چوق
واقف اولمخی کافی صایارلر . الحاصل : بونلر، سائرلرینک اموال
واشیاسنی یوکلہن حیوانہ بگزدرلر . سویلہدکارینی، کندیلری گی
بعض اسکی و یگی زوزک مؤلفلرک آثاریلہ اثباتہ چالیشیرلر .
جاهلر یانندہ فارسی ، عربی و یاری ترکیہ ، یاری فرانسیزجہ
سویلرلر . حال بوکہ بولسانلرک ہر برندن بلکہ اوچر ، بشر لغت
آنحق بیلیرلر و یا آنلری دہ طوغری بیلزلر .

بونلر، کبر و نخوت و شہرت کاذبہ ایلہ مألوفدر . ہرشیئہ یالکیز
اعتراض ایتک ایچون آغیز آچارلر . سویلہدکاری، حیلہ و خدعہ دن
عبارتدر . بتون سوزلرینک ، ظن و ذہابلرینک عینیلہ بر عالمک
سوزی گی تلقی ایدیلہسنی ایستزلر . کندی سویلہدکارینک اسباب
ودلائلی یوقدر . حال بوکہ باشقلری ہرنہ سویلہسہلر اسباب ودلا-
ئلی صورارلر .

عوام ناس ایچندہ برنوع متعاملر واردر ، کہ بو حالدہ بولوندقلر-
ینک فرقندہ بیلہ دگلدرلر . بونلر، محضا بر شی بیلدکارینی خلقہ
گوسترمک ایستہینلر ایلہ بردہ بیلہن جہل مرکب اصحابندن
اولانلردر . گرک بیلدکاری ، گرک بیلہدکاری ایشک ایچنہ
صوقولورلر : « اویاہ دگل ، شویلہ در ، بویلہ اولمالیدر . » دیہرک
باشقلرینک سوزلرینی صحیحہ قالقیشیرلر . بیلیر بیلزلر ادعالر ایدرلر .
ہرکیم معلوماتنی مناسبتسز بر مکان وزماندہ ابراز ایتک ایستز

ایسه شهرتِ کاذبه حریصی اولدیغنی بیان ایدر . حماقت و بلا -
هتتی ویا تربیه سزلگنی میدانہ قور .

علوم و فنونی سومک و کسب ایتمگه چالیشمق، اهم و الزمدر؛ لیکن
اولیه معلوماتی گوسته رهیم دیرکن حماقتنی گوسترمک، کار عاقل
دگدر؛ مع مافیہ هیچ برشی بیلمهین جاهلدرک نه حیثیتلری اوله بیلیر؟
حکمای مشهوردن شیخ سعری دیرکه :

« عالم، عطار دکانی گبی صداسز، فقط هنرله مالیدر جاهل ایسه
« طاول گبی صداسی عالی، فقط ایچی خالیدر . »

انسانک جهالتی دایما کنیدیسنه موجب عار و شین اولمازمی ؟
علم ایسه انسانک افکارینی تنویر و تزیین و معلوماتی توسیع ایدر .
اشنای مصاحبته سوزینه، صحبتنه قوت و زینت ویرمگه اعلا بروا -
سطه اولور . ایشته بونک ایچون عالمدر دیمشلدردرکه : « عاقل اولان،
« عمرینک برنجی قسمنی، اولور ایله، ایکنجی قسمنی، دیریلر ایله،
« صوگ قسمنی ده کندی کنیدیسیله سویله شهرک گچیرمک لازمدر . »
بونکله برابر : « انسان براوطیه قاپانوب گجه گوندوز عمیق،
« واسع بر علم تحصیل ایتمک حرص شایخشاسنه تابع اولمق
« لازمدر . » دیمک ده ایسته مه یورز؛ زیرا حددن آشیری علم تحصیلیه
مشغول اولمق، انسانی المناک ایلر؛ فوق العاده اتعاب فکر ایتمک،
انسانی دوچار مسکنت و حتی سرسم ایدر . تحصیل علم لازمدر؛
لیکن علم اداره و اعاشه هر شیدن الزمدر . معلومات عمیقہ
و سطحیه میاننده اورته بر طریق طومتالی . سویله که : انسانک

فکری تزئین و تجهیز ایدیله‌لی، اما پک او قدر اتعاب ده ایدیله‌مه‌لی. انسان، اتعاب ذهن ایتکسزین قوّه حافظه‌سنی تربیه ایتمه‌لیدر. معلوماتی، تصوّراتی توسیع ایتمه‌لی؛ لیکن آنلرله نمایش و آلاش ایتمه‌مه‌لیدر. باشقه‌لرینک معلومات و حیثیت ذاتیه‌لرینه رعایت ایتمه‌لی؛ اما تمدّح ایتمه‌مه‌لیدر. بالعکس معلومات حاصله، کنیدی کندینه گورونمک اوزره حال طبیعیده بولونمالیدر. الحاصل: هر شیده اقتضا ایتدیگی گبی بو خصوصده دخی حد اعتدالی تجاوز ایتمه‌مه‌لی.

بو بابده حکمای یونانیّه‌دن افلاطونه‌ک مسلك معتدلی، شایان پنادر. حکیم مشارالیه، سیمیلادن بوناستانه دعوت ایدلدیگی صیره‌ده اولیمپیا شهرندن گچیوردی. او ائنده اوینامقده بولونان اولیمپیا لعبّاتی تماشا ایتمک اوزره بر قاج گون بعض اجانب ایله برابر اوراده قالدی. لعبّاتک ختامندن سوگره برلکده آتینه گتدیله. آنلری اوئنده مسافر ایتدی. بونلر، بر گون مشهور مقراطک شاگردی بیوک افلاطونه‌ی گورمک آرزوسیه اورایه گلدکلرینی بیان ایله دیله؛ کنیدیلرینی گوتوروب کوروشدورمه‌سنی رجا ایتدیله. کنیدیسی ده تبسم ایده‌رک: «گورشمک ایسته‌دیگکیز افلاطونه، بنم!» دیدی.



مستدارلق نانكورلك

مستدارلق، اويله بر وظيفه مقدسه در، كه اولاً : جناب حقّ ،
 ثانياً : برنجى درجه ده ولى نعمتزر بولونان پادشاهمرك، ثالثاً :
 ابوينمرك، بعده هر نه وجه ايله اولور ايسه اولسون آز چوق
 طوغريدن طوغرى به ويا طولاييسىله بزه بر گونه ايدىكلرى واقع
 اولمش اولان بالمله اولياى نعم افنديلرمرڪ حقوقنى و ايدىكلرىنى
 طانمق، گورمش اولديغيمز نعمتلىرىنى اونوتماق، آندن طولايى
 جناب حقّه و كندىلرينه عرض شكران ايله مك، مقابلنده المزدن
 گلدىگى قدر آنلره عرض خدمت، صداقت و عبوديت ايتك،
 الحاصل : بر يودوم صويك بيله حقنى طانمق و آنى اونوتماق
 خصوصلىرىنى شاملدر .

منصور خليفه حضرتلى برگون دولت امويه رجانندن اولوب
 وقتيله هشامك معيتنده بولونمش اولان مسن بر آدمدن : « هشامك
 » محاربه جه رأى و تدبىرى ناصل ايدى ؟ « ديهه سؤال ايدر .
 پير مرقوم ده : « يا امير المؤمنين ! هشام (رحمة الله) شويله ايدى ،
 » بويله ايدى « ديهه توصيف ايدر . خليفه مشاراليهك خصمى اولان
 هشامى بويله رحمتله ياد ايتمه سنه جاني صيقلير . غضبه گلهرك : « بهى
 نادان ! هشام، بنم دشتم اولديغنى بيله يورميسك ؟ كه حضورمده

«آنی رحمتله یاد ایدیورسک.» دییه توبخ ایدر. پیر مومی الیهده:
«افندم! هسامک نعمتی، بویونمده بر زنجیر اولمشدر. رحمتله یاد
«ایتمگی الی آخر العمر اونوده مام» جوابیله مقابله ایلر.

خليفة حضرتلری آنک بو جواب وفاکارانه سندن تیقظ
ایده رک بر صورت ملتفتانه ده: «ای پیر جهان دیده! وار سلامتله
«عودت ایت! عهدده وفا ایدیچی، ایسلک اونوتمايچی بر کیسه
«اولدیغکی جزم ایتدم» دییه رک عطیه کثیره احسانیه تلطیف
بیورورلر. پیر مومالیله عطیه یی آنجه آتیده کی مألده بر بیت
سویلر:

«الله عظیم الشان بیلیر، که اگر امیر المؤمنینک جلالتی و آکا
«واجب اولان اطاعتی اولماسه هسام دن سوگره کیسه نک لباس
«نعمتی گینزدم، یعنی: احسانی آمازدم.»

بو سوز، خلیفه مشارالیهک دها زیاده خوشنه گیده رک: «ای
«پیر روشن ضمیر! اگر قومک ایچنده سندن باشقه وفادار کیسه
«بولونماسه آنلره الی الابد شان و شرف جهتیله کافی و وافیسک»
کلام ملتفتانه سیله وفاسنی تحسین بیورمشدر.

ایفای وظیفه متتداری و شکر گذاریده قصور ایدن آدم، مردود
و منفور اولور؛ حتی کلبدنده آچاق عد اولونور؛ زیرا کلبک کند-
یسنه بر اقمه اتمک و یرن آدمی پک چوق سنه لر گچدکن سوگره
بیله طانیدنی واقع و مجربدر. بویله نان و نعمت حتی بیلز، ایسلک

طانیماز آدملره : « نانکور » ویا « کافر نعمت » دینیر . کبرک خصمی الله اولدینی گبی کافر نعمتک خصمی ده ینه اللهدر . نانکور اولان آدم ، اکثریا دنیاده دخی جزای سزاسنی بولور .

انسانلر ایچنده نیجه آدملر گورولور ، که ییلان گبی پرورشیاپ اولدقلری سینه یی صوقارلر ؛ مع مافیہ بو احوالده اولان آدملره ایر ، گج جزای سزالرینی بولورلر .

حضرت سلیمانہ : « اییلگه قارشى کوتولک ایدن آدمک خانه - سندن ، سفالت اصلا تباعد ایتمز . » بیورمشدر .

پک چوق آدملرک گوستردکلری مستدارلق علامتلری صوری و سطحیدر . واقعا اییلک ، هر انسانده آز چوق مستدارلق حسی تولید ایتدیر ؛ لکن بوحال ، مدت مدیده دوام ایتمه یوب اییلک ده ، اییلگی ایدن آدمده اونودولور .

حکمای قدیمه دن برینه : « انسانده اک اول فنا بولان شی نه در ؟ » دیسه صورمشلر . حکیم : « گوردیگی اییلکلر ! » جوانی ویرمش .

رومایا لرندن بشنجی سکرده ، مستدارلق خصوصنده گوزل بر مثال عبرت گوسترمشدر .

مشار الیه ، عادى بر فامیلیادن اولدینی وکمال فقر و ضرورت ایچنده بولوندینی بر زمانده رومایه عزیمت ایتمش . بر خدمت بوله مادینی ایچون تسله مجبور اولمش ایدی ؛ لکن یومی اله گچن

صدقه، جزئی بر شی ایدی . هم دفع جوع ایتگه ، همده البسه
آلغه کفایت ایتهدیگندن کندنده آجلق حس ایتدجکه : « عجیبا
» بر شی آلوب ییهیم می ؟ یوقسه بعض کره آج قاله رق آیغمه بر
پاپوش می آلوب گییهیم ؟ » دییه دوشونور طورور .

بر گون ینه بویله ملول و محزون دوشونوب طورورکن
دگانجینک بری گورور . کندیسنک البته بر غم و کدری اولدیغنی
ناصیه حالندن کشف ایدر . سبب اندیشه سنی سؤال ایلر .
سکروس ده ظریفانه و ادیبانه بر طور ایله بیان حال ایدر .
دگانجی ، غایت متأثر اولور . کندیسنی بر قاچ گون اعاشه و اداره
ایده بیله جگنی بیان ایدر ؛ آلوب خانه سنه گوتورور ؛ بر قاچ گون
اطعام و انعام ایدر .

مرور زمان ایله مشار الیه ، بشنجی سکروس عنوانیله یا مالغه
انتخاب اولونور . در حال وقتیه لطفنی گورمش اولدینی دگانجینی
تخطر ایلر . آنی مظهر مکافات ایدرک نعمت شناسلغنی اثبات
ایتمشدر .

متدارلق خصوصنده بعض حیوانلرک بیله بزه عبرت بخش
اولدقلری واردر . از جمله وقعه آتیه ، پک عجیب و عبرت آمیزدر :
لیموزه ایالتی اسیلزادگانندن کمال شجاعتله مشهور بری واردی .
بو ذات ، بر گون بر قاچ رفیقيله برابر بر اورمان قربندن گچر
ایکن مدھش بر آرسلان ایکلیتیمی ایشیدر . بو این و حزین
صداء بر حیوانک فنا بر حاله دوچار اولدیغنی ایما ایدر ایدی .

بونک اوزرینه او ذات، کمال انسانیت و شجاعتی اقتضاسنجه
 بلا پروا اورمانه طوغری قوشمغه باشلار . رفیقاری هر نه قدر
 کندیسنی منع ایتک ایستلر ایسهده بر دورلو موفق اوله مازلر .
 نهایت محل وقعیه یتیشیر . جسم ، مدھش بر ییلانک آرسلا نه
 صاریلوب صوققده اولدیغنی گورور . رقت قلبیه سی او یله بر
 صورتله هیجانه گلیر ، که بعد الخلاص حیوانک کندیسنه هجوم
 ایدہ بیلہ جگی احتمالنه دخی اھمیت ویرمز . درحال قیلیجی چکوب
 ییلانی پاره لار . بی چاره آرسلانی خلاص ایلر . آرسلان خلاص
 اولونجه ایراث شبهہ اتمہ یه جک بر صورتده منجیسنک یانہ صوقو-
 لور ؛ عرض تشکر مقامنده آیاقلرینی یالامغه باشلار . بوندن باشقه
 حیوان، ولی نعمتنه او درجه عرض محبت ایلر، که بر دقیقه یانندن
 آیرلق ایستہ مز . نرہ یه گیتسه برابر گیدر ؛ کیسه یه ایلیشزدی .
 یالکزر بعض دشمنلره تصادف اولوندینی زمان هجوم ایتک اوزره
 منجیسنک اشارتہ منتظر اولوردی . کندیسیلہ برابر آوہ گیدر
 و پک چوق حیوانات وحشیہ صید ایدر ایدی .

اڭ غریبی شودر ، که ولی نعمتی اولان ذاتک فرانسیہ عودت
 ایدہ جگی طوتار ؛ لکن قبودانلردن هیچ بری حیوانی صاحبی ایلہ
 برابر گمی یه قبول اتمہ دیگندن آرسلانی ساحل دریاده ترکه مجبور
 و ضروری یالکزر جه کندیسنی راکب اولور . سفینه، سمت مقصوده
 متوجہاً حرکت ایدنجه حیوان آرتق صبر و راحت ایدہ مز ؛ دگزرہ

آتیلیر؛ گمینک آرقه سی صیره یوزمگه باشلار . نهایت طاقتی کسیلهرک غرق اولور گیدر .

انسان، کندی منتدار گوسترمکدن اصلاً چکینه مه لی . باخصوص ایجاب حال و موقعه گوره علناً عرض محمدت و بیان ممنونیت ایتمه لیدر ؛ زیرا علناً اظهاری لازم گلن بر منتدارلغک اضماریه بر نوع کفران نعمت علامتی صاییلیر .

بعض آدملر، گوردکلری بر اییلگه مقابل کنیدیلری ده همان بر اییلک ایدهرک اوزون اوزادی به منتدارلق بار گرانی آلتنده قالمی ایسته مزلر . بو خصوصه پک ده استیجال ایتک مناسبتسزدر . قاعده نراکت و ظرافت اقتضاسنجه اصلاً لایق و جائز دگلدر ؛ بناءً علیه بو خصوصه نه او قدر استیجال ایتمه لی ، نه ده او قدر امهال واهمال .

نانکور آدملر، گوردکلری اییلگی بالطبع پک تیز اونوتقمده اولدقلری گبی منفعت پرست آدملرده کنیدیلرنده موجود اولمایان بر منتدار گوسترمگه منهمک و فرصت جو درلر . بونلرک دائماً آثار منتداری گوسترمگه چالیشمالری، انظار اولیای نعمی جالب ایله ده بیوک اییلکلره نائل اولق مقصدینه مبنی در ؛ بونک ایچون دائماً منتدارلق غیرتنی گودرلر . فی الواقع محافظه منافع ذاتیه دخی بونی ایجاب ایدر . نیجه ولی نعمتلرده واردر ، که بویله حالردن محظوظ اوله رق ده بیوک اییلکلر ایدرلر .

مهر به ابی وقاص (رضی الله عنه) حضرتلری کوفه امیری
ایکن برگون حضورینه بر آدم گلدی: «ای امیر! سنک اوزرکده
» بر اییلگم واردر. «دیدى. امیر: «اییلگک نه در؟» دییه سؤال
ایدنجه مرقوم: «برگون آته راکباً بر طرفه گیدرکن آتکز
» سورچدی. سزی دوشوردی. بتون بنده لرگز ایلروله یوب
» یانکزده بولونه مادیلر. در حال قولکزدن طوتوب آتکزه بندیردم؛
» صوده ویردم. «دیدى. مهر به ابی وقاص: «یا شمدی یه قدر
» زرده ایدک؟ نچون گله دک؟» دییه سورونجه مرقوم: «گدم
» ایدی؛ لکن قابوجیکز دخوله مانع اولدی، جوانی ویردی.
جناب مهر، مرقومه ایکی یوز بیك درهم گوموش ویردی. بعده
امیر، او کیسه یه دیدی که: «بو معامله یه، مکافاتمز آزد؛ اما
» دأره مزه تقرّبکزه بر وسیله اولسون؛ یعنی: بوندن صوگره
» دأره مز خلقندن اولکز. ینه بر احتیاجکز اولورسه بلا تکلف
» گلوب عرض حاجت ایله یکز!»

حقیقی وَ صمیمی متّدارلقلر نادر گورولور. واقعا دنیاده چوق
نانکورلر دخی بولونور؛ لکن بو حال، اصحابِ انسائیتک شو
بیوک فضیلتدن محرومیتنی ایجاب ایتمز؛ زیرا ایلیک وَ متّدارلق
نه قدر قیتملی، نه درجه عالی بر فضیلت ایسه مغایری ده او قدر فنا
وَ آلا قدر.

فرانس قراللرندن اون برنجی لوییه بر محلدن اون بیك لیرالق

بر هديه گلمش. او ائاده ياننده بولونان قُرنا وُندَمانه خطاباً:
 «بو هديه يي نغم اچون قبول ايتمك ايسته مه يورم. اچكز دن
 » هر كيك بگا بيوك بر خدمتي، بر ايلگي واقع اولمش ايسه هيچ
 » چكينه يوب سويله سون! آكا ويره جگم.» ديش.

هر برى ايتمش اولديني خدمتي ممكن مرتبه اعظام ايله اورته يه
 قويدى. مشاراليهك كاتب خصوصيسى بولونان ذات ده منفعت -
 پرستلكده آنلردن آشاغى قالماز ايدى؛ فقط آنلردن زياده
 خوشكو ايدى. صيره كنديسنة گنجه كمال ظرافت و نزا كتله:
 » افندم! قولكز ذاتاً بحر الطافكزه مستغرقم؛ يگدن مظهر
 » الطافكز اولمى آرزو ايتمكه حقم اوله ماز؛ آنجق شمدي يه قدر
 » نائل اولديغم نعم جليله كزه كسب لياقت ايتمكى دوشونيورم.»
 جوابنى ويردى. قرال، بو جوابدن بك خوشلانه رق مذكور
 عطيه يي كنديسنة لايق گوردى.

انسانك ايلك ايتمكه اولان اقتدارى باقى اولدجه قارشيسنده
 آز چوق مستدارلر بولونور؛ حقيقتسز دوستلرگي نانكورلرده
 وقت ضرورته معلوم اولور. بوشيوه نعمت شناسى، كاذب
 وفاسددر. اصل حقيقي نعمت شناساق اودر، كه انسان، آنى كنديسنة
 بر وظيفه ايدينه رك ايفا و اجرا ايدر. هيئت اجتماعيّه انسانيه ده
 واقع اولان ايلكلرك بك چوغى واقعا ايلك ايدنهك منافعه
 اوله رق اجرا اولونمقده در؛ لكن ايلك خصوصنده انسان اسبابه
 دكل، آثاره نظر ايتمه ليدر؛ حتّى هر خصوصده انسان بو وجه

ایله دوشونه جک اولسه دها زیاده صاحب صفای روح اولدیغنی و فیکری، حقّه مقرون بولوندیغنی گوسترمش اولور.

بر ایسلک ایدن آدمک مقصد و نیقی هر نه اولور ایسه اولسون آنی قبول ایدن آدم، دائماً متتدارلق وظیفه سنی حامل اولمقدن خالی دگلدر. عاقل اولان و آز چوق حقی طانییان، دائماً کندینی متتدارلق وظیفه سیله مکلف بیلیر. بو وظیفه سنک خفی و جلی صورتده ممکن مرتبه اجرا و ایفاسنه وسیله آرار.

أمرای عربدن بری، اوغلیله بر بادیده سیاحت ایدیورلردی. اهل بادیه دن بر قادینه مسافر اولدیلر. قادین، مکارم اخلاق عرب اقتضاسندن اوله رق بونلری اطعام ایتدی؛ لوازم مهماننوازی بی اتمام ایله دی.

امیر، یاننده نه قدر آچه اولدیغنی اوغلندن سؤال ایدر. «یوز آلتون» جوابی آلیر. امیر، جمله سنک قادینه ویرلمه سنی امر ایدر. چوجوق: «بو بر فقیر قادیندر؛ آزشی ایله ده راضی اولور؛ بزم «کیم اولدیغمیزی ده بیلمز» دیدی. امیرده شو جوابی ویردی: «او آزشی ایله راضی اولورسه بن چوق ایله راضی اوله بیلیرم. «بونکله برابر او بزی بیلمزسه بز کندیمیزی بیلزمیزی؟»

اگر ایسلک ایده نک اییلگی، کندیسنک ایسلک ایتمکدن خوشلاندیغنی و یاخود منعم علیه خوش گورونمک مراد ایله دیگی آنک روش حالندن کشف اولونور ایسه بو حالده اییلگی قبول ایدن آدم، یالکیز متتدار قالمقله، کندینی متتدار طانیمقله قناعت

ایتمه ملی ؛ دها زیاده بر اییلکله مقابله ایتمه لیدر . اراضی منبتہ
 گبی کہ قبول ایتدکلری تخمک هر حالده بر قاج مثلنی اعاده ایدر .
 باخصوص اییلگنی گوردیگک بر آدم ، سکا مراجعت و عرض
 احتیاج ایتدیگی ، یاخود بر وجه ایله آنک حال مضایقه ده بولوند
 یغنه واقف اولدیغک حالده همان امدادینه یتیشمک و دها زیاده
 آثار منتداری ابراز ایتک ، قاعدہ منتداری و شکر گذاری
 اقتضاسنددر .

مشاہیر حکمادن ، میمروه منتدارلق وظیفه سی نهدن عبارت
 اولدیغنی شویله اجمال ایدیور :

« اییلکده باشلیجه ایکی شیئه نظر اولونور . بری : قبول اولو .
 » نان اییلک و یاخود آندن حصوله گلن منفعت ، دیگری ده :
 « اییلگی ایدنک محبت و مروتیدر . اولکینه ، سرعت و عدالت
 » ایله مقابله ایدیلیر . ایکنجیسنک اثر جمیلی ، الی نهایت العمر فراموش
 » ایدیله مز ؛ لکن بوگا حقیله مقابله ایدلک قابل دگلدر . بوندن ده
 » شو قاعدہ عمومیه چیقار ، کہ قابل مقابله اولان بر اییلگه مقابله
 » ایتمه ن آدم ، نانکور اولدیغنی گبی مقابله ایتدکدن سوگره اییلگنی
 » گوردیگی آدمی بتون بتون اونودور و کنیدیسنی آرتق بری
 » الزمه ظن ایدر . حین حاجتده کنیدیسنی معاونتہ بورجلو
 » طانیایان بویله آدم دخی نانکور عد اولونور . »

الحاصل : قبول ایتدیگمز هر اییلک ، بر معنوی زنجیردر ، کہ



اییلگنی قبول ایتدیگمز آدم ایله الی نهایت العمر بزی ربط ایدر.
اشبو زنجیری قیرمق ایسته مک ایسه معاشرت انسانیته نک اساسی
اولان محبت متقابله یی اخلال ایدر بیوک بر جنایتدر . نروده بر
رابطه مناسبت وار ایسه اورادن بر وظیفه تولد ایتک ضروری
و طبیعیدر . هانگی مناسبت واردر ، که اییلک ایدن ایله اییلگی
قبول ایدن آدم لر میاننده بولونان مناسبتدن زیاده محقق اوله بیلیر؟
مادام که اوله در قبول ایدیلن بر اییلگی فراموش ایتیه یوب الی-
نهایت العمر محافظه ایله مک و دائماً منتدار گورونمکدن زیاده شایان
اعتنا وظیفه اوله ماز ؟

اییلک، غریبدر . نیجه نانکور آدم لر واردر، که ولی نعمت لرینک
اییلگنی آکمق بیله ایسته مز لر .
نیجه اییلک ایدن آدم لرده واردر ، که ایتدک لری اییلگی
لسانلرینه بیله آلق ایسته مز لر .



آز سويله !

انسانك قلى، بر صندقدر ؛ دوداقرى،
آنك كليديدر ؛ لسانى، مفتاحيدر ؛ انسانه
لازم اولان، او مفتاحى حفظ ايتكدور .
[عر بن عبد العزيز]

ايستر ايسهك كيم پریشان اولمايه سين عاقبت
ديل اوزانمه كيسه نك حقه سن، سوسن كې
[سلطان سليمان قانونى]

آز سويله مك، بيوكلردن زياده كوچوكلره لازم و مناسبدر .
بو حال، هم كنديلرينى مرعى قيلار ، هم ده استفاده لريني موجب
اولور . حكماى قديمه دن برى ديركه :

« بيوكلر سويله مهلى اما آز و غايت اديبانه سويله مهلى .
« كوچوكلرده ديكله مهلى ! حتى كنديلرينه دوشن خصوصلرده بيله
« كال احتراز ايله سويله مهلى . بيلدكلرى بعض شيلرى ده بيلزلكدن
« گلك لازمدر . بيوكلر، سوز سويله دكلرى وقت كوچوكلر سكوت
« و دقت ايله ديكله مهلى ! يالكلر بيله دكلرى شيلر حقه نده اخذ
« معلومات ايمهلى . »

عالمك برينه : « بو قدر علمى ناصل تحصيل ايتدك ؟ » ديه
سؤال ايتدكلر نده : « دقتله ديكله يهرك ، بيله ديگمى بيلنلردن
« صوروب اوگره نرك ! » جوانى ويرمش .



برچو جو غك تعليم و تربيه سى خصوصنده موجود اولان وسا-
 اٹك اڭ ايسى، آز سويله يوب چوق ديگله مك، بيله ديگنى سؤال
 ايتك، سويله نن سوزلر اوزرينه كندى كندينه ملاحظه ايدوب
 آنلردن كنديسنه بر فائده يي موجب اوله جقلريني ضبط و قبول
 ايله مك، فائده سز و يا ضررلى اولانلريني ده رد ايتمكدنر. الحاصل:
 بر كوچوك آدم ايچون آز سويله مك و چوق ديگله مك هم فائده لى،
 هم ده مقبولدر.

بو حالده چو چوق اگر ذكى، عاقل ايسه آنك بو آداب و حجابى،
 كنديسنى هر كسه تقدير و تحسين ايتديرير. دگل ايسه كنديسنك
 بو حالى ينه آنك اوصلو و تربيه لى اولديغنه حمل اولونه رق قصو-
 رينى اورتر.

حكمان نه نوفرست، بر مجلسده برينك اصلا سوز سويله مه-
 ديگنى گورونجه كنديسنه: «عاقل ايسه ك»، سويله مه ديگك ايچون
 قباحتليسك؛ دگل ايسه ك حقل صاييرسك. «ديمشدر.
 كتب مقدسه ده دخى وارد اولمشدر كه: «اقتدار سز لغنى ستر
 ايدن، معلوماتنى كتم ايدندن اولادر.»

حتى ديوانه بيله سكوت ايدنه بيلسه عقللى ظن اولونور. سكوت،
 سائر مزيتلرى اولمايانلرجه بر مزيت مخصوصه اولسه سزا در.
 حال بو كه على السويه چوق سويله ينلر آنلردنر، كه كنديلرينه
 سكوت واجبدنر.

خلفاى راشدين: حضراتندن برى: «بعض آدملاك سكوتى،



«دیگر لړك سوزندن زیاده نافذ و مؤثر در.» بیورمشدر.

جاهلك؛ هیچ بر شی اوزرینه اداره لسان ایده جك افکاری اولمادیغندن هر بر شی اوزرینه سربستجه سوز سویلر. معلوماتی سطحی و بی اساس اولان دخی چوق گوه زهك ایدر. بو حال، سیل صوینه بگز، که بر آرشین بیله دریندگی اولمادیغی حالده بیوك بر شارلتی ایله آقار.

جنتمکان یاوز سلطان سلیم خان حضرتلری: «گرچکدن میدان مبارزه یه چیقمالیدر؛ یوقسه هرکس یالان اوله رق حسابسز سوز سویله یه بیلیر.» بیورمشدر.

بر مجلس مصاحبتده کندیسنه دیکله مك دوشن آدم؛ چوق و صیق سویلر ایسه عقلسز و صایغیسز اولدیغی گوسترمش اولور. بونك ایچون چوق سویله یه حکمت فروشلرگی اولمایوب آز سویله مگی اعتیاد اتمه لیدر.

حکمدان بعضلری کسری نك مجلسنده بر مصلحت حقّنده مذاکره ایدرلر ایدی. وزیر ی بولونان بزجمهر ایسه سکوت ایدردی. «سز نچون بر شی سویله مه یورسکمز؟» دییه سؤال ایله دکارنده وزیر مشارالیه جواباً: وزیرلر، حکیملر گبیدر. حکیملر، خسته نك «غیری یه علاج ویرمزلر. گورویورم، که رأیکمز مصیبدر. بو «باده بکا سوز سویله مك یاقیشماز؛ لیکن بر عمانك اوگنده بر قوی، «بر چوقور گورولوب ده سکوت ایدیلر ایسه او، گناهدر.»

دیمش.



برده سوزی، کمال آداب و یرینه گوره حجاب ایله سویله مه لیدر؛
 زیرا حجاب، اوילה بر پرده در، که ستر ایتدیگی شیدک قیمتی تزیید
 ایدر. کندینی عقللی طایتمق ایسته ن آدم، اوילה گورونمگه استعجال
 ائمه مه لی؛ زیرا بو خصوصده کی عجله، مغایر عقل و حکمت در.
 سائر لرندن زیاده عقللی و معلوماتلی گورونمک آرزوسی، بالعکس
 بزى چوق دفعه مالک اولدیغمزدن زیاده عقلسز و معلوماتسز
 گوسته ریر.

انسان، عقل و ذکاسی، معلومات و درایتی اوزرینه کندنجه نه
 قدر امین اولسه، نه قدر قناعت حاصل ایتش بولونسه ینه
 سائر لرینه اويله اولدیغنی آکلاتمق خصوصنده پک آژ دفعه موفق
 اولور؛ اکثریا حرص شانی ایما ایله دکن باشقه هرکسک نفرتی ده
 دعوت ایتش بولونور.

انسان، قوه فیکریه و قدرت کلامیه سنی، ثروت نقدیه و قدرت
 مالیه سی گبی اداره و تصرف ائمه لی؛ زیرا آژ سویله مک دیمکله
 بتون بتون دیلسز گبی ساکت اولمغی توصیه ائمه یورز. کلامده
 اعتدال، علامت عقل و حکمت اولدیغی گبی بتون بتون سکوت ده
 بلاهت نشانه سیدر.

مشاهیر شعرای حکمادان شیخ سعدی دیمشدرکه:
 «گرچه نزد عاقلده سکوت، آدابدن معدوددر؛ لیکن لازم گنجه
 »سوز سویله مگه چالیشمالیدر. ایکی شی عقله مغایر در: سویله جه جک
 »برده صوصمق، صوصه جق یرده سویله مک.»



بعض کرده سوزده بطاأت و اختصار، قصه و سطحی بر معلوماته دلالت ایدر. چوق صیق سویله مکده بعضاً چوق افکار صاحبی اولمقدن نشأت ایلر؛ لکن بوء اولیه بر طبیعتدر، که گوزل اولدینی قدرده تهلیکه لیدر. بو محاکمه صحیحجه ایله امر بصیرت بوکا منضم اولماز ایسه ممدوح اوله ماز. هر نه قدر هنر و اثر من اولسه، حال و موقعه گوره سوز سویله مگی بیلز ایسه ک مرعی و محترم اوله مایز. واقعا هر شیئی بیلک ظننده بولونان و چوق سویله ین عقلسنز آدم، سویله مگه باشلا نیجه بردن بره عالم گورونور؛ لکن چوق سورمنز فویه سی میدانه چیقار؛ گولونج اولور. سائرلرینه فائق گورونمکدن احتراز ایدن عالمک بو احترازی ایسه باشقه لرینه بر نوع حرمت و رعایت دیمک اولدیغندن کنندیزی ده مقبول و معتبر اولور.

هنر و معرفت، اوزون مدت ستر اولونه ماز؛ عاقبت میدانه چیقار؛ بر جوهر معدنی مثالی عاقبت مزیت مکنوزه سی انجلا بخش عیون اولور.

سکوت ایتمکده گوجلک چکن آدم، عالم اوله ماز. بونک ایچون عالمر، هر شیده اولدینی گبی سوزده دخی اعتدالی توصیه ایتشلردر. مشاهیر حکمدان فیما غورک کنندی شاگردلرینه بیوک برتنیهی ده: «یاسکوت ایدک؛ یاخود سکوتدن ایی شیلر سویله یلک!» کلامی ایدی.

علوم و فنونک، صنایع و حکمتک مهذب ظهوری اولان مصر

قدیمده کی هیا کل میانه برهیکل ده «سکوت» نامنه بنا ایدلمش ایدی. بوهیکل، بر پارماغنی دوداقلری اوزرینه قویمش بر وضعده تصویر اولونمش ایدی، که بو صورتله اهالییه فضیلت سکوتی توصیه ایدیوردی.

شمعی نك مجلسنه دوام ایدن بر اعرابی متصل سکوت ایدرمش. برگون شمعى کندیسنه سکوتنك سببى صورمش. اعرابی دیمش که: «دیگله، اوگرن، صوص، قورتول».

فی الحقیقه اعتدال اوزره اداره لسان ایتمک گبی مقبول شی وارمیدر؟ بالعکس شارشار آقان سیل صوی گبی گوه زه لك ایتمک قدرده مقدوح بر شی وارمیدر؟ گوه زه، بیلیر بیلز سویلر. سویله دیگی سوزك، حال و موقعه مناسب اولوب اولمادیغنی دوشونمز. هیچ بر شیتی گزله مگی بیلز. هر نه گورسه، هر نه ایشیتسه، هر نه دن شبهه ایتسه درحال اعلان و اشاعه ایدر و یا شوگا، بوگا گزلیجه سویلر. هر کسی کندیسنه دوست و سرداش صانیر. حال بوکه کندیسى هیچ برینك دوستی، سرداشی دگدر. هرگون اوته کینك بریکینك آونده دکاننده نه اولمش، نه اولامش الك اوافق تفك شیلره وارنجهیه قدر آ کلامق ایستر؛ هرکسك نام وشاننه، ناموس و اعتبارینه، مزیت و حیثیتنه طوقونه جق سوزلری درحال خفی و جلی صورتده هرکسه اعلان و اشاعه ایدر. بویله آدم، بولوندیغی شهرک بر فساد بوریسیدر. بو اخلاقده بولونان آدمك، یدی محلهیه دگل، یدی مملکته مضرتی واردر.

حکمان بری: «گوه زه وَ زَوُزْکْ آدم، بولوندیغی محمک تشویش و فسادیدر.» دیمشدر.

سوزینک اوکئی، آرقه سنی دوشونمکسزین دیلنه گئی سویله ی، هرکسک یاننده مردور و منفور اولور. بویله لرینی دیکله مگه مجبور اولان آدمه نه قدر صبر و تحمّل لازمدر! باشنه نه قدر بیوک بر بلا در!

پرنسلردن بری، بر آدمی آرابه سنه آلیر. مگر گوه زه نك بریسی ایمش. حریف، او قدر گوه زه له نیر، که پرنس دیکله مکدن عاجز قالیر؛ اویقوسی گلیر؛ اویوقلامغه باشلار. مرقوم گوه زه، بونی گوره رک البسه سندن چکوب اویاندرینجه، پرنس: «یا براق اویو-یهیم، یاخود بنی اویوتمه!» دیمش.

بویله معجزلر، متصل کندیلرینی دیکتمک ایستلر. مخاطبلرینک تعجیز اوله جغنی اصلا خاطرلرینه گتیرمزلر.

هرکیمک ای و آز سویله مکده مهارتی اولماقدن باشقه سکوت ایده جک قدرتی ده یوق ایسه آجینه جق بر حالده بولونور؛ لیکن بونلری دیکله مک مجبوریتنده بولونانلرک حالی، دها زیاده آجینه جق بر حالدر.

اوزاقدن بر گوه زه نك گلدیگئی گوردیگمز وقت کندیسنه تصادف ایتمه مک و سوزه طوتولماق ایچون یولیزی دگیشدیریرز. قضاء تصادف ایتدیگمز حالده ممکن مرتبه چابوق آریلمغه چا-لیشیرز. آریلنجه اوزرمزدن آغیر بر یوک آتمش گی سونیرز.

سوزیگی دیکلتک ، رفاقتیکدن خلق خوشنود ایتک ایستر ایسهک
سوزلرینک آردی ، آره سی کسینز ناقلان روایات گبی اوله ! نقل
ایده جگک سوزک و یا بر حکایه نك تفرعاتنی بر طرف ایده رک
یالکیز مهم جهتلرینی مختصرجه بیان ایت ! هرکسده نوبت ویر، که
آنلرده بیلدکارینی سویله سونلر !

هر شیدن زیاده شوکا اهتمام آیه ، که بر کرّه سویله دیگک سو-
زی، مخاطب و مستمعکی تعجیز ایده جک صورتده بر دها تکرار
ایتمیه سک ؛ زیرا بوده گوه زه لک و جهالت علامتیدر .

چوق سویله نلر، اکثریا قدرت محاکمه لرندن زیاده قوّه حافظه -
لرینی استعمال ایدرلر . بونک ایچون علی السّویه چوق سویله ن
آدملرک سوزلری بیوده شیلردر . بونلر، او آغاجلره مشاهدیلر،
که یار اقلرینک چوقلغنی جهتیه ثمره بخش اوله مازلر . بونلر،
بعض کرّه ای شیلر سویله سه لر بیه سویله دکاری، بر طاقم لزومسز
و فائده سز سوزلر ایچنده غائب اولور گیدر .

بویه متصل سویله مک آرزوسی، انسانه اوله شیلرده سویلته-
یریر، که صاحبی، بالآخره سویله دیگندن پشیمان اولور . الحاصل :
لسانی ضبط ایده مه مک، خفت عقل و ضعف فکردن نشا-
ایدر بر حالدر . عقلی تام، فیکری سلیم اولان آدم، تمح ایتمز .
چوق دوشونور ؛ آز سویلر ؛ دائما گوزل و ای شیلر سویله مک
ایستر . هروقت آچیق اولان آغیز، ایچنده دگرلی برشی بولونمایان

کلیدسز بر صندیغه مشاهدرد؛ حتی گوزل سویله ینلر بیله دیکله-
ینلری اوصاندیروب تعجیز ایتک ایسته مزلر ایسه ممکن مرتبه آز
و قیصه سویله مه لیدرلر.

حکمای قدیمه دن بر قاجی بر محله یکدیگرینه مصادف و ملاقی
اولشلار. هر برینک بر کلام حکمت سویله مه سی، ینلرنده مقرر
اولش. بری دیمش که: «بن، سویله مه دیگم سوزدن هیچ پشیمان
اولمادم؛ لکن سویله دیگم سوزدن چوق دفعه نادم اولدم.»
دیگری دیمش که: «سویله مه دیگم سوزده، بن مالک اولدم.
سویله دیگم سوز ایسه بکا مالک اولدی.»

اوچنجیسی دیمش که: «بن، ایراد ایده جگم کلامک ضبطنه،
ایراد ایله دیگم سوزدن زیاده قادرم.»
دردنجیسی ده دیمش که: «بن، او سوزی سویله ینه تعجب
ایدرم، که سوزی فاش اولونجه قائلنه ایراث مضرت ایله دی.
«فاش اولما ینجه ده قائلنه بر منفعت حاصل اولمادی.»

حددن آشیری کثرت کلام، دیکله نی اوصاندیردیغی گبی سویله-
ینک ده ذهننی او یوشدورور. قلبی، غلیانه گلوب ده سوز دخی
گیتدجه کسب حرارت ایدرسه انسانک مافی الضمیری گورونمکه
باشلار. بونک ایچون اصحاب بصیرت، سویله مکدن زیاده دیکله مکه
مشتاقدرد؛ زیرا هم چوق، هم ای سویله مک قابل اولمادیغنی و
«حفظ لسان، سلامت انسان» اولدیغنی بیلیرلر.



حکامدن بری، بر مجلسده : « نچون سن ده بر شی سویله مه-
یورسنت ؟ » دییه سؤال ایدنلره : « سویله دیگمدن چوق دفعه
پشیان اولدم ، ائما سکوت ایتدیگمدن طولای اصلانام اولمادم . »
جوابی ویرمشدر .

اختیار سکوت و حفظ لسان، کمالات انسانییه تشکیل ایدن
خصائلک ائ نادری و جناب حق انسانه بخش ایله دیگی مواهبک
ائ قیتلیسیدر .

مشاهیر حکامدن زه فوه ائ حلقه تدریسنه داخل اولمق ایستهین
گوه زه نئک برندن حکیم مشار الیه ایکی قات اجرت ایسته مش ،
ائماینه آژ ایسته مش .

الحاصل : حققت لسان، تدوینی ناقابل اولان امراض گبیدر .
« انسان، سویله مگه وسیله آرایان آدمدن عاقلانه دگل ، دیوانه جه
سوزلره منتظر اولمالی . »

چوق سویله مک معتادی اولان آدم، هیچ بر شیئی ستر و کتم
ایده مز ؛ لکن عقلی باشنده اولانلر، یالکیز سویلنمسی ایجاب ایدن
سوزی سویلر . حفظ لسان، کمال بصیرت و درایت علامتیدر .
بونئک ایچون کتاب حکمت مؤلفی سیرام دیر که : « جاهلرک
قلبلری، آغیزلرنده ، عالمک آغیزلری ایسه قلیلرنده در . »

حضرت علی نئک (کرم الله وجهه) دخی بو مألده بر کلام
حکیمانه لری واردر، که ارباب امعان و عرفان نظر نده « معیار حفظ
لسان » حکمنده طوتولمغه سزادر :



«لسانی حفظ و حسن اداره ایدہ بیلک، بیوک بر حکمتدر .
 «خصائل انسانیہ ناک جملہ سندن زیاده اہم وانفعدر . ہر کسلہ صالح
 «وصلاح اوزرہ یاشامنی ایستر ایسہک سوزگدہ محترز اول ! ہر
 «کیم لسانی محافظہ ایدر ایسہ روحی محافظہ ایدر ؛ ہر کیم
 «لسانہ گلنی سویلر ایسہ چوق بلالرہ ، عظیم فلاکتلرہ دوشر .
 «سلامۃ الانسان فی حفظ اللسان» گبی نیجہ جمال جمیلہ حکمیہ
 واردر ، کہ ناجا و مالایغنی سوز سویلہ مکدن احتراز ایلہ سکوت
 حکیمانہیہ ملازمت ایتگی توصیه ایلہ مکدہدر .

صفای قلب ، سلامت روح ، آز سویلہین آدمک بر مکافات
 بختیارانہ سیدر . امثال سلیمانہ وارد اولدینی اوزرہ چوق سویلہین
 کیسہ ، ہر حالہ گناہدن خالی و خطادن سالم اولہ ماز .

التزام سکوت حقنہدی بو توصیه ، بعض کرہ اوزون ، فقط
 نافع و ملتزم اولان کلاملری دہ منع ایتز ؛ آنجق کثرت کلامدہ
 اکثریا خطایہ دوشولک و آداب و اخلاقہ مغایر سوزدہ بولونمق
 دخی ملحوظدر ؛ بناءً علیہ ہر حالہ کثرت کلامدن احتراز
 اولونماسنی ایما ایدر . الحاصل : سلامت نفسی ، مزیت و حیثیت
 ذاتیہ سنی سون آدم ، آز سویلہمگی دہ سومہ لیدر .

دہات اصحابدن عمرو بن عاصیؓ حضر تلی : «سوزہ دوایہ
 » بگزیر لزومی قدرینک استعمالی نافع ، زیادہ سنک استعمالی مضر
 » اولور « دیر ایدی .

واقعا آز سویله مک، اثر حکمتدر؛ فقط نه سویله یه جگنی ایی
دوشونمک، دها بیوک بر حکمتدر .

نیچه آدمار واردر، که سوزی سویله دکن سوکره آنک او -
زربنه تعمیق فکر ایدرلر .

شیخ سعدی (علیه الرحمه) حضرتلرینک: «هیچ برشی سویله مدیگک
» وقت سکا کیمسه برشی دیمز؛ لیکن سویله دیگک حالده سندن آنک
» دیلینی ایسترلر . « مألنده اولان :

نکفته ندارد کسی باتو کار
و لیکن چوکفتی دلیلش بیار

بیتی بو بایده دستور العمل طوتولمغه شایان جمله لردندر .

حال بوکه بر دفعه سوز آغیزدن چیقدقدن سوکره آرتق دو -
شونمک فائده ویرمز . دوشونولمدهن سویله نن، آغیزدن قاچان بر
سوزک، نه قدر بیوک فناقلری و بیوک ندامتی موجب اولدینی
نیچه دفعه لر گورولوب ایشیدیلشدر .

قیس ایبه ساعده ایله اکتم ایبه صفی بر یرده هم مجلس
اولشلردی . قیس اکتمه صوردی که : « انسان اوغلنده نه قدر عیب
بوله بیلدک؟ » . جواب اوله رق اکتم دیدی که : « انسانک عیوبی
» لایعد و لایحصا در؛ لیکن انسانده بر گوزل خصلت بولدم . آنی
» دائماً استعمال ایدنلرک عیوبنی، او خصلت حسنه ستر ایدر . « او
هانگی خصلتدر » دیمه صورولنجه : « حفظ لساندر » جوابنی ویردی .

حفظِ لسانه، باشلیجه اثنای مباحثه و مصاحبتده دقت اولونمق لازمدر؛ زیرا علی السویه هر وقتدن زیاده او اثناده خطایه دوشولور. بویله صیره لرده نه قدر چوق دقت ایدلسه، بصیرت اوزره طاورانیاسه ینه آذر. سائرلرینک حسن توچهلرینی جالب اولمق بختیارلغی، هر شیدن زیاده لسانی محافظه و نظام و انتظام تحتنده ادارهیه مقتدر اولمقدن حصوله گلیر.

حضرت عمرؓ: «سلامت و عافیت، اون قسم ایسه طقوزی سکوتدر.» بیورمشدر.

هرکیم سوزینی کمال حضور قلب ایله، حال و موقعه مناسب بر صورتله و مختصرجه سویلر؛ سائرلرینی ده کمال دقتله دیکلر؛ ایجابنه گوره تواضع ایلر و گولونه جک بر سوز ظهور ایتسه بیله آداب و حجاب اوزره تبسم ایدر ایسه مصاحبتنده بولونان آدملرک جمله سی طرفندن مظهر حرمت و رعایت اوله جنی شبهه سزدر.

بوخصوصده بیلیمه سی لازم کلن قواعد حسن معاشرت و مصاحبت، غایت مهم و مشکلدر. آنجق کالات انسانیّه و عقل و حکمت، آنی ایجاب ایتدیگی جهته بعض قواعد مهمه سنی بوراده اجمالاً ذکر و بیان ایدم:

بیوکلردن حجاب و یانلرنده چوق سویله مکدن اجتناب ایله؛ زیرا بو حال، سنی هرکسه سوگیلی و حسن توچهلرینه مظهر ایدر. کیم سومز او گنجی، که بیوکلرک سوزلرینی کمال دقتله دیکلر

وَ کندیسنه دوشن سوزی کمالِ آداب و حجاب اوزره مختصرجه
سویلر؟

کوچکله دوشن سوزلر، بیوکلرک خوشلانه جقلری وَ بعض
بیلمله دکلری مسئلهلرده آنلردن استیضاج ایده بیله جکلری سوزلردر.
مثلا: گوزل بر فقره، قیصه بر لطیفه، عاقلانه بر سوز، گوزل
بر مطالعه، اوگر ندیگی علوم و فنوندن بر بحث گی.

فقط «بن بیایم، سز بیلز سگز.» دیمک گی بر طرز و طور
ایله دگل، سادهجه اوگر ندیگی بیان ایتک یولنده اولمالیدر.

هیئت اجتماعی بشریه نك مدار افتخاری اولان آدملر گی او-
له ماز ایسهك باری هرکسه بر بار گرانده اولمه! آنلری تعجیز ایتمه!
بر آدم افراطونه: «یوزوگکزی نچون صاغ الکزه طاقدیکز؟»
دیه صورمش. مشارالیهده جواباً: «اوزرینه الزم اولمایان شیلری
»صورانلرله بیهوده یره اختیار زحمت ایدنلری بيلمک ایچون»
دیمش.

چوق سسویلهین آدم، اظهار معلومات ایدیم دیرکن جهلی
گوسته ریر. هرکسك کندینه گوره عقلی واردر. یالکز کندی
عقللی گوسترمک ایستهین کیمسه، عقلسز اولدیغنی میدان قور.
بز، باشقه سنك سوزینه دقت و امنیت ایدر، اهمیت ویریر ایسهك
باشقه سی ده بز سوزمزه دقت و امنیت ایدر؛ اهمیت ویریر. بز،
باشقه سنك شایان تحسین افکار و مطالعه سنی تحسین ایدر ایسهك

اوده بز مکنی تقدیر ایدر . یوقسه افکار و مطالعه من بزجه نه قدر طوغری ، نه قدر عالی اولسه قبول اولونماز . باشقه لری سویله دیگی وقت بز دیکله یوب سکوت ایتمه لی یز . نوبتِ صحبت بزه گلنجه : بزه حال و موقعه گوره بیلدیگمزی ده صوروب اوگر نمه لی یز . انسان ، سویله مکدن زیاده دیکله مکدن مستفید اولور . هر کس سویله یندن زیاده دیکله ین آدمدن خوشلانیر . « دیکله ین ، سویله یندن عارف گرك ! » کلامی ده : ضروب امثال عثمانیه دندر .

تربیه دن محروم اولانلر ، دیکله مکدن زیاده سویله مک ایسترلر . باشقه لرینک سویله دکدرینه احاله سمع اعتبار ایتزلر . سوزلرینی ایلری سوررلر . باشقه لرینه ده سویله مگه نوبت ویرمزلر ؛ دیکلرکن ده ایلجه آکلامه دن « دیه جگگیزی آکلام ! » دیرلر ، که بو حاللر ، یالکیز تربیه سزک دگل ، بلکه خفت عقل و نقصان محاکمه علامتیدر . سوزکده ، صحبتکده قطعی بر صورت ، حاکمانه برطور و حرکت گوسترمکدن حذر ایله ! زیرا کندی افکار و مطالعه سنک سائرلرنجه بر قانون وقاعده اتخاذا اولونماسنی ویا بر خط حرکت اولمق اوزره تلقی ایدیله سنی ایسته ین آدمه ، هر کس عداوت و خصومت ایدر . افکار و مشوارکده عناد و اصرار اثری گوسترمه ! افکارکده ، سائرلرینک رأی و مطالعه سنندن ابی اولسه و آنلره مرجح گو . رونسه بیله تألیف افکار ایتمگه چالیش ! باخصوص بعض ضررسز شیلرده سائرلرینک افکارینه موافقت ایتمگه بورجلو اولدینگک ،

ياخود مجبور بولنديغك وقت : « بلكه بن افكار و مطالعه مده
يا گيلورم ؛ سز بندن دها اي بيليرسگيز . » ديهرك روى موافقت
گوستر ! زيرا بو حال ، حيثيتكه طوقونماقدن باشقه قيمت و مزيتكى
آرتيرير .

بعض دفعه مباحثه ايت ! لکن گوه زه ، خفيف مشرب ،
حديد المزاج ، معتد ، لافزن آدميرله اصلا مباحثه ايله مه ! زيرا
حکماي قديمه دن سيراوئك ديدىگى گي بويله آدميرله مباحثه ايتك ؛
آتشك اوزرينه اودون قوي مقدر .

مباحثه ، هر کيم ايله اولور ايسه اولسون اگر اصول و قاعده
و آداب و تربيه داخلمنده جريان ايتمز ايسه دائما مضرر ؛ زيرا
چوق دفعه الحجامى منازعه و معارضه يه منجر اولور .

واقعا بارقه حقيقت مصادمه افکاردن چيقار ؛ لکن بعض دفعه
بومصادمه دن اويله شراره لرده صيحرار ، که آتش سوزان حداثه
خانه دلي احراق ايدر .

مباحثلر ، معتدل الدم ، حلیم ، سليم ، محق ، منصف اولمالی .
افکار و آرای صائبه ني قبول ايدم جک يولده بولونمالی . حال بو که
چوق دفعه کندى رأيلرينی - ولو يا گلش اولديغنی بيلسه لر بيله
- ترويج ايتك اوزره عناد و اصرار ايدر لر . اکثريا خطالى
اولدقلى ني بيلدکلى حالده ينه اعتراف ايتك ايسته مز لر . خطاده
اصراردن قورقماز لر . اوتانماز لرده آنى اعتراف و حق قبول

ایتمکدن عارلانیرلر . حال بوکه بوندن کندیلرینه بر فائده حاصل اولماقدن باشقه جهالتلرینی اظهار ایله مش اولورلر .

بونکله برابر واقعا سائرلرینک آز چوق افکار محقه لرینه موافقت ایتک واجبدر ؛ لکن بطلانی میدانده اولان بعض افکار باطله یی : نزاکت ، تربیه و یا مداهنه ایچون قبول ایتکده جائز دگدر . بویله خصوصیلرده حقیقت طرفنی طوتوب ممکن مرتبه خطالریکی تصحیح ایتمکه چالیش ! موفق اوله مادیغک حالده کمال ادب واعتدال ایله سوزیکه ختام ویر ! یاخود بحث دیگره نقل مقال ایله !

مباحثه ده حدت و شدت اثری گوسترمک ، عناد و اصرار ایتک ، بر آدمک کثرت علمنه دگل ، بلکه تعلیم و تربیه جه اولان قصور و نقصاننه دلالت ایدر ؛ افراط مرتبه کبر و غرورینی گوسته ریر . بونک ایچون باشقه لرینک افکارینه غلبه ایتک طرفنی طوتمقدن ایسه روی موافقت گوسترمک اولای و انفعدر .

هرهانگی مسئله ده اولورسه اولسون کندیککی ، بیلدیگک درجه دن زیاده عالم گوسترمک سوداسنده بولونمه ! زیرا بو حال عقل قاصر و جهل مرکب علامتیدر .

هیچ بیلمه دیگک و یا لایقیله واقف اولمادیغک شیدن بحث ایتمه ! زیرا بالآخره بیلمه دیگک بر شی میدانه چیقارده محبوب و معیوب اولورسک !

مصاحبت آراسنده مظهر، توجّه ورغبت اولمق ایسترایسه‌ك
بر سوزك آرقه‌سینه دوشمه ! باشقه‌لرینه یالان گورونن ویا - فهم
ایتمگه قدرتلری اولمادیغندن - قبولی کندیلرینه گران گلن بر
حقیقت ویا فکری، مصرّانه تصاحب ایتمه ! زیرا هیچ بر فائده‌یی
مفید اولمادقندن ماعدای مضرّتی اولماسی ده ملحوظدر .

مخاطب‌لرک اولان آدم‌لرک درجه معلوماتلری آکلاشینجه
آرتق ده ایلری گیتمه ! اولر، آکلاماینجه هر نه دیسه‌ك اعتراض
ایدرلر ؛ حتّی استهزا درجه‌سینه بیله واریرلر .

مجلس مصاحبت و معاشرتده مظهر، رغبت و رعایت اولمق صنعتی،
کمال نزاکت و ظرافتله سوز سویله‌مکدن زیاده سائرلرینک خوشلا-
نمایه‌جنی سوزی سویله‌مه‌مکدن عبارتدر . بو یولده معامله ایتمک،
نزاکت، طبع، ظرافت، عقل و ذکا علامتیدر .

آروپا مشاهیر شعراسندن راسمن اوغلنه دائماً دیر ایدی که :
« بعض اعظم طرفندن بوقدر مظهر، توجّهات اولوشم، بوقدر
«التفات گوروشم، ظن ایتمه که نفائس اشعارم ایچوندور . قورری،
« بنمکندن یوز قات زیاده گوزل اشعار نظم ایدر ؛ لیکن یوزینه
« بیله باقمازلر . آنک آثارینک لطافتی، یالکیز کندی آقتورلرینک
« آغیزنده در ؛ سامعینی تجیز ایدر . بن ایسه کیمسه‌یی تجیز ایتمکسزین
« اشعارمی دیکلته‌دیرم . اشعارم حقّنده حرف واحد بیله
« سویله‌م . شوق انگیز سوزلر سویله‌مگی، هر کسک متلذذ

« اوله جنی سوزلرله تنشیطِ قلوب ايله مگی کافی عید ایدرم .
 « مقصدم، ابرازِ مهارت و اعلانِ معرفت اولمایوب آنجق اشعارمی
 « مطالعه‌یه رغبت بیوران ذواتک معلوماتنی تقدیر ایتدکر .
 « ورقه جنابلرینک ساعتلرجه یانمدن آریلق ایسته‌مه‌دیگینک
 « سبینی بیلسه‌ک، یانمده اولسه‌کده گورسه‌ک شاشارسک . یانمدن
 « قیام ایدنجه‌یه قدر آنجق اوچ درت دفعه سوز سویارم . اوده :
 « کندیسنی سویله‌مگه تشویق اچوندور . مفارقت ایتدیگی وقت،
 « بندن زیاده ممنون و محظوظ اوله‌رق گیدر .



چالیشمق، اویومق، یمک خصوصلر نده اعتدال

چالیشمق - انسانه عارض اولان علل و امراضك چوغی، هر شیده حدّ اعتدالی تجاوز ایتمكدن نشأت ایدر. حددن آشیری چالیشمق، انسانك وجودینی یورار. حددن زیاده تحصیل علمه ساعی اولمق، ذهنی اتعاب ایلر. کثرت مشاغل ایسه روحی تضییق ایدر.

گرچه انسان، ایشنده مسیب اولمق، ایشنه مقید اولماق، هر ایشنی کندی ایله یایما یوب باشقه لرینك اللرینه بیراقمق مضردر؛ لکن اصل مطلوب، ممکن مرتبه کندی ایشنی کندی ایله بیتیرمگه چالیشمق، اوزرینه چوق ایش آلوب ده هر برینه یتیشه. مه مکدن ایسه آز ایشه تشبث ایدوب ده عهدده سندن گله بیله جگی ایشی اوزرینه آلمق توصیه دن عبارتدر. بو ایسه امر بصیرت و اعتدال اوزره طاور ائتمق لزومی گوسته ریر.

ایش، انسانك فکرینی اشغال ایتمه لی، اما ذهنی یورما مالی. بونك ایچون مدت مدیده فکری اشغال ایتمه یوب بر اکنجه ایله فاصله ویرمه لی؛ علی العموم اوج ساعتدن زیاده بر دوزییه بر ایش ایله مشغول اولما مالیدر.

آره صیره فاصله ویریلهرک جزئی آرام ایدیلیر ایسه انسانک
فکری ، روحی فرحیاب اولورده دها زیاده شوق ایله یگیدن
ایشه مباشرت ایدر . بو حالدہ قوۂ حافظه سی کسبِ قوۂ ایلر .
فکری ، جزالت ، ذهنی ، وسعت بولور ؛ مطالعه سی ، پارلاق ،
محاکمه سی ، صاغلام اولور . بووجه ایله ضایع اولمش ظن ایتدیگک
وقتی بولمش اولورسک . ایشلرک ، دوچار بطاعت اولماز ؛ بالعکس
اولکندن دها زیاده سرعتله ایلرلیر . بو صورتله سختکده خللندن
وقایه ایدلمش اولور .

علمدان بری ، برککلک بسله یور ایدی . آوجینک بری گورونجه
تعجب ایتدی . او ذات ده بونی حس ایدهرک آوجییه : « او
الکده کی نه در ؟ » دییه سؤال ایتدی . آوجی : « یایدر » جوابی
ویرنجه عالم : « نیچون دائماً یایی قورولی بولوندورمازسک ؟ » دییه
صوردی . آوجی ده جواباً : « دائماً قورولو قالیرسه قوۂ آزالیر ؛
لازم اولدیغی وقت ایشه یاراماز . یاراسه بیله درجه مطلوبه ده
اولماز » دیدی . بونک اوزرینه عالم : « او یله ایسه بزم فکرمنک ده
» بعض کبره آرامه محتاج بولوندیغنه تعجب ایتمه ! بزده فکرمنک
» یایی دائماً قورولو طوته جق اولورسه قوۂ آزالیر . قوۂ لیجه بر
» ایش ایله اشتغال ایتک ایسته دیگمز وقت تاب آور مقاومت او -
لهماز » دیدی .

علی الدوام تحصیل ایله مشغول اولمقده انسانه مضر در ؛ زیرا
فکر دخی وجودگی فاریمغه مستعد در . واقعاً تحصیل ، حد اعتدالده

اولور ایسه فکرک غداسیدر؛ لکن غدای مادینک چوغی معدیه
افساد ایتدیگی گبی بونک ده حددن آشیرسی، فکری بوزار، ذهنی
یورار. بونک ایچون عاقل اولان آدم، تحصیل علم خصوصنی
مزاجنه، تحمینه گوره بر نظام و انتظام آلتنه آلمایدیر. او یله
اوچ سنهده آنجق تحصیل اولونه بیله جک بر شیئی اوچ آیده تحصیل
ایتمک قالدیشیر ایسه عمر عزیزنی تنقیص ایتمش اوله جغی شبهه سزدر.
بو یولده تحصیل علم ایتمه نك، ضرردن باشقه بر فائده سی یوقدر.

مشهور یاقال، اون آلتی یاشنده اولدینی حالده علم هندسه یه
متعلق او یله گوزل بر مقاله قلمه آلدی، که بتون مهندس لر تحسین
و تعجب ایتدیلر؛ لکن اون سکز یاشنه بالغ اولدقن صوکره
دوچار ضعف اولدی. دایما نامزاجلقه امرار ایام و بو حال ایله
ینه درین علملری تحصیله دوام ایدر ایدی. نهایت اوتوز طقوز
یاشنده اولدینی حالده وفات ایله دی. عمرینک صوگ سینه لرنده
فکرینه ده ضعف طاری اولمشدی.

لغات تاریخیه مؤلفی مورهری نام ذاتک دخی تبغات علمیّه سی
حددن آشیری ایدی. بو سببله اوتوز سکز یاشنده اولدینی حالده
وفات ایله دی.

حددن آشیری مشغولیت، نه قدر تهلکه لی ایسه عطالت ده آندن
زیاده تهلکه لیدر. عطالت، پاس گبیدر. دایما استعمال ایدیلمه یین
آلتلر، پاسلانیر.

عطالت، مفطور اولدیغمز خصائص و خصائل مدوحه مزی

بوزار. بطالت، قلمزده طبعاً مرکوز اولان فضیلت فیلیز لری
قیرار. اراضی خالیه، دائماً خار و خاشاکدن باشقه بر شی
حصوله گتیره مه دیگی گبی عطالت ده، فکر من اراضی سنده مضر،
فائده سز شیلر حاصل ایدر.

حاتم طائی: عالمده کندکدن زیاده عالی همت گوردگمی؟ یاخود
«ایشیتدگمی» دییه سؤال ایتدیلر. جوابنده: «برگون قرق ده وه
«قربان ایش و امرای عربله صحرائک بر طرفنه گزمگه گیتش
«ایدم. گوردم، که بر آدم بر آرقه یوکی چالی طویلامش. نیچون
«حاتمک مسافر لکنه گیتمه یورسک؟ بر طاقم خلق آنک ضیافته
«طویلامش در. «دیدگمده شو بیتی سویله دی.»

«کندی کبیله تدارک ایلین اقواتی»

«حاتمک احسانه ایتز جهانده التفات.»

«حق ویردم؛ زیرا بن، او آدمی همت و سخاوتده کندمدن اعلا
«گوردم» دیدی.

بوش طوران آدم، فنالق دوشونمک و اکثریا دوشوندیگی
فنالغی اجرا ایتمک تهله که سنده بولونور. بعض کره عطالت، انسانک
سنه لرجه چالیشهرق ایدینمش اولدینغی بر فضیلتی، بر ساعت ظرفنده
محو ایدر.

درویشانندن بری برگون شیخی نزدینه گلیر: «محنت دنیا
«بگا اغوا ویریور؛ نفسی شدیداً تضدیق ایلهور. نه یامق
«لازم گلیر؟» دییه سؤال ایلر؛ استمداد ایستر.

شیخ ده، شجیعانه مقاومت ایتمگه کندیسینی تشویق و برده بر مشغولیت بولوب بر دوزییه آنکله مشغول اولماسینی امر ایدر .
برقاج آی صوگره شیخ مومالیه، درویشه تصادف ایدر : « ناصل؟
» ینه محنت دنیا سنی اغوا ایدیورمی ؟ « دینه سؤال ایدینجه :
» مشغولیتدن نفس آلهمایورم ؛ اغوایه دوشه جک وقت می
» قالیور ؟ « جوابی ویرمشد .

» نفسک سنی اشغال ایتزدن اول سن نفسکی اشغال ایت ! «
دیمک اولان « اشغال نفسک قبل ان تشغلك . » کلامی دخی خصلت
مذمومه دن اولان عطالتدن انسانه پک چوق مضرت ترتب
ایده جگنی گوسته ریر .

مشاغل معتدله نك بزه باشقه بر فائده سی ده واردر ، که اوده
سعادت مزك خصم خانگیسی بولونان اوصانجدن بزی محافظه ایتمه
سیدر . عالمده اوصانج، عطالتدن نشأت ایده گمشدر . دائماً کمال
اشتیاق ایله رفیق لر ، اگنجه لر آرامقده اولدیغمزك سبی، عطالتدن
نشأت ایدن اوصانج مزی دفع ایتک ایچون دگیدر ؟

حال بو که مشغولیتی سون آدم، کندی کندینه کلال و ملالنی
دفع ایده بیلیر . عاقل اولان آدم، هیچ بوش طورماز . کندینه
دائماً مناسب بر مشغولیت بولور . اوقات تعطیلیته سنی بیله هم
اگنجه لی ، همده استفاده لی شیلرله امرار ایدر . نه ایش اولور ایسه
اولسون — ولو که براز اعتباردن ساقط بر خدمت بولونسون —

تَنَزَّل ایدر . بو مشغولیت، نه قدر دون مرتبهده اولسهینه
بوش طورمقدن ای اولدیغنی بیلیر . مشاغلِ خادمانه و خدماتِ
مملوکانهیه گیرمکدن دخی اصلا عار ایتمز .

کبار اولیاء اللهدن ابو الخیر حضرتلری صاغ الی مقطوع اولد-
یعنی حالده زنبیل اورهرک اسباب تعییشنی تدارک ایدردی .

«بوش طورمقدن بوشنه چالیشیق اولادر .» دینلدیگی گبی
«چالیشیق، اڤ خیرلی سرمایهدر» دینیلشدر . یینه آتار سوزی
اوله رق: «صنعت، انسانک خزینه میدر» قوئی دخی بونی مؤیددر .
حضرت مولانا (قدس سره) مشنوی شریفده :

دوست دارد دوست این آشتگی

کوشش بیهوده به از خفتگی

بیورمشدر . مأل بیت : «بویله چالیشقانلغی جناب حق سَور .
» بوشنه چالیشیق، یاتوب او یومقدن اولادر . « دیمک اولور .
کبار اولیاء اللهدن ابو الخیر حضرتلری بیورمشلرکه :
«قلبرک خالصی، آنده هیچ خلُق سیئی اولمایندر . عمرک اعلاسی،
» آنده مخلوق فکری بولونمایان ، نعمتک اییسی، جهد و سعی
» ایله حاصل اولاندر . «

چالیشقان آدم، بعضاً بر مقدار استراحت ایتک ایستر ؛ لکن
بوش طورمقدن خوشلاندیغی ایچون دگل ، آنجق گورمه جک
ایشلرینی صیره سنه قویق ایچوندر .

اویقو

اویقو، جسم انسانه اڭ لازم ، اڭ فائده لی شیلردن اولدینی حالده لزومندن زیاده سی مضر اوله بیلیر . دائماً و هان هر شیده کوتولک، ایسلگه قریندر . شویله که : بر چوق شیلر حدینی تجاوز ایدرسه فنالق عارض اولور .

اویقو، جناب حَقْ انسانه بخش ایله دیگی مواهب لطیفه و لذیذدن بریدر . بعض خسته لقلرک اوڭنی آلیر ؛ بدنی تقویه ایدر ؛ مشغولیتدن عارض اولان ثقلتی تخفیف و رفع ایلر .

اویقونک طاتلی ، راحت بخش اولماسنی آرزو ایدرسه ک بوبابده دخی عقل و حکمت و طبیعته اتباع ایتیمگه چالیشمالیسک .

گوندوز اویویوب ده گیمه اویانیق طور مق، مغایر طبیعتدر . سائرلرینک اویودقلى وقت اویانیق طور منی، کنسیدیکه فائده صایمه ! بوندن قطع نظر گیمه اوزون مدت اویانیق طور وبده گوندوز اویومق ، صباحلین پک ارکن ویا گیمه وقتى قالمق دخی مضر صحت وعافیتدر .

اویقونک وقتنی تخصیص ایدن حکمت، آنک مدت امتدادینی ده تعیین ایدر . علی السویه گرک گنجلره ، گرک اختیارلره یدی ساعت اویقو کافی اولدینی حقنده اکثر اطبا متفقدر . اویقونک کثرتی، وجوده رخاوت، ذهنه غباوت ایراث ایدر . بونک ایچون

یاتاقدن گچ قالقمغنی اعتیاد ایدن آدملر، عافیتلرینی محافظه ایده جک
برده اخلال ایتیش اولورلر .

صباحك هواسی، هر وقتدن زیاده صحت بخش و صافدر .
باخصوص کویلك محملرده ؛ آنی هر کیم تنفس ایدر ایسه کسب
قوت و صحت ایدر . صباحك سریندگی، قانی سرینشدیریر ؛
انسانك روحنه صفا ویریر . طامارلرینه حیات تازه بخش ایدر ؛
لکن نازك بر یاتاغك صیقلغنی و اوطهده اوزون مدت حبس
اولونان هواء انسانك صحتنی اخلال ایلر .

اویقو ایچون علی السویه ارکن یاتوب ارکن قالقمق، قواعد
کلیه صحتیه دندر . بو خصوص، انسانك هم صحتنی ، همده ثروتنی
محافظهیه بر مدار کئیدر ؛ زیرا اوزون مدت اویومهك یالکز
روحه و جسمه دگل ، امر اداره و اعاشیه دخی مضرت عظیمهسی
واردر .

مشغولیت، موجب ثروت اولدینی گبی خواب غفلت و عطالتده
مورث ضرورتدر . علی العموم دائماً ایلك، اییالگی ، فنالقدده
فنالغی دعوت ایلهدیگی مسئدر .

حکمت سلیمانده شو کلام حکمت اعلامی مسطوردر : « اویقو-
» بی سومه ، که دوچار فقر و ضرورت اولمایهك ! بیدار اول،
» که فیض و برکت بولهك ! چوق اویورسهك قالقدیغك وقت
» رده باقارسك که فقر، بر ساعی سریع الحركه گبی گمش چاتمش ؛

« بردشمن مسلح مثللو قارشیکه چیقمش ؛ لیکن غیرتلی و بیدار
 « اولور ایسه ک محصولاتک بول اولور . فقر و احتیاج ده سندن
 « اوزاق طورور . »

معتدل بر استراحت ، منتظم بر اویقو ، صحتک اسباب کلیه .
 سندندر . وقتيله و لزومی قدر اویویان ، روحی شهوت شدید
 ایله بی حضور اتمهین ، اوزون مدت مشغولیت فوق العاده ایله
 وجودینی دوچار ضعف و فتور ایله مهین آدم ، یا تنجه همان اویور .
 اویقوسی درین اولور . طبیعت ، برخواب معتدل ایله اکتفا ایدر .
 وجود دخی یکیدن کسب قوت ایدینجه اویانیر . اکثریا اصناف
 طاقی ایله کویلورده گورولدیگی گبی کمال صحت و فرط نشاط
 اوزره قالقوب ایشیله مشغول اولور . آوی فیض و برکت ایله
 طولو بولونور . حال بوکه مبتلای عطالت و ذوق و سفاهت اولان
 آدملرک اویقوسی ، علی العموم بر انتظام تحتنده دگلدر . یاته جقلری ،
 قالقه جقلری وقتی تعیین ایدن ، اصول مطرده اولمایوب آنجق
 ذوق و سفاهتلیدر . گاهی وقتسنز اویقولری باصار ؛ گاهی کندیلمی
 اویقویه منتظر اولورلر . اویقو ایسه گوزلرندن اوچار . نه قدر
 اویومق ایسته سهر او قدر کندیلمرندن اوزاق قاچار . وجودلری
 دوچار ضعف اولور .

مجتهدین کرامدن امام احمد به منیل (رحمة الله علیه) حضر .
 تلی : « بعد العصر اویقو اویومنی ، هر وجه ایله کریه گورورم ؛
 « چونکه ضیاع عقلدن خوف ایله رم . » بیورورلر ایدی .

بعض آدملر واردر، که کلّ یوم عیش و عشرت و ذوق و سفاهت بلیه سینه مبتلا درلر. بونلر، هم کندیلرینک، همده خلقک خواب و راحتلرینی سلب و هرکسک نفرت و عداوتی جلب ایدرلر. هرگون یییوب ایچمکدن، گزوب توزمقدن بیزار اولدقلری حالد اویومق اوزره یاتاغه دوشرلر؛ لکن ثقلتِ معدّه و حرارتِ وجود؛ کندیلرینی تعجیز و تضییق ایدر؛ راحت اویقو اویویه ماز. جزئی اویوسه لر بیلّه اوده طاسمز، راحتسز بر اویقو. در. عجائب رؤیالره طولودر. نهایت بویله بر رؤیادن متأثراً او. یانیر؛ باقارلر که وجودلری کسبِ قوّت ایده جک یرده دوچار ضعف اولمش. اویقو، انسانک وجودینی تقویه، قانی تصفیّه ایلّه کندیسینه بر حیاتِ تازه بخش ایده جک یرده قانی غلیانه، قابی هیجانه گله رک انسانک صحّتی بوزولور؛ وجودی اوزولور؛ نهایت مجویی موجب اولور.

ایشته بورالرینی ادراک و ملاحظه ایدن آدملر، عزیز عمرلرینی سَوَن کوچکلر، وقتیلّه یاتوب قالمالی؛ حدّ اعتدال اوزره یییوب ایچمه لی و هر خصوصده کمال اعتدال اوزره امرار ایام ایتمه چالیشمالیدر.

بیک

عیش و عشرتدن، آفشام صباح یییوب ایچمکدن باشقه برشی دوشونمه یین آدملرگی اولما! کویا بونلر، یالکز یییوب ایچمک



و گزوب توزمق ایچون طوغمشلردر. انسان، ییک ایچون یاشا-
مایوب یاشامق ایچون یمه لیدر.

نفیس طعاملری سَو! لکن نفسکدن زیاده باشقه لری ایچون سَو!
نفیس طعاملره، مغدی طعاملری ترجیح ایت! نفیس طعاملردن ده
مغدی یمکلری انتخاب ایله! لکن شکمپرورده اولما! نفائس طعامه
اشتهاک غالب اولسه بيله دائماً و باخصوص باشقه لریله همبزم اولدیغک
زمان آکا غلبه ایتمگه چالیش! مثلاً: «شو ویا بو طعام نفیسدر؛
شو ویا بو طعامی چوق سوه رم.» گبی سوزلر سویله مه! بر مقدار
دها یمگه اشتهاک باقی اولدیغی حالده یمکدن گری چکیل!

عصر سعادت حضرت پیغمبریده بولونان اطباءدن مکّه مکرّمه ده
اجرای طبابت ایدن هارت به کلمه دن: «دوای احسن نه در؟»
دیهه سؤال اولونمش: «آجلغه ملازمت در» دیمش. «علّت نه در؟»
دیهه سورولدقده: «آجیقمقسزین طعام اوستنه طعام ایتمکدر.»
جوابی ویرمش.

حددن آشیری ییبوب ایچمکدن زیاده انسانک صحتنی اخلال
ایدن شی یوقدر. اوبورلق، هر شیدن زیاده مخلّ صحتدر.
پرنسسک بری غایت اوبور ایدی. ذائقه سنه موافق گلن
طعاملری پک چوق بیر ایدی. برگون کندیسنه: «بو حال ایله
عمریکئی قیصا لیرسک.» دیدکلرنده بر تبسم ایدهرک: «قیصه،
فقط ذوق آور!» جوابی ویردی. فی الحقیقه گنج چاغلرنده
ترک حیات ایله دی.



او قدر محاربه‌لره ، او قدر مشقتلره قارشی تاب آور اولان اسکندر کبیر، عشرته مبتلا وهر نوع ذوقیات و حظوظاته تابع ایدی . بو سببدن چوق معمر اوله‌مادی ؛ اوتوز ایکی یاشنده اولدینی حالدہ وفات ایتشدیر .

اوبورلق، انسانی (حیواندن آشاغی دیمه‌یلم) بهائم دَرَک‌سنه تنزیل ایدر . حیوانلر، دائماً حوایج ضروری‌لری ایله اکتفا ایدرلر . اسقوییا قرالی اون ایکنجی مارل، ریاضت بدله مألوف اولدینی گبی ریاضت طعام خصوصنده دخی دقتلی ایدی . بر مقدار معتدل طعام ایتدکدن سوگره آتته بینهرک اوزون مدت کشت وگذار ایدر ایدی .

انهای محاربه‌ده گجه‌لری قوری یره سریش بر صامان یاتاغنده باشی آحیق اولدینی ، اوزرنده بر پالطودن باشقه بر شی اولمادینی حالدہ یاتار ، اویوردی . بووجه ایله وجودی اوقدر قوت بولدی ، که حددن آشیری خدمت‌لر و زحمتلر بیله کنیدیسنی یکه‌مز ایدی . هر نوع محنت و مشقته مقاومت ایلردی .

حکمای مشهوره‌دن مرحوم معری : « شکمه اسیر اولانلر، ایکی جهتله اویومازلر . بری : زیاده یمیکدن ، بری‌ده آجلقدن » دیمش . حال سادگیده بولونان بر اصناف ، بر چیقچی ایله بر نفائسپرستک صحت و عافیت و طبع و مزاجلری آراسنده گورولن فرق عظیم نه‌دندر ؟ طرز تعیشلری اقتضاسندن دگلمی ؟ اولکیلرک یدیبوب

ایچدیگی و گیوب قوشاندیغی شیلرک عادیلگی ، بریکیلرک ایسه طبیعتہ مغایر حال و حرکتلریدر . بونہ غیر منکردر .

بر طاعتک سفره لری انواع اطعمه نفیسه ، خیر ایشلری و انواع مسکرات و مشروبات ایله طولودر . بونلرک نظر ربا و جالب اشتها منظره لری ، اکثریا انسانی حدندن زیاده ییوب ایچمگه ترغیب و تشویق ایدر . بوجه ایله معدیه عارض اولان ثقلت ، هضمی تصعب و بدنک بالجله عملیاتنی تقلیب ایلر . بوندن قطع نظر هنوز ییدکلرینی هضم ایتمهدن ینه طعام وقتی گلیر . آجلق طویمهدن ینه سفره یه اوطورورلر . احضار اولونان انواع طعاملرک گوزل گوزل قوقولری ، رنگلری ، نعلری ، چاشنیلری ، کندیلرینی یمگه دعوت ایدرلر .

« اشتها من یوق » دیرلر . بعض شیلرله گویا اشتها لرینی آچارلر . « باری یالکز شوندن ، هیچ اولمازسه بوندن اولسون ییبهلم » دیرکن آز چوق هپسندندده ییبه رک ینه معدہ لرینی طولودورورلر . ینه ثقلت طویارلر . حال بوکه ینه متنبه اولمازلر . بوجه ایله معدہ فسادینه و یا سائر برگونه خسته لغه دوچار اولماسلر بیلہ بتون عمرلرینی خسته گی گچیریرلر . حیاتلری نقصان بولور . وجود لری دائمی انحرافه دوچار اولور .

خليفة ان حضرت پناہری حضرت عمر (رضی اللہ عنہ) :
« نفسکزی امتزای طعامدن صاقینکز ! زیرا امتلای طعام ، جسمی

«سقیم و خراب ایدیچی، مرض ایراث ایلہ یچی، ادای فریضہ
«عبودیتدہ کسل و یریحی و علمتہ دوشوریچی بر شیرد. بو بابدہ
«معتدلانہ حرکت ایتک واجبد؛ چونکہ اعتدال حرکت، جسدی
«اصلاح ایدیچی بر خصلتِ مدوحہ در» بیورمشارد در.

ریاضتِ طعام ایسہ بالعکس وجودہ تقویت ویریر. صحتی محال.
فظہ ایدر؛ بناءً علیہ انسان راحت یاشار.

ملوکِ ایرانہ دن برینک نزدینہ بر طبیب گوندہ ریلش ایدی.
طبیب، سرایہ داخل اولونجه اولّا سراي خلقنہ: «نه قدر و نه
وقت یمک یدیورسکنز؟» دیہ سؤال ایلہ دی. آنلردہ: «قارنمز
«آجیق دینی وقت یریز، هنوز طویمہ دن سفرہ دن قالقارز.»
جوابی ویردکارندہ: «اولہ ایسہ بنم بورادہ ایشم یوق!» دیہ رک
ہمان آغانی توزیلہ عودت ایتشد در.

شیخ مہدی مرحوم: «یمکدہ، ایچمکدہ حکیمانہ طاورانمایانک
«دشمنی، قارنیدر» دیمش.

الحاصل: ریاضتِ طعام، صحتی تولید و حیاتی تمدید ایدر.
حکمای قدیمہ دن کتابِ حکمت صاحبی دیرکہ: «سفاهتله نیجه
«آدملر اولدیلر. اربابِ ریاضت ایسہ عمرلرینی تطویل ایتدیلر.»
منہرہ حکماسندن بری دیرکہ: «ریاضت ایلہ مشغولیت، انسانک
«برر طبیب حاذق لیدر. مشغولیت، اشتہائی تشویق ایدر؛ ریا-
«ضتدہ آنی تعدیل ایلر.»




اوبورک بری خسته لاندی؛ برقاچ طبیب جلب ایله دی. بونلر،
ترتیب ادویّه و تدایوی خصوصنده اتفاق ایده مه دیلر. نهایت
طبیبلری باشندن صاودی؛ او وقته قدر یمیکده اولدینی نفیس
طعاملری ده سفره سندن رفع ایله ریاضته باشلادی. شفایاب اولدقن
باشقه وجودی اولکنندن زیاده کسب قوّت و صحت بولدی.

مشهور ایه مینا: «اؤله ییدیگکیزی هضم ایتمکسزین طعام
ایتمکدن اجتناب ایدیگز!» دیمشدر.

اشتهای تحریک ایدن بهاراتک اعلاسی، ینه اشتهانک کندیسی
اولدیغنه اطّاجه چوقدن قناعت حاصل اولمش و بونک اکتسابی،
ریاضته، مشغولیته متوقف اولدینی آکلاشیلشدر.

حکمدان بری: «اشتهالی بر آقشام طعامی ایتک ایچون خفیف
» برگوندوز طعامی ایتلی. «دیمش.

حکمای قدیمه دن مشهور مقرّاط ریاضتِ طعام ایله ریاضتِ بدنی
برلکده اجرا ایدردی. هرگون آقشامه قدر آیاقدّه طورور،
گزینیر ایدی. برگون سببی سؤال اولوندقده: «اشتهالی بر
» آقشام طعامنه حاضر لانیورم؛ زیرا اشتها، هر نوع بهاراتدن
اعلا در. «جوابی ویردی.



ریاضتِ بدنیّه

ریاضتِ طعامدن سوگره ریاضتِ بدنیّه دخی محافظهٔ صحتِ وجوده الزم اولان و سائطك باشلیجه لرندن بریدر؛ زیرا بدن، اوزون مدت حرکتسز قالیر ایسه هضمِ طعام، جریانِ دم و بالجمله عملیاتِ بدنیّه، مشکلاته دوچار اولور؛ بعض علل و امراضك وقوعنه سببیت ویریر. بونك ایچون قاعداً برکار و عملده بولونان آدملرده اکثراً بر اثر رخاوت، بر گوشكلك گورولور؛ زیرا بو حال، انسانك اخلاطِ رطبیّه سنی تکشیف ایدر. معدّه یی گوشه دیر. بتون وجوده بر رکاکت استیلا ایلر. بدنك بالجمله عملیاتِ داخلیّه سنی مشکلاته دوشورور.

حرکت و مشغولیت ایسه بالعکس طراوت و رطوبتنی محافظه ایلر. دائماً روحه بر حیاتِ تازه بخش ایدر. بو وجه ایله وجوده، هر نوع امراضدن سالم قالیر. بونکله برابر انشراحِ قلب دخی الزمدر. الحاصل: حرکت و ریاضتِ بدن، انبساطِ روح گبی خسته لغك اوکنی آله حق بر شی یوقدر.

لریخجه نام ایالتیالی بر طیب، طقسان یاشنه بالغ اولدینی حالده

قوّۃ حافظہ سنی ، قوّۃ بدنی ، صحت وجودی ، الحاصل : بالجماعہ
حواس داخلّیہ و خارجّیہ سنی کمالیہ محافظہ ایلہ مش ایدی . بونک
سببی سؤال ایدنلرہ شو جوابی ویریدی .

« قوّۃ حافظہ و مفکرہ مک سبب محافظہ سنی ، معصومیت اطوا -
« رمدر . صحت وجود مک حکمت حفظی ایسہ ریاضت بدن و فرح
« قلب اولشدر . »

ریاضت بدنیہ ، قوّۃ غریزہ نی و قوّۃ طبیعیہ نی تقویہ ایدر .
قوای سائرۃ بدنیہ نی تزید ایلر . وجوددن فضلات ردیہ نی رد و
دفعہ مدار کلی اولور . هضم فعلانہ منافع عیدہ نی انتاج ایدر .
فرح فکر ، فرح قلب ، فرح قلب دہ صفوت وجدانہ متوقفدر .
بونلرک مجموعی ، مسرتی ، مسرت دہ صحتی تولید ایدر .



استقامت

استقامت، سوزنده، ایشنده طوغری اولق، کیمه بی آلماتق
 سوداسنده بولونماقدیر. بو صفت، انسانده باشلیجه بر خصلت
 مددوچه در، که هر کسه الزمدر. هر اییلک، بونک تحمتنده
 مستر در. هر آدم، ابنای جنسندن بو صفی بکلر؛ زیرا تجارت
 و بتون معاملات ناس، استقامتله قائمدر.

«کتب عربیه نك برنده: «طوغریلق، دینک دیرگی، ادبک
 «رکنی، مروّتک اصلیدر. شو اوچ شی بهمه حال طوغریلق ایله
 «اتمام اولور. سوزك اییسی، صادق اولانك سوزیدر. طوغریلقله
 «اولمك، بالانجیلقله یاشامقدن خیرلیدر.»

استقامت، اساساً قیاس نفس قاعده سی اوزرینه مؤسسدر.
 قیاس نفسك مبدئی ایسه وجداندر.

انسان کامل اولق ایسته یین آدم، کندیسنده بو صفی اثبات
 ایتمگه بورجلودر. بون، باشلیجه بر وظیفه در، که انسانلرك یکدیگردن
 طلب ایتمگه حقاری واردر. هر کیم بونی وظیفه ایدینه یوب ده اوته کینی
 بریکینی آلماتغه قالقیشیر ایسه همجنس نك برحق صریحی غصب
 ایتمش دیمك اولور. بالاخره کندیسینی ده متضرر اولوب جزای

سزاسنی بولور. بووظیفه یی بئلمک وکمالله اجرا ایتک اقتصا ایدر.
کتب مقدسه ده: « انسانلرک سزه قارشى نه وجه ايله معامله
« ائمه لرینی ایسترسه کز سزده آنلره قارشى عینی وجه ايله معامله
« ایدیکنز! » بیور یلمشدر.

بو قاعده، عدالت طبیعیه نك بر اساسیدر. هم او قدر موافق
طبیعتدر، که هر کسک روحنده، قلم قدرته یاز یلمش اک ساده دل
اولانلرک بيله فهم وادراکنه مقتدر اوله بيله جکلری قدر آپ
آچیق بر حقیقتدر.

باشقه لرینک، سنی آلماتق، متضرر ایتک، حقکده بر گونا
غدری تجویز ايله مک گبی ایشلرده بولونقلرینی ایسته مه دیگک حالد
بونلری سن ناصل باشقه لرینه قارشى اجرا ایتک ایسترسک؟
ولیه لردن بصره لی عفیره العابد نك، اللهک قورقوسندن گجه
گوندوز آغلايه آغلايه گوزلری اعمی اولمشیدی. بر گون بریسی
کندیسنه: « بو گوزسزلك ده نه مشکل شیدر؟ » دیر. مومالیهاد
جوابنده: « آه! او برشی دگلدر؛ حق و حقیقتی گورمه مک،
« اوامر الهیه دن مقصد نه اولدیغنی آکلایوب گوکل و فکر
« اعماسی اولق دها مشکلدیر. » دیمشدر.

بوکلام حکمت بیانیله ظاهرده گوزسز ایسه ده باطنده حق
و حقیقتی بیایر اولدیغنی ایما و اشراب ايله مشدر.

نجه آدملر واردر، که حد ذاتنده فنا اولدقلری حالد ای
گورونمک ایستلر. بونلرک، ای و ساده دل بر آدمله برایشلری،

بر معامله‌ری واقع اولونجه آنکله عقدِ مقاوله ایدرلر . اوساده دل آدمده هر کسی کندی قلبی گبی بیلدیگی ، کندیسکی کیمسه یه حیلله ایتمگی بیلهدیگی جهته سائرلرینک کندیسنه ایده بیله جکلری حیلهدن نفسنی وقایه ایتمگی خاطرینه بیله گتیرمز . اوته کی ایسه بونک شو حالندن بالاستفاده مقاوله یه یالکیز کندی منافعه خادم بر بند صوقوشدورور ؛ آنکله او ساده دل آدمی اضرار ایدر .

بر دیگری ، مخاطبندن زیاده ماهر و مستعد اولور . اوته کینک او قدر مهارتی بولونما سندن بالاستفاده آنکله یالکیز کندیسینک مستفید اوله جنی بر معامله ده بولونور . بر باشقه سی ، مرامنی اله گتیرمک ایچون قارشیسینده کی آدمی بر طاقم واهی وعدرله آلدایر . بر دیگری ده برینه دوستلق صورتی گوسته ره رک آنک : یا مالنه ، یا خود عرضه تجاوز سودا سنده بولونور .

استقامته مغایر اولان بو حالره قارشنی ، استقامت ، صداقت و حقیقتک گوزل گوزل مثاللرینی ده ایراد ایده لم ، که ای و کامل آدم اولمق ایسته ینلر ، او گوزل حال و صفتلره غبطه ایده رک طریق سعادت ، رفیق استقامته سالک اولسونلر .

عمر الفاروق (رضی الله عنه) بر گنجه مدینه منوره ده طولاشمقده ایکن قادینک بری قیزینه سوده بر از صو قاتماسنی امر و تنبییه ایتمکده اولدیغنی ایشیدیر . قیزده : «سوده صو قاتمق حیلهدر ؛ «حیلله گناه شیدر . امیر المؤمنین حضرت علی ، او یله شیلردن بزی

« منع بیورمشدر . » دیر . آناسی ده جواباً : « امیر المؤمنینک
 « آوده کی ایشدن نه خبری اوله جق ؟ سن دیدیگمی یاپ ! » دیه
 تکرار ایدنجه قیز : « ظاهرده امیر المؤمنینه اطاعت گوسته روبده
 « تنهاده عصیانمی ایده جگیز ؟ » دیه والدہ سنک کلامنی اصغا ایتمز .
 خلیفه مشار الیه قیزک بواسقامتنی قولایغله ایشیتمکله غایت ممنون
 و محظوظ اولور . قیز جغزی مخدومنه تزویج بیورمشلردر .

آقاروره نام شاعر مشهور شاعر لکک، آدمه ثروتدن زیاده
 شهرت گتیرمکده اولدیغنه قناعت حاصل ایتمش ایدی . مالک
 اولدینی بر ایکی پارچه املاکدن برینی صاتمغه مجبور اولدی ؛ لیکن
 قیمت حقیقیه سنی بیلیمه یرک نوبله نامنده برینه آلتی بیگ ایسقوط [۰]
 بدل ایله فروخت ایله دی . بوندن طولای پکده ممنون اولدی .
 فروخت اولونان بو ملک، اوزاق بر محله ایدی . نوبله دخی
 گورمه دن آلمش اولدیغندن برگون آلدینی ملکی گورمگه گیتدی .
 گورونجه چوق ممنون اولدی . عودتنده آقاروره ی بولدی :
 « بگا صاتیغک ملک، آلتی بیگ ایسقوط آنجق ایدر ظن ایتمشک ؛
 فقط آلدانمشک . بن آنک قیمتنی سکز بیگ ایسقوط تخمین
 ایتدم . » دیه یرک بیگ ایسقوط دها ویردی ، و بر چوق ابرام
 ایله قبول ایتدیردی .

نیجه آدمیر واردر، که بو نوبله نیک یرنده اولمش اولسه ایدیلر هیچ

[۰] ایسقوط، مسکوکات عتیقه دندر ؛ بر ایسقوط، اوچ فرائق
 قیمتنده در . فرانسه سی « تله کو » در .

سسلرینی چیقارمازلردی؛ بویله بر آلیش ویریشدن طولای منوناً
یرلرنده اوطوزورلردی. بوبابده وجدانلرینی ده تسکین ایتمک ایچون
بیك دورلو سبب بولوب کندی کندیلرینه حق ویریرلر ایدی.

بر محاربه ده مشهور جنرال توریهك عسکری ایله جوارده
بولونان بی طرف بر شهردن گجه جگی، شهر مذکور اها لیسنجیه
ملحوظ ایدی. باشقه بر طرفدن گچمه سی ایچون رجاجی گوندر-
دیله؛ برده یوز بیك اسقورط هدیه ارسال ایتدیله. قوماندان،
رجاجیلره جواباً: «بنم فکرم ذاتاً اورادن گچمک دگل ایدی.»
دییه رك مبلغ مذکوری رد واعاده ایله دی.

حضرت علی: «حق صاحبی اولان اك ضعیفكز، حقنی
» آنجهیه قدر عندمده قویدر. حقسنز اولان اك قویكز، حقنی
» ویرنجهیه قدر نزدنده ضعیفدر. «نیورمشلردر.

طوغری آدم اولمنی، «طوغری آدمدر.» دیدیرمگی، کندیکه
شان بیل! هر نوع اغفالادن صاقین! زیرا اکثریاً سائرلرینی
اغفال ایدوب دوشورمک اوزره طوزاق قوران آدم، قوردینی
طوزاغه ایلك دفعه کندیسسی دوشر.

شیخ ابراهیم بهر ادهم حضرتلری بر گون بخارانك بوستانلرینه
اوغرار. اورادن آقان ایرماقدن آبدست آلیرکن بر عدد المایوقاریدن
آشاغی گلیویرر. «آدم نه ضرری وار! شو المانی آلهیمی ویرهیم!»
دیر. همان آلوب یرر. آبدست آلدقن صوگره نادم اولور. استحلال

ایچون گیدوب بوستانك قایدینی چالار . ایچریدن برخاتون چیقار .
 حضرت شیخ، خاتونه دیرکه : « شو ایرماقدن آبدست آلیر ایکن
 » بر الما بولدم ، ییدم . بوده سزك بوستاندن اولدیغنه شبهه یوقدر .
 « گل شو المایی بگا حلال ایت ! » . خاتون جواباً دیرکه : « ایی اما
 » بوستان یالکیز بنم دگلدر ؛ یاریسی سلطاننگدر . هایدی بنم حصمه
 » اصابت ایدن یاریسی حلال ایتدم . سلطان شمدی « بلخ » مملکتنده .
 « در . یاریسینده حلال ایتدیرمك ایستر ایسهك اورایه گیتمه لیسك ! »
 حضرت شیخ طوغری ، باقه قدر گیتدی ؛ سلطانی بولدی ؛ حلاللق
 طلب ایتدی . سلطان ممنون اولوب حلال ایتدی . بر چوق ده
 احسان ایله دی .

عاقل ، فاضل ، کامل اولان آدم ، هر نوع کذبیات ، اغفالات
 شائبه سیله لکه دار اولمقدن اجتناب ایدر . کذب ایله نامنی لکه دار
 ایدرک بیوک بیوک منفعتلر الده ایتمکدن ایسه ضرورت ایچنده
 قالمغی ترجیح ایلرده اولیه شیلری ارتکاب ایتمز .

برنسلردن بری بر محاربه بحر یته ده مغلوباً دوچار قید اسارت
 اولمش ایدی . کندیسینی صالیویرمك ایچون اون ایکی بیك فیلیوریه
 ایسترلر ایدی . او ائشاده هم گوزل ، هم ده زنگین غاملر نامنده
 مسینالی بر قیز ، بو حاله واقف اولدی . اگر کندیسيله ازدواجه
 تنزل ایدر ایسه مبلغ مطلوبی و یروب کندیسینی خلاص ایده جگنی
 بیان ایله دی . اوده در حال روی موافقت گوستردی . اووجه ایله

سندلشدیلر؛ لکن خلاص اولدقدن سوگره قیزک اصلتسرلگنی بهانه ایدهرک وعدنده خلف ایله عقد ازدواجدن رجوع ایلهدی. غامله، اقامه دعوی ایتدی. قیزک دعواسی استماع و مذکور سند لدی التّدقیق انجامز وعده حکم اولوندی. نهایت چارهسی قالمایوب بعض رفیقلریله برابر قیزک خانهسنه گیتدی. حقّنده واقع اولان بو اهاتی اونوتماسنی رجا و ازدواجه حاضر اولدیغنی بیان ایلهدی. غامله، جواباً: «طور! بن ذاتاً ترضیه می استحصال ایلدم. » ظن ایدرمیسک که شمدییه قدر بنم سنی رد ایتمهگه قلم تحمّل » ایده بیلیر ایدی؟ بن، قرال خاندانسه منسوب بر زوجه مالک » اولمق آرزوسنده اولدیغم جهتله سنی زوجیتّه دعوت ایتدم. » سن ایسه خلف وعد ایتدیگک دقیقهدن اعتباراً حسب و نسبکی » انکار ایتمش اولدک؛ بناءً علیه آرتق سنی زوجیتّه قبول ایده.م. » دعوایه قیام ایدیشم، محضاً سنی محجوب ایتک ایدی. او دقیقهدن » سوگره آرتق قبول ایتمهگه عهد ایتدم. آدیو! گیت! لکه دار » الکی باشقهسنه ویر! بن سنک وعد کندنده، ویردیگم مبلغندنده » واز گچدم! » دینجه پرنس، نظر بر زمین محجوبیت اوله رق عودت ایلهدی.

معاملات ناسده علی السّویه اويله ظن اولونمشدر، که بیع و شراء، طرفین رضاسیله حاصل اولور؛ یعنی: طرفین راضی اولدقدن سوگره بر شیئی هر قاچه ایستر ایسهک آلوب صاته بیلیرز؛ حتی

طرفینک جهالت و یا ضرورتندن استفاده اولونه بیلیر . حال بو که
 بو افکار، چوق فاسد و خطالیدر . بو، باشقه سنی آلداتمق ایسترکن
 کندی کندی آلداتمقدیر؛ زیرا بو حال، استقامته، عدالت
 و حقانیت، الحاصل : انسانک وجدانه و قیاس نفس قاعده سینه
 مغایر در .

حضرت فاروق : « عَفَّتْ وَعَصَمَتْ، فقرک، ایفای تشکر و نعمت،
 » زنگینک زینتیدر . « بیورمشدی .

بر شیئک اگر قیمت حقیقه سی باعجه و مشتریجه معلوم دگل ایسه
 بر بیلنه صورمق لازمدر . اگر معلوم ایسه آندن زیاده یه صاتمغه
 و یا اکسیگنه آلمغه چالیشمق حقسنزلقدر؛ آلداتمقدیر؛ حتی بایع،
 دفع ضرورت ایچون بیلهرک قیمتندن آشاغی ویرسه بیله آلمق
 جائز دگلدر . واقعا صاتیلامش قالمش اولان بر مال، بر متاع
 و یا خود آرتق سائر طالبلری بولونمایان بعض اشیاء، براز قیمت
 حقیقه سندن دون فیئات ایله آلینوب صاتیله بیلیر؛ لکن آله حق
 آدم، دائما سائر لرینک ضرورت و سفالتندن استفاده ایدیلمک،
 مغایر شان انسانیت اولدیغنی گوز اوکنه گتیرمه لی؛ بناء علیه
 قارشیسنده کینی غدردن وقایه و قیاس نفس قاعده سینه رعایت
 ایتمه لیدر؛ زیرا بو مثللی منفعتلری مرتکب اولان آدمک، سائر
 خصوصده دخی عدم استقامتنه حکم اولونور .

ای دوشونمک

هر خصوصده بر شیئی اطرافیه ملاحظه ایتمهگه : « ای دو - شونمک » دیرلر .

انسانده بو خاصه، بر لطف خداداددر، که بوکا مظهر اولان بختیارک ذهنی هر شیئی قولایجه ضبط ایدر . افکارینی کمال سهولتله یکدیگرینه تفهیم ایلر . دایما یکیدن یکنی یه فکرلر تولید ایدر . گوزل گوزل تصوّرات ابراز ایلر . الحاصل ! ظن ایدرسک، که هر شیئه یکنی بر صورت و تازه حیات ویریر .

بو قوّه مؤثره، بعض کره فیکرده اويله بر ظرافت حاصل ایدر، ذهنه اويله فیضان و کشایش گتیریر، که کمال سرعت و مهارتله افکارینی جمع و ترتیب ایدر؛ حتّی یکدیگرینه مبین گورونن افکار میانه لرنده طوغریدن طوغری یه بولونان مناسباتی کمال سرعت و سهولتله ایضاح و یکدیگرینه تألیف ایلر .

انسانک بوفکر موجودانه سنک بوثمره لطیفه سی، بر بصیرت کامله ایله برلشمش بولونورسه طبیعتده آرتق آندن بدیع، آندن لطیف برشی تصوّر اولونه ماز . نه فائده که بوا یکی گوزل خاصه، اکثریا بیرلشمز .



منصور عباسی، اولادلرینه : « سزه شو ایکی نصیحتی ویریرم :
« دوشونمەدن سوز سویله مه یگز ؛ تدبیرسز ایش گورمه یگز . »

ای دوشونن آدم، هر حال و حرکتسده هر خطوه سنی قاعده
بصیرت اوزره آتار. عقل و حکمتک تخطیط ایله دیگی مسالکی،
کندینه خط حرکت اتخاذايدر. بر عقده دشواره و بر مشکلات
طاقتفرسایه تصادف ایله سه عریض و عمیق دوشونور. بر شینک
عکسنی ده ملاحظه ایدر؛ محاکمه مصیبه ایله ارجح طرفنی بولور.
دلایل قویه و مقنعه سی اولماقجه بر شی حقه حکم ویرمز؛
بر قرار اتخاذايتمز. قارا کلکده یورویوب یولنی شاشیرمقدن و یا
یولدن گری قالمقدن ایسه آیدینلق اولدینی قدر گیدوب ایشینک
یتدیگی یرده طورمنی اولی گورور.

اهل بصیرت اولان آدم، هیچ بر کیسه حقه فنا دوشونمز.
گوردیگی، ایشیتدیگی شیلره دائماً ای معنی ویریر. بو ایسه دائماً
منفوری اولان کوتولگی تحسین ایتدیگی ایچون اولمایوب بر شینک
فناالغنه چابوق اینانمادیغندن و قولایجه حکم ایتک ایسته مه -
دیگندندر.

حضرت فاروق : « بر شینی عقلاً بولوب بیله مز سه م گور -
دیگمی ده بیله مم . » بیورمشلردر.

امر بصیرته رعایت ایدنلر، کندنجه ممکن اولدینی قدر بر شینه
ای معنی ویرمگه چالیشیر. یایدینی بر ایشی ممکن مرتبه تمیز
چیقارمغه غیرت ایلر. سائرلری حقه حکمده سوء فیکرده بولونمایوب



حسن ظنده بولونور . بو خصوصده آلدانمش اولسه بيله آلدانغی
ترجیح ایدر . باشقه لرینک دیوانه جه سنه تشبث ایتدکلی شیلری
گورمک ، کنیدیسی آنلردن عاقل بولوندیغنی ملاحظه ایدرک افتخار
ایتمز . سائرلرینی فائده سز ، نفسی فائده لی عدا ایتمز . باشقه لرینی خوار
و حقیر گورمز . کنیدیسی نه مرتبه ده ایسه آندن یوقاری طوماز .
باشقه لرینک فنالقلری جه تیلله آنلری تحقیر ایتمز . آنلردن ای اولما .
سندن طولای تمذح ایله مز . آنجق آنلرک فنا حاللاردن عبرت
آله رق کنیدیسی ده ای اولمغه ، ده ا زیاده اصلاح نفس ایتمگه ،
صبر و تحملنی و علم و تجربه سنی آرتیرمغه غیرت ایدر . کنیدیسی
سائرلرینک قصورارینی گوردیگی وقت کنیدیسنده دخی او یوله
بر قصور اولوب اولمادیغنی تفتیش ایلر .

نفسنده او یله بر قصور اثری بولور ایسه در حال اصلاحی چاره .
سنه باقار ؛ حتی باشقه لرینک فلا کتلرندن بيله حکیمانه صورته
استفاده ایدر . آنلرک اوغرادقلری زیاندن عبرت آلیر . آنلره
بکزه مه مگه سعی ایدر . الحاصل : آنلرک بالجمله احوال و افعالنندن
کنیدیسی متنبه اولور . دائماً کنیدیسنک خطایه دوشمکده اولان
عجزینی ملاحظه ایله سائرلرینک خطاسنی نظر عفو ایله گورمگه و یا
گندیلرینی بر صورته معذور طومغه نفسی آیشدیریر . کنیدیسی
احوال سیئه ، افکار سقیمه و اخلاق ذمیمه نك باش دشمنی اولدیغنی
حاله یه قابل عفو و معذرت اولان حاللری ممکن مرتبه معذور
طومغه و نظر عفو ایله گورمگه آماده بولونور . ایشته بو معامله

حکیمانه و عاقلانه سایه‌سنددر، که هیئت اجتماعی بشریه‌نک اتحاد و سلامتی پایدار اولور. بو یولده بولونان آدم، فضائی سون و قیمتی بیلن آدم‌لر یاننده مقبول و معتبر اولور.

حکمای قدیمه دن برینک آتیده کی گوزل نصیحتنی تخطیر ایدلم: «هر حال و حرکتزده جناب حقک روحزده حاضر و ناظر» اولدیغنی فکر ایدلم؛ و بویله بر عطیه عظمای الهیه‌یه مناسب «اولمایان افعال و افکاردن اوزاق طورهم!»

اڭ بیوک بر استعدادی حاز اولان آدم، اگر بر دنی روحه مالک ایسه کندیسینک بو استعدادی اڭ زیاده دگرسز اولور. بو دنائت روح، انسانک گوزل گوزل خصائص و خصائلی، بیوک بیوک مکارم و فضائلی محو قیلار؛ محسنات نادره‌سنی افساد ایدر. اصالت و شهرتله یوکسک بر موقعده بولونه‌جق آدمی، عوام ناس منزله‌سنه تنزیل ایلر.

بالعکس هیچ بر شی یوقدر، که حسیات عالییه مالک اولمق گی اصالت و عظمتی اعزاز ایتسون؛ خلقک حسن توجهنی، حرمت و رعایتنی جالب اولسون.

تاریخ میلادک ۱۷۴۵ سنه‌سندره ایکنظره قرال زاده‌سی اولان پرنس شارل اردار، اسفوریاده بیوک بر محاربه‌نی غائب ایدره‌ک فرار ایتدی. غالب‌لر طرفندن تعقیب اولونمش ایدی. مدت مدیده سفیل و سرگردان اوله‌رق گزدی. دائماً کندیسینی تعقیب و تحریری

ایدنلرک الیرینه دوشمک تهلهکه سنده بولونمقده ایدی . کندیسینی بولوب گتیرنه عظیم مکافاتلر وعد اولونمش ایدی . برگون پیاده اوله رق اون فرسخ مسافه قطع ایتدی . آجلقدن ، یورغونلقدن بایسلیق درجه لرینه گلدی . اوراده کندی لهنده اولمادیغنی بیلدیگی بر اویلزاده ناک خانه سنه التجا ایله دی . صاحب خانه ، حقیله اصالت ، حسییات عالییه مالک اولمغه متوقف بولوندیغنه قناعت حاصل ایتمش ایدی .

بو آدمدن ممکن مرتبه معاونت بولدی . بونک اوزرینه او مهممانواز آدم ، آنی خانه سنه قبول ایتمش اولماسندن طولای ایتام اولوندی . دیوان حربه جلب ایدیلدی . بر شجاعت فاضلانه ایله حضور حکامه چیقجه : « مساعده بیوریکز . سزنی استجواب ایتمه دن سزه بر شی صورایم ! » دیدی . مساعده اولونجه آتیده کی سؤالی ایراد ایله دی :

« سزدن هانگیگز او قدر آچاق و قورقاق اوله بیلیر ایدی ، که بر انکطره قرال زاده سی خانه سنه التجا ایله سونده قبول ایده مه سین ؟ »

بو سوز اوزرینه رئیس ایله اعضای مجلس ، کمال احترام ایله هپ آیاغه قالدیلر ؛ کندیسینک عودتنه مساعده ایله دیلر .

افکار و حسییات عالییه مالک اولمق عالیجنابلی ، ایشته بویله مثر و مؤثر در . بونک ایچون ای اوغل ! ای دوشونمک شرفنه نائل اولمق ایستر ایسه ک ثروت و عظمتکله یامغه مقتدر اولدیغک شیلردن

موافق عقل و حکمت و عدالت اولانلری اجرا ایله ! هر مقتدر اولدیغک شیئی یاپه جق اولور ایسه ک نهایتینه نده نادم و محجوب اولورسک . منفعت پرستلک، سنی هیچ بر وقتده مغلوب ایتمه سین ! مسلکک، ذات منفعت پرستی اولماسون ! منافع شخصییه پرستش ایتمه . ناموس و فضیلتی سو ! منفعت ذاتیه کدن زیاده عمومک منافعی گوزت !

انسان، بوجه ایله گوزل گوزل فضیلتلر ، بیوک بیوک ایشلر میدان گتیریر . بو صفت و مزیتته مالک اولان آدم، دائماً امور عالیته ایله اشتغال ایدر . حیثیت و فضیلتیه مغایر اولان شیلر، نه قدر منافع ذاتیه سنه خادم اولسه ، نه قدر فوائد عظیمیه مستلزم بولونسه رد ایدر .

اینکظره دولتی رجالندن مشهور طوماس مورر واردی . بر دیوان عالی کاتبی ایدی . بو آدم، شو گوزل مثالی گوسترمشدر ، که دائماً ذکر جمیل ایله یاد اولونماسنی موجب اولمشدر :

اینکظره آویلزادگانندن برینک، بیوک بر دعواسی وار ایدی . کندیسی، هر نه قدر حقلی ایدی ایسه ده ینه نتیجه سی لهنده حکم اولونه جغنده تردد ایدیوردی . دعواسنک حسن نتیجه بولماسنه مدار اولمق اوزره کاتب موما الیه گوموشدن معمول بر چفت ذی قیمت و مصنع صراخی ارسال ایتدی . کاتبده صراخیلری منکشه شروبیله املا واعاده ایله دی . نهایت دعواسی، لهنه حکم اولوندی .

لیره شهر امینی و تجارت ناظری بارون و غاس ده بو خصوصده
گوزل بر مثال ارئه ایله مشدر :

برگون اتمکچی اصنافی، ناظر مشار الیهک نزدینه گیتدیلر؛
اداره ایده مه دکلرندن بحث ایله اتمک ترقی فیئاته مساعده اولونما.
سنی رجا ایله دیلر. بو تکلیفلرینک بعد التّدیق ایجابنه باقه جغنی
بیان ایله دی. اتمکچیلر، گیده جکلری صیره ده اصول ایله یازنجا.
نه ناک اوزرینه ایکی یوز آلتون قویوب عودت ایتدیلر. ایکی اوچ
گوندن سوکره تکرار مراجعت ایله دکلرنده شهر امینی جواباً :
« اسباب ودلائلکزی تدیق ایله دم . میزان عدالته موافق بوله -
» مادم . اتمک فیئاتنک تزید ایدیله سیله اهلینک بو باده دوچار
» غدر و مشکلات اولماسنه بر سبب محق گوره مه یورم . بیراقش
» اولدیغکز آلتونلری ده مملکتک ایکی خسته خانه سنه توزیع اولونمق
» اوزره گوندردم . ظن ایتم، که سزده بوندن زیاده بر خیر ایچون
» بیراقش اوله سکز . مادم که بویه اییاکلر اتمکه مقتدر سکز
» ظن ایتم، که اوله دیدیگکز گی صنعتکزه ضرر دیده اوله سکز .
کلام حکیمانه سیله اتمکچیلری دوچار محبوبیت قیلار .



ذماملق

کیمسه نڭ عیبی گوروب قیله زنهار آشکار
 گونده یوز بیڭ عیبڭ اورترکن رب العالمین
 [سلطان سلیمان قانونی]

ذماملق، بر آدمڭ علیهنده فنا سویله مک، «فلان آدم شویله در»،
 «بویله در» دییه علیهنده بولونمق، آنی ذم ایله مکدر. بو ایسه
 انسانیته مغایر احوال دندر. بیوک بر دنأستدر. افترا دینیلن شی
 دخی بوگا انضمام ایدرسه آرتق بیوک بر آچاقلق حکمنه گیرر.
 بر ذماملق آغزندن چیقان سوز، اون ذماملق لسانندن گچر.
 هر بری آگا برر سوز علاوه ایدر. کیمسی ده آنی آز چوق
 تبدیل ایلر. بوجه ایله بتون بتون ذمیاتڭ شکلی دگیشوب
 باشقه بر قالبه گیرر. افترا مقامنه قائم اولور.

بر آدمڭ علیهنده خلاف واقع سوز سویله مک، سلاحسز بر
 کیمسه نڭ اوزرینه مسلح اوله رق هجوم ایله مک قیلیندندر. آرتق
 بوندن ده بیوک حقسزلق اوله ماز؛ بناءً علیه هرکیم بر آدمی ذم ایله
 آنڭ شان و شهرتی و یا ناموس و اعتبارنی شکست ایدر ایسه
 عین قاتل عد اولونور؛ زیرا ذم ایله دیگی آدمدن او یله برشی غصب

ایتمگه قصد ایدیور، که حیانتدن زیاده عزیز ولذیدر. اهل ناموس اولان، بی گناه بولونان بر آدم ایچون تیر زهرناک افترایه هدف اولمق گبی بیسوک بدبختلق اوله ماز. افترا دینلن شیئک بر زهر قاتل گبی بر دفعه مرارتی انتشار ایدمک اولور ایسه آرتق داخل اولدینی وجودی کاملاً استیلا ایدر. اوکی آلتق محال درجه سنه واریر. ذم وافتراء اويله بر آتشد، که بر آدمک خانه ناموس و اعتبارینی کاملاً احراق ایدمک مهسه بيله آنی قارارتیر. ارکان دولت سلجوقیه دن جمال الملک، ملک شاه سلجوقیه وزیر نظام الملک علیهنده غیبت و مذمتده بولونور. پادشاه، سوزینی کسهرک بر دها بو یولده اداره لسان ایتمه سنی امر ایلر. جمال بر گون سائقه خصومت و عداوت حسودانه ایله یننه او یولده سوزه باشلار. ملک شاه حدتله نیر: «نظامک اوغورنده سنک گبی بیکی فدا اولسون!» جواب قدرشناسانه سیله مرقومک گوزلرینه سی میل چکدیریر.

بر ذمامک ذمیانتدن نشأت ایدن زیان، قابل تضمین دکلر. سیف لسان، او قدر سنماک، ضربه سی او درجه قاطعدر، که جریحه قابل تداوی اولماز.

ناموس و اعتبار، اويله نازک، لطیف شیلدر، که شکستندن وقایه سنه نه قدر اعتنا قیلنسه ینه آذر. ناموس و اعتبارینی محافظه ایدن آدم، شایان اعتبار اولمایان آدمک بيله آز چوق مالک اولدینی اعتباردن محروم اولماسندن خوف ایلر؛ آنی دخی وقایه چالیشیر.

آراقونیا قرالی آلفونس، برگون بعض قرناسیله برابر بر جواهر
تاجرینک مغازه سنه گیدر. آله جنی شیئی مبیاعه ایدرک عودت ایدر.
مغازه دن بر مقدار تباعد ایدر ایتمز جواهرچی، آرقه سندن قو-
شار؛ بیوک و ذی قیمت بر الماس اکسیک اولدیغنی بیان ایدر.

قرال، در حال معیتسنده بولونانلرله گری دونوب مغازه یه گیدر؛
بر قاب بوغدای گتیردیر؛ کندیسى ايله برابر اللرینی قابالی اوله رق
آنک ایچنه طالیرمالرینی، و آچیق اوله رق چیقارمالرینی آدملرینه
امر ایلر.

اولا: کندیسى بو حرکتی اجرا ایدر. بعده جمله سنه اجرا
ایتدیریر؛ سوکره مذکور بوغدای بر تخته اوزرینه بوشالیر؛
سرقت اولونان الماس، ظاهره چیقار.

سارقک ناموس و اعتبارینی وقایه ایتک اوزره قرالک استعمال
ایله دیگی شو تدبیر ظریف، مشارالیهک عظمت روحنه، ظرافت
فکرینه دلالت ایدر بر شان و شرف اولسه سزا دگیدر؟

هله قادینلر، علی العموم ارککلردن زیاده ذماملرله دییه اتهام
اولونورلر؛ آنجق بو حال، اکثریا بر نیت فاسده یه مبنی دکلر؛
سویله یه جک چوقلق باشقه بر شی بوله مادقلرندن نشأت ایدر.

امام علی حضرتلری، اولاد کرامندن برینه نصائحندن بری ده
شو ایدی: «ای اوغلم! محقق بیلله یسک، که بر کیسه کندى
«عینى گورونجه باشقه سنک عینى گوره مز.»

ذماملر، علی العموم انسانده ذمه شایان بر شی بولوب باشقه لرینه سویله مه لری، او شیرل کندیلرنده هیچ بولونمادینی، یا خود باشقه لرندن آز بولوندینی و یا آنلردن خوشلانمادقلری ایچون دگلدر . یا بر نیت فاسده دن، یا خود کندیلرینی او مثللی معایبدن عاری گوسترمک مقصدندن ایلری گلیر؛ یوقسه اگر کندیلرینک قصورلری اولماسه و یا باشقه لرندن آز اولسه ایدی باشقه لرینی ذم ایتمکدن او قدر خوشلانمازلردی .

بر آدم، حکمدان برینک یاننده بر شخصی ذم ایتمگه باشلامش . حکیم سویله دیمشدر :

« خلقک معاینی بوقدر چوق سویله مکدن، سنک معایبک پک چوق اولدیغنی آکلایورم؛ چونکه خلقک معاینی تحری ایدن، کندی عیوبنک درجه سنه گوره تحری ایدر . »

بر طاقم ذماملر وارد، که بونلرک ذمّاتی، دائماً باشقه لرینک شایان تعییب اولان قصورلرینه، حتی هر شیئه واقف اولمغه طبعاً مراقلی و یا باشقه لرنده گوردکلری هر شیئی سائرلرینه سویله مک خصوصنی کندیلرینه طبیعت ثانیه ایدینمش اولمالرندن نشأت ایدر . بر طاقم ذماملرده وارد، که کندیلرینک بو حاللری، عقل قاصرلرندن نشأت ایدر . نیجه آدملرده وارد، که ذماملغنی کندیلرینه محضا بر سرمایه صحبت اولمق اوزره اجرا ایدرلر؛ زیرا بونی ایتمه یه جک اولورلر ایسه سویله یه جک باشقه سوز بوله مازلر .

ماۋرە خلیفە نك حاجی مشهور ربیعہ: «بڑ، سنك هیچ كیمە نك
«غیبتندە بولوندیگی گورمە مشر؛ بوگا سبب نہ در؟» دیہ صور-
مشار. جوابندە: «بن، كندی نفسدن راضی دگم، كه آنك مشغو-
«لیتندن خالی اولایم دە باشقە سنك ذمیله اوغراشەیم!» دیمش.

بالادە ذکری سبق ایتدیگی وجە ایله بعضیلرینك دە ذمیاتندن
مقصده، محضا کندیلرینی خلقه شائبه قصور دن بری گوسترمکدن
عبارتدر؛ لکن بو حال، کندی اللریله کندیلرینه قویو قازمق
قیلندندر؛ زیرا باشقەلرنده گوروب ذم ایتدکری قصورلرک،
کندیلرندە دخی اولوب اولمادیغنی تفتیش اتمگه خلقی مجبور
ایتمش اولورلر.

سلطان سلیمان قانونی حضرتلرینك حکمیاتندن شو مصرعی
دخی درج صحیفه ایله رز:

ایستر ایسهك اولایه عیبك جهانده آشکار،
سن دخی طوتمه دلا! برکیسه نك عیننه سمع.

انسان، کندی حال وحرکتینی ایجه تفتیش ایدەجك اولور ایسه
-باشقەلرینی ذم ایتك شوایله طورسون-کندندە او قدر قصورلر
بولور، كه گرك کندیسنك، گرك خلقك نظرندە شایان ذم اولدیغنی،
حتی باشقەلری کندیسینی مدح و ثنا ایتسەلر بیله آگا لایق اولما-
دیغنی وحقندە ایدیلن ستایشلرك چوغی واهی اولدیغنی آکلار.
شیخ معری، بغدادده نظامیہ مدرسه سندنە درسه دوام ایتکده
ایکن رفقاسندن برینك کندیسنه حسد ایتدیگنی گورور. خوا-

جەسنە : « درسمی لایقیلە اوگر ندیگم ایچون فلان افندی بکا حسد
 « ایدیور . » دییه رک رفیقندن شکایت ایدر . معلّم ده جواباً :
 « رفیقک حسدی سکا خوش گله یور ، اما سن ده آنک غیبتندن
 « خوشلانیورسک . او ، بو حال ایله خسران یولنی طوتمش
 « گیدیور . سن ده بو یوله گیدر ایسه ک آکا یتیشه جگگده شبهه
 ایتمه ! » دیمش .

بونک ایچون انسان ، ناموس و اعتبارنی محافظه ایتک ، نظر
 خلقده معتبر اولمق ایسترایسه هیچ برکیمسه نی هیچ بر وجه ایله ذم
 ایتمه مه لیدر .

بعضیلر ظن ایدرلر ، که بو وجه ایله باشقه لرینک گوزلرینه خوش
 گورونورلر ؛ لکن بو حال ، جُهال و سبکمزاندن ماعداسنک
 خوشنه گیتز . هرکسک نفرتنی دعوت ایدر ؛ زیرا بو حال - ذکر
 اولوندیغی اوزره - یا حسد و یا عداوت اثریدر . بو ایسه عندالعقلا
 قطعاً مقبول اولمادقدن باشقه بیوک بر قباحت اولمق اوزره تلقّ
 اولونه جنی ضروریدر . اگر هیچ بر غرض و مقصده مبنی اولما -
 یوبده محضاً جهالت و یا آلچاق بر طبیعت اثری ایسه دهها زیاده
 مقدوح اوله جنی شبهه سزدر ؛ بناءً علیه هر ایکی حالده ده ذّمّام
 اولان کیمسه ، دائماً شایان نفرتدر .

مأموره عباسی دیمشدر که : « ذّمّاملق ، ایله غمّازلوق ، محبّتی :
 « تبرید ، عداوتی : تجدید ، جمعیتی : تفریق ایدر ؛ بناءً علیه بو



«مقوله لردن دأما اجتناب ايله مك و قطعاً سوزلرينه اعتماد ائتمك
«كار عاقلدر.»

يالکوز دَمام دگل، ذمّیاتی استماع و قبول ایدن دخی منفوردر.
بونک ایچون: «قولاقلریکی قاپاده ذمّامی استماع ائمه!» امری،
بعض کتب مقدسه ده مسطوردر.

یاغمور، بولوتی، دومانى طاعیتدینی گبی ذمّامک اقوال مظله:
سنّی ده ساکن بر چهره ایله طاعیتق لازمدر.

حکمدان بری، اوغلنه نصیحت اوله رق دیر ایدی که:

«او غلم! زنهار مساعده ائمه، که بر کیسه سنک یانکده باشقه لری
«خطایه دوشوره جک ویا برینک ناموس و اعتبارینه، شان
«وشهرتیه ایراث خلل ایده جک برسوز سویله مگه جرأت ایتسون!»
اون دردنجی لوی، بوندن غایت محترز اولدقن باشقه کندیسینک
یاننده برگونا ذمّیاته متجاسر اولانلری مظهر عتاب ایدر ایدی.
بویله برینک علیهنده آنک ناموس و اعتبارینه طوقونه جق بر
سوز ایشیدیلدیگی حالدّه کیسه یه سویله مه یوب اونوتمالی. برگونا
مجبوریّت حاصل اولمادجه آنی سویله مه لیدر.

اون بشنجی لوی نك زوجیه سی دخی بو خصوصده او قدر محترز
ایدی، که بری علیهنده ذمّیاتدن بر سوز ایشیتدیگنده اینانما-
دقن باشقه صحیح اولدینی میدان چیقدینی حالدّه آنی معذور
طومتغه چالیشیردی؛ او تیر سم آلود ذمّیاته هدف اولانلری،



شایانِ مرحمت گورور ایدی . الحاصل : صاغر علیهنده اصلا
ذمیّات جائز اولمادیغی گبی اولولر حقّنده دخی قطعاً تجویز
اولونه ماز .

حضرت عیسی (علیه السلام) بر گون اصحابنه خطاباً : « مثلاً :
» بر آدم اویقوده اولان بر قارداشنک مستور اولان یرلرینی آچمش
» اولسه بوگا نه دیرسکیز ؟ « بیوردیلر . اصحابی ده جواباً : « بویله
» بر شناخته کیم متجاسر اولور ؟ « دیدیلر . مشارالیه حضرتلری :
» آرقه داشلریکزدن برینک حسب البشر بر خطاسی واقع اولسه
» و او خطایی کوچوک بر بهانه ایله شوراده ، بوراده اشاعه
» ایدرسه کیز عین شیئی یامیش اولورسکیز . « بیورمشلردر .



اسراف و امساك

واردات و مصارفاتی موازنه ایدرك مصرفی ایرادینه ایدور.
 میان آدم، ایلریده سفالت چکمه حاضر لانیلدر .
 بو طریقه سالک اولانلر، بر طاقم عقلسز آدملردر . معتدل
 و منتظم صورتده اجرا ایدیلن ذوق و صفاء طبیعی در . طبیعت،
 کندلی قدرت و عظمتنه گوره انسانلره کمال سخاوتله عطیه لر
 بخش ایله دیگی گی آنلری کمال سخاوتله استعمال ایتمکدن ده منع ایتمز؛
 لیکن افراط مرتبه سنده ایدیلن ذوق و صفالری ، یولسز سفا-
 هتلری ، اسرافلری منع ایدر . بر طاقم زائد مصرفلرک و مخرب
 ذوق و صفالرک، ثروت و قدرتمزک خارجنده و آداب حسنه و اخلاق
 حمیده یه مغایر اوله رق اجرا ایدیلن نامشروع حاللرک جمله سنی،
 عقل و بصیرت رد ایدر .

ایشته بو مثالی مصارفاتده ایدیلن امساك، بالجمله عقلا عندنده
 مدوحه در . قادینلرک بر طاقم زائد و گولونج تزیناتی ایچون
 ایدیلن اسرافات نه ایشه یارار ؟ واقعا آداب و اخلاق عمومیّه
 داخلنده ، تصرف دائره سنده ظهوره گلن تجدداته اتباع ایتک

جائزدر ؛ لکن نه چاره که چوق دفعه بعض عقلی آدمار بیلله
سائرلرینه اویمق ایچون بر طاقم شیرلی یاغمه مجبور اولویورلر .
گرچه هر کسک حال و اقتدارینه گوره و کندینه یاقیشه جق
صورته البسه گیمه سی جائز ، بلکه ده لازمدر ؛ آنجق درجه سندن براز
آشاغی اولماسی ، مسلك تواضعه ده موافق دوشر . هله بو حال ،
قادینلرک اڭ بیوک تزیناتی ، عصمت و عفتلری اولسه سزادر .
آغنیاء اولادی بولونان بعض ارباب شباب ایلله ، برده آز وقت
ظرفنده تمول ایدن زنگینلرله اکثریا مسرف اولورلر . ثروت
و قدرتلرینک صورت استعمالی بیملزلر . ظن ایدرلر ، که یاور
اولان بختلری ، اصلا کندیلرندن یوز چویرمه جهکدر .

واقعا هر کس صورت مشروعه ده اکتساب ایتدیگی شیرک
متصرفیدر ؛ لکن افراط مرتبه سنده صرف ایتدیگمز وینه افراط
مرتبه سنده امساک ایلهدیگمز حالده وارداتمز نه کندمز یارایه .
جقدر ، نه ده باشقه سنه ؛ بناء علیه بوندن حاصل اوله جق مضرتلردن
طولای عند الحق مسئول ، عند الخلق غیر مقبول اولورز .

اسرافات ، گرچه عمومک گوزلرینی قاماشه دیران بر پارلاق
ایسه ده طمع و امساک قدر مردود و گولونجدر ؛ لکن اسراف
ایله وارداتی تلف ایدوبده هرشیدن محروم قالان آدم ، بالاخره
ارباب امساکدن زیاده گولونج و محقر اولور ؛ حتی اجرای ذوق
وسفاهت ایتدیگی ائنالرده بیلله هر کسک طعن و تشیغه هدف اولور .

کاذب و ساخته دوستلر، بویله لرك اطرافنی احاطه ایدرلر .
 کندیسینی سومك و حرمت و رعایت ایتك صورتنی گوسته ریرلر ؛
 برابر : بیر ، ایچر ، گزرلر . بویله کندی مصرفیله یییوب
 ایچن و بسله نن طالق و قارلرك، یالاندن ستایشلرینی استماع و قبول
 ایدر ؛ آنلره اعتماد ایلر . بونلر، کندیسینی دائماً مدح ایده ایده ،
 دائماً کیف و مزاجنه گوره گیده گیده تکمیل وارداتی چور و دونه-
 یه قدر طاتلی طاتلی قونوشورلر . حال بوکه بر طرفندده کندیسینی
 تمسخر ایدرلر . ایشته بویله ناججا و افراط مرتبه مصرفلر ایدن
 مسرفلر، تربیه لی آدملر عندنده منفور اولور .

ایکی مسرف آدم، یکدیگریله رقابت ایدرجه سنه بر بردن زیاده
 بر طاقم ناججا مصرفلر ایتکه غیرت ایدرلردی . بونی گورن برکامل :
 « بگا او یله گورونور ، که بو آدملر، بر خسته خانه قاپیسنده طور و-
 « یورلر ؛ اوّل ایچری گیرمك اوزره یکدیگرینی دعوت و اجرای
 « رسم تشریفات ایدیورلر . » دیمش .

اسراف، آتسه مشاهدیر . کندیسینی تغذی ایدن ماده یی بر آن
 اوّل تلف ایتکه چالیشیر . مسرف، عاقبت دوچار فقر و ضرورت
 اولور ؛ نهایت باشقه لرینه مراجعته مجبور بولونور ؛ لکن کیسه دن
 معاونت بوله ماز ؛ زیرا سخاوت، انسانه دوست قازاندیریر ؛ فقط
 اسراف، نانکور قازاندیریر ؛ بسله دیگی آدملر، مؤخرأ کندیسینی
 طایماز اولورلر .

مجرّب ، صادق احبّا و اقریاسی، کندیسینك شو ضرورت

وسفالتی اگر باشقه یوزدن اولمش اولسه ایدی معاونت ایدرلردی؛
لیکن اسراف یوزندن دوشدیگی جهته بر قباحتی نظریله باقه رق
آنلرده کندیسنی او صورتله زد ایدرلر .

مسرف، چاره سر قانجه اسکی بختیارلق حانی درخاطر ایدهرک
مضطرب اولور، طورور . بونک ایچون مسرف، ممسکدن چوق
زیاده سفیل عد اولونور؛ زیرا مسرف، بتون سفالتی حس ایدر؛
گرفتار اولدینی سفالت، ضروری و مجبوریدر . ممسک سفالتی
ایسه اختیاری و کندیسنه غیر محسوسدر . مسرف، حین اسراف
فاتنده نه قدر زیاده ذوق طویارسه آندن محروم قالدینی زمانده
او قدر چوق آجی طویار .

حکمای یونانیّه دن دیوژه بر گون بر مسرفک زیتون اتمک
یمکه مجبور اولدیغنی گورونجه : « اگر اولدن بری دایما بویله
طعام ایتمش اولایدک شمعی بویله سفیلانه طعام ایتمه محتاج قالماز
ایدک . » دیمش

مسرف، آز وقت ظرفنده اوله جک گی مصرف ایدر . ممسک،
دایما یاشایه جق گی طاورانیر . حیاتی، بتون وارداتی ترکه مجبور
ایده جک دقیقه تقرّب ایتدجه آنلره دهها زیاده صاریلیر . نهایت
اجل گلوب یتیشیر؛ کندیسنی صاریلدیغنی ماللرک ایچندن چکوب
چیقاریر . جمله سنی ذاتا کندیسنک موتنه منتظر بولونان حریص
ورثه سینه ترک ایتدیریر . بو ماللر، نه قدر اوزون مدت و کلفت
ایچنده تراکم ایتمش ایسه او قدر آز زمان ظرفنده صرف ایدیلیر .

عبداللہ بہ جعفر دیمشدر کہ : « انسانک صاحب کمال اولدینی،
 « اوچ شیدہ بیلینیر : ارباب رأی و فطانت ایله گوروشمه سنده ،
 « خلق ایله ای گچینمه سنده ، بُخل و اسرافدن اجتناب ایتمه سنده . »
 مادامکہ حال بویله در ؛ انسان، ممسک اولمایوبده ثروتی حسن
 استعمال ایتسه ، کندینه نافع و مقتضی اولان شیرلی تدارک ایله سه ،
 محتاج اولانلره معاونتده بولونسه ، اقربا و احبّاسنی خوشنود ایدهرک
 آنلرک حرمت و رعایتلرینی ، ممنونیت و مسروریتلرینی جلبه
 چالیشسه ، بعد الوفات کندیسینی ذکر جمیل ایله یاد ایتدیره جک
 ایملکر ایتسه ده ای اولمازمی ؟

انسان، دائماً کندی کندینی قولای آلداتمقده اولدینی گی
 مسرفده دائماً کندیسینی سخاوتلی ظن ایدر ؛ ممسک، کندینی دائماً
 اداره لی قیاس ایلر . بو وجه ایله هرایکیسی ده حد اعتدالی تجاوز ایتمش
 اولور لر . اڭ بیوک میزان حکمت و انسانیت ایتسه « اعتدال » در .
 یرینه گوره اداره و یرینه گوره جو مردلک ایدن آدم، دائماً
 معتبر اولور ؛ سفالتدن مصون قالیر .

مسرفک بری، حکمای قدیمه یونانیّه دن مقراطه پاره سز قالدیغندن
 طولای عرض اشتکا ایدنجه حکیم مومالیه : « ایتدیگک مصر فلردن
 « قطع ایدهرک کندی کندگدن آچه استقراض ایت ! » دیمش .
 وارداتی حسن استعمال و مصارف زائده دن اجتناب ایدن کیسه،
 کندی گوزلجه گچیندکن صوگره نیجه فقیرلری دخی سؤیندیره بیلیر .

بر زنگینک اوغلی، پدرینه: «ناصل بوقدر زنگین اوله بیلدک؟»
 دییه سؤال ایدنجه پدری، او صیرهده یانمقده اولان ایکی مومک
 برینی سوندورمک: «اوغلم! آندن قولای شیئی وار؟ ضروری
 «اولان شیرله قناعت ایت! بر موم ایله ایشکی گوره بیلدیگک
 «حاله ایکی موم یاقه!» دیمشدر.

لزوم حقیقیسی گورولن یرده وارداتی صرف استعمال ایتک،
 لزومسز یرده وارداتی حفظ ایلمک ایسه گوزل بر اداره در.
 بونک ایچون ایجابنه گوره سخاوت، اسراف دگلدر.

وقتیله آنه ورسی ده تجاردن هیرانی نام ذات، بوقاعده بی کندیسنه
 مسلك اتخاذا ایلمش ایدی. بو آدم، بشنجی مارل نام قراله ایکی
 میلیون فرانق اقراض ایتمشدی. بر گون قرالی خانه سنه دعوت
 ایدر. مطمئن صورتده بر ضیافت ویریر؛ نفیس طعاملر چیقاریر؛
 اک صوکره گیتیریلن بر طعام، قراله اک زیاده نفیس گورونور؛
 چونکه تاجر، قرالک دین سندینی قوقولو آغا جلرله مملو بر تپسی
 دروننده اولدینی حالد سفره یه گتیروب یاقار.

قرال، «نه ایچون بویله یاپدک؟» دییه سؤال ایدنجه: تاجر،
 «افندم! لطفاً و تنزلاً خانه عاجزانه می تشریف بیورمقله بور-
 «جگزی ادا ایتمش اولدیگز.» جوابی ویریر.

بویله حاله گوره ایدیلن مصرف، چوق دفعه اکبرک خوشنه
 گیده رک بو مصرفی اختیار ایدنلرک دها زیاده مختیارلقلرینی

موجب اولمشدر . بونگله برابر - بعض فوق العاده خصوصاً
مستثنای اوله رق - اسراف، علی الاطلاق مذموم و دیوانه‌جه بر
حرکت عد اولونور؛ زیرا واردات، کیمسه بر ایملک واقع
اولمقسزین بیهوده صرف ایدیلش دیمک اولور .

مسرف آدم، علی الاکثر فضیلت اجرا ایده‌مز . دائماً وار-
داتی بیهوده یرلره صرف ایدر . اوتده بر فقیره اون غروش
ویرمزده بریده اون لیرایی بوش بر شی ایچون تلف ایدر؛ حال
بوکه فضیلتی سون آدم، دائماً ایملک ایتمگه مقتدر اولمق، کندیسیده
محتاج قاله رق کیمسه بار اولماق ایچون مالنی محافظه ایدر .

محبّ فضیلت اولان کیمسه، وظیفه عدالتی باعث شان و شرف
اوله جق شیلردن یوقاری طوتار . برینه بر معاش باغلامقدن ایسه
او پاره ایله بر وظیفه اجرا ایدر . برینه بر احسان ایتمکدن ایسه
بر دیگرینه مکافات ایله مگی سور .

مسرف ایسه سخاوتلی گورونمک ایچون برطاقم نا اهل آدملری
احسانلره غرق ایلر . هیچ بر مجبوریتی اولمادیغی حالد شوگا،
بوگا محضاً مدار افتخار اولمق اوزره اکرام ایدر . نهایت : اصل
وظیفه لرینی اجرا ایتهدن دفتر حیاتنه خاتمه کش اولور .

بونک ایچون انسان، گرك اسراف، گرك امساکن عینی
صورته اوزاق طورمالی . بو ایکی مغایر حدلرک وسطنده بر حد
معتدل طوتمالیدر .

شیخ سعدی دیمشدرکه :

آزاجق آزاجق اولور بسیار*
دانه لاله طولار قوجه آنبار

شدید بر اضطرابِ قلب، مقدراتِ الهیه حَقَّیده مذموم بر
امنیتسزک، مخوفِ حاللر، حالدن طولایی حدسز حسابسز
تشکیلر، کثرتِ مصارف، ندرتِ کسب و کار خصوصلرنده چکیلن
مشکلات، مضر اندیشه لر، سوء افکار، اوافق تفک شیلر ایچون
بیله اینجه دن اینجه یه حسابلر، بیهوده مشقتلر، الفتی کلفتنه دگمز
بیك دورلو زحمتلری موجب اولان شیلر، هپ اسرافادن نشأت
ایدر حاللر در. بووجه ایله انسان چوق دفعه قورققده اولدینی
سفالته دوچار اولور.

انسان، بعض کره اوافق بر مصرفدن قاجیندینی جهته بیوک
بر فنالغه میدان ویریر. مثلاً : یوجلیقده ویا بر خسته لق ظهو-
رنده و یا خود باشقه شیلرده درحال ایجاب ایدن مصارفی اختیار
ایده مه دیگندن طولایی بالا خره بیوک بیوک مصرفلره گرفتار
اولور؛ حتی بعض کره موتنی بیله إنتاج ایدر.

آچه، انسانه ای بر خدمتکار اوله جق یرده فنا بر افندی اولور.
صندوقلر مزده حبس اولونان آلتونلرک، گوموشلرک هیچ بر دگری
یوقدر. نه وقت چیقاروب ده حسن استعمال ایده جک اولور
ایسه ک او وقت فاندسی گورولور. بویله صندوقده صاقلانان
پارهلر، طوبراغی سمیرتمک ایچون بر یره تراکم ایتدیریلن گوبره یه



مشاهدہ، کہ آنجق طور اے یا بیلدیغی زمان فائده سی ظاہر اولور .
 قرالردن بری، تبعہ سندن برینک دینہ صاقلامش اولدیغی
 ایشیدیر . آنی چیقاروب کندیسنه گتیرمه سنی امر ایدر . او
 ذات دہ دینہ مذکورہ نک بر قسمی گتیروب تسلیم ایلر . باقی سنی
 دہ آلوب دیار آخرہ گیدر .

اورادہ مالی صفای خاطرلہ صرف ایدہ رک گچنیر . بو حال،
 قرالک مسوعی اولونجه مرقومی جلب ایدہ رک : « مادام کہ شمدی
 مالکی حسن استعمالہ باشلادک، او حالہ بندہ کی ثروتہ دہ مالک
 » اولغہ مستحق اولدک . « دیہ رک ضبط ایتش اولدیغی آچہ سنی
 دخی کندیسنه اعادہ ایلر .

طعام و ضیافت خصوصندہ ایدیلن بر طاقم زائد مصرفلر
 حقندہ دہ بر قاچ سوز سویلہ مک، فائده دن خالی دگلدر . بعضیلر
 ظن ایدرلر، کہ بر ضیافتدہ یملکرک انواعی چوق اولور ایسہ
 مقبول اولور . حال بو کہ سفرہ اوزرندہ الزم اولان خدمتلی،
 دعوتیلرک شان و شہر تلیرنہ گورہ ایجاب ایدن تدارکاتی اصلا
 نظر دقتہ آمازلر . بو ایسہ هیچ مقبول و جائز دگلدر ؛ زیرا احبّا
 و اقربایہ، باخصوص بعض اجانبہ ویریلن ضیافتلردہ اصل آرا-
 نیلان شی، سفرہ اوزرندہ ہر شیدن زیادہ تمیزلک، سادہ لک حکم
 ایتک و حرمت و رعایتدہ قصور ایدیلہ مکدر .

طعاملر ایسہ دعوتجینک حال و اقتدارینہ گورہ معتدل اولمالیدر .



حکامدن مقرطه بر گون بر قاج احباسنه بر ضیافت کشیده ایدر . احباسندن بری باقار که میدانده بیوک بر تدارک گورونمه . یور . بیان تعجب ایله سببنی سؤال ایدنجه حکیم موما ایله : « دعوتلیرم ای ذاتلر ایسه بوقدری ده کفایت ایدر ؛ دگل ایسهلر بو بیه چوقدر . » جوانی ویریر .

اسلافزته بو خصوصده بزدن عاقل ایدیلر . آنلرک ضیافتلری ، طعاملری ، واقعا بزمکیلر گبی متعدد و مطمئن دگل ایدی ؛ لکن بزم ضیافتلردن زیاده شوق آور ایدی . آنلرک ضیافتلردن مقصده بول بول طعاملردن زیاده گوزل گوزل اگنمک ایدی . آنلرک طعاملرینک انواعی آز ، فقط ذوقلری چوق و صفا بخش ایدی . بز ایسه شوق و ذوقدن زیاده طعاملرک متنوع و متعدد اولماسنه باقارز . ظن ایدرسک که محضایمک ییدیرمک ایچون ضیافت ویریرز .

الحاصل : ضیافتلرده دعوتلیلری ممنون ایدوب برگونه تعجیز ایتمه . مک اوزره لازم گلن مصرفلردن زیاده سی ، اسراف عد اولونور . اگر بو نقطه ده دقت اولونمایوب ده لازمه حرمت و رعایتده قصور اولونور ایسه بوحال ، دعوتلیلره ضیافت دگل ، عین اهانت صاییلیر .

طمعکارک بری بر ضیافت ویردیگنده دعوتلیلرینه : « بیورک ! » « بیورک ! بنم حاضر لادیغم یمکله ، سزه بی حضورلق و همسزک

«ویرمز.» دیر. بونکله گویا آنلری ییمگه تشویق ایتمش اولویور.
دعوتیلردن بری ده: «یا کیلیورسکنز. بویله یملکرك هضمی چوق
«گوجدر!» دیمشدر.

اگر آنسزین مسافرلر ظهور ایدرسه حاضرده نه وار ایسه
آنی اکرام ایتک جائز و کافیدر؛ زیرا بعض شیلر تدارك ایتک
اوزره آنلری انتظارده بیراققدن ایسه حاضرده بولونانی اکرام
ایتک اولادر.

عالمک بری، بویله خبرسزجه گلن مسافرلره حاضرده بولونانی
اکرام ایلردی؛ آتیدهکی سوزی سویله مگی ده عادت ایدینمش ایدی:
«عفو ایدرسکنز، دوستم! مادام که گله جگگیزی خبر ویرمگی
«مناسب گورمه مشسکنز او حالده سفره مده بنمله طعام ایدیگنر؛
«باشقه وقت گله جگگیزی خبر ویره جک اولور ایسه گنر او وقت
«بنده سزک سفره گزده طعام ایدرم.»



برنجی قسم مکتب ادبک لفتحہ سی

۱

ابداع هیچ یوقدن میدانه
چیقارمق .

اِبرازِ رُوی نیازِ یالوادر
طور گوسترمک .

آبِ سُکُوت (حدتک ضدی)
«حلم»، یعنی:
صبرلیق معناسنه در .

این سینا میهنک برنجیلر ننددر .
بر چوق آتاری اولوب اڭ
مشهوری «شفا»، «اشارات»،
«قانون» نام کتابلردر . ۳۰۷
سنه هجریه سنده بخاراده تولد
ایله مش ۴۲۸ ده وفات ایتشددر .

ابن المبارک [مرو] لیدر .
فضیلت و زها-
دنده عصرینک یکانه سی ایدی .
هجرتک ۱۸۱ سنه سی رمضا-
نده ارتحال ایتشددر .

أبو جعفر ۵۴۵ هـ تاریخنده
ملوک موحدیندن عبد المؤمنین
زماننده حد وزارتہ ترفع
ایله مشدر . بلیغانه یارلمش بعض
آتاری واردر .

اتباع اویمق؛ برینک رأینہ،
فکرینہ، حرکاتنه
اویمق .

آتش سوزانِ حسد
حدتک یاقیعی آتشی .

انغاب ذهن ذهن یورق .

اِشْتِهَام تهمتلی عداجتک؛ برنجی
بر قباحت ایله مسئول
قیلغی .

آثارِ پایدار طایانوب طو-
ران اثرلر .

آثارِ جمیله گوزل اثرلر .
اَثَرِ سَهْوُ حدت اثری؛ اوفکده
اثر سَهْوُ نشانه سی؛ یعنی:
درجه دن زیاده حدت ایدیشدن
ملاحظه سزجه ایش گورمک
حالی .

اثرِ جمیل گوزل اثر .
اَثَرِ رَخَاوَت گوشکک ،
تتبلک اثری .
اِجْتِهَاد قدرتی یتدیگی قدر
چالیمق .

اِجْرَای رَسْم شریفات
یایلماسی لازمه دن و بویوک بر
ذاته مخصوص اولان معاملات
و حرکات مقبوله یی یایمه .

آجر ثواب .
حدیثلر؛ حضرت
آحادیث محمد (علیه السلام) اڭ
آغزندن چیقان سوزلر .

اِحَالَه سَمْعِ اِعْتِمَادِ شِئِی
اییمه دیگله یوب آئلامق ایچون
قولاق ویرمک .

اِحْفَاد طورونلر .
اُمّة اربعه
احمد بن حنبل (درت امام)
دن و محدثیندن بر ذات عالیقدردر .
بغدادده تولد ایدوب ۲۴۱

تاریخ هجری سنده وفات ایتشددر .
اِخْفَاهُ قورقوتمق .

اِخْتِیَارِ عَزْلَت مغه قرار
ویرمک؛ یالکزلغی ایسته مک .
اِخْلَاطِ رَطَبَه یاش اولان
نملی مزاجلر .

اِخْلَاقِ حَمِیده گوزل خویلر؛
ای طبیعتلر .
اِخْلَاقِ رَدِیّه فنا خویلر؛
اذنالر؛ اهلینک اڭ
آدانی آشای طاقی .

اِدْخَاژ ییغمق؛ بیریکدیرمک .
اَذْوَاقِ بی شمار حسابسز
ذوقلر .

اَرَاذِل زیاده رذیل اولانلر؛
بایاغی خلق؛ آیاق طاقی .
اَرَاضِی مُنْبِتَه محصول یتیرن
طوبراقلر .

اَرْبابِ شَبَاب گنجلر .
جناب
اِرْتِکَابِ مَنَاهِی حَقِک
[یایمه یڭ] دینه امر بیوردیغی
شیلری یایمق .

اَرْجَح اڭ مرجه؛ یعنی؛ اڭ
زیاده مقبول اولان .
اَرْشَاد طوغری یول گوستر-
مک .

آریستئوس یونان ادبا-
سنددر . میلادک
دردنچی عصرنده تولد و وفات
ایتشددر .

اسکی یونان عالم
آریستو و عاقللرندن مشهور

بر ذاتر . میلاددن ۳۸۴
سنہ اول طومش و ۴۹ سنہ
یاشامشدر .

اسافل طاقی ؛ پایاخی خلق .

اسباب کلیہ سبیلر .

استاد اوستہ ؛ خواجہ ؛ یعنی :
استاد برایشی ایجا بیلن .

استعانہ یاردم ایستہ مک .

استمداد امداد ایستہ مک ؛
یاردیمہ چاغرمق .

استوقھولم حکومتک مرکز
ادارہ سی اولان شہز .

استولف گلوب گچمش او-
لانر .

استوج اوروپا قطعہ سنک شمال
طرفندہ وبالطی دتزی
ساحلندہ واقع بر حکومت .

استینلا بر یری ضبط ایتہ .

اشجار مؤمرہ ترقیات ایلر-
یشک میوہی آغاجلری .

اضعاد یوقاریہ قالدیرمق ؛
یوسکسکرہ چیقارمق .

اغذار مشروعه طوغری
عذرلر .

اصلاح ذات البین غین
کیمسہ لک آرلرینی بولمق ؛ بر-
رلرلہ باریشدیرمق .

اضطراب قلب پندیسى ؛
گوکل عذابى ؛ جان صیقیندیسى .

اغمار گیزلہ مک ؛ گیزلی صافلا-
مق .

اطالہ لسان دیل اوزاتمق ؛
اطالہ لسان آغیز بوزمق ؛

برینہ فنا سولہ مک .

اطراذ دوزگونک ؛ برحالدہ ،
برقراردہ بولونیش .

اطعام طعام ، یعنی : یئمک
ییدیرمک .

اطفا سوندورمک .

اعزاز عزتلہ مک ؛ اکرام
ایتمک .

اعصار ماضیہ گچن عصر-
ر .

اغنيا زنگینلر ؛ صاحب ثر-
وت اولانلر .

اغوا فیت ویرمک ؛ آذیرمق ؛
برینی آیارتمق ؛ حیلہ ایلہ
آلدادیش .

افاتہ فرصت مق .

آفت بلا .

اقتطاف ددوشیرمک .

اقوال مظله قاراثلوق سوز-
لملر ؛ آکلاشلماز
کلاملر .

اقوام سالفہ گچمش قوملر ؛
اسکی ملتلر .

اکثم ابن صبی کرامدندر ؛
احصاب

یعنی : حضرت محمد (علیہ
السلام) ک زمان سعادتلرینہ
ایریشمش اولان ذواتدندر .

الى نهاية العمر عمرک صو-
اولونجہیہ قدر ؛

امام ابو یوسف اعظم

حضرتلرینک اصحابندن در .
فقہای حنفیہ ک آک بویوگکی
صاییلر . خلفای عباسیہ زما-
ندہ قاضی القضاة نصب او-
لومششدنر . ۱۸۲ تاریخندہ
وفات ایتشدنر .

کبار تابعیندن
امام شعبی و [عبد الملك بن
مروان] زمانی رجالندندر . علم
فقہ ، تفسیر ، فرائض ، شعر
وانشا وسائرده معلومات کاملہ
صاحبی ایدی . ۱۰۴ تاریخ
هجریسندہ [کوفہ] شہرندہ
وفات ایتشدنر .

پیغمبر ذیشان
امام علی حضرت محمد علیہ
السلامک داماد عالیلری و خلفای
راشدینک درنجیلریدر . هجرتک
اوتوز لشبئی سنہ سی مقام خلافتہ
گچمش و قرقچبی سنہ سی «ابن
ملجم» دینلن بر خائنک خنجریلہ
شہید اولمشلردر . جسارت
و شجاعتلرندن طولای اسد الله ،
یعنی : «اللهک آرسلائی» ہنوا-
تئی آلمشلردر .

امام غزالی علوم عقلیہ
و نقلیہ دہ زما-
نک برنجیسی ایدی . بر چوق
تألیفاتی واردر . «کیمیای سعاد-
ت» ، «احیای علوم» ، «جوا-
ہر القرآن» عنوانی کتابلرہ
آثار مشہورہ سندنذر . هجرتک
۴۵۰ سنہ سندنہ طومش ،
۵۰۵ سنہ سندنہ وفات ایتشدنر .

اقتشال اویمق .

امتلاى طعام معده ی بیکلہ
چوق یئمک ؛
طولدورمق ؛

امرا امر صاحبلری ؛ بویوکلر .

امساک طوتعیلق ، پرهیز .

املا طولدورمق .

ائم ماضیہ قوملر ، جمعیتلر .

پُرُوزِ شِیابِ گورمش اولان.
بسلشمش؛ تربیه
پویان قوشان؛ گزن.

پیر روشن ضمیر یورکلی
اختیار آدم.

ت

تاب آور بیلک.
قادر اولق؛ یاپه.

تألیف یازمق؛ کتاب ویا
رساله ترتیب ایتمک.

تأکید و تأیید یرمه.
قویلاشد.

تألیف افکار فکرلری بر-
برله اوزلاشدیرمه.

تألیف بین اوزلاشدیرمق.
باریشدیرمق؛

تائی و تأمل سنی ایجه
اوڭنی، آرقه.

دوشونه رک ایش گورمک.

تَبَرَّه دَمَتْ قباحتنر جیقیق؛
بورجلوقالمق.

تَبَرَّه نَفْس تیزه چیقارمق.
کندبسنی پاکه،

تَجَرُّد نَفْس نفسی کوتو-
نفس لکدن اوزاق

طوردیرمق.

تَجَمُّلات بر اوڭ اشیا طاقمی.

تَجْهیز لاق؛ طونامق.
جهز؛ حاضرلق؛ حاضر-

تَجْهیزات جهزلر؛ حاضرقلر؛
طونادیشلر.

تَحْذیر صاقیندیرمق.
حذر ایتمدیرمک، یعنی؛

تَحْطِط حیزمک؛ رسم ایتمک.

تَرْجَمَه تَبْیَان قرآن کریم
ترجمه سناک اسمی.

تَرْجَمَه تَبْیَان برنجی ذوقه، مزاحه
ترجیف آلق.

تَشْخِص برنجک شخصی بیلک؛
یعنی؛ کیم اولدیغی

طانیق؛ بر شیتک نه اولدیغی
بیلک.

تَضَحُّحات دوزلتلر؛
یا گئلشلری

طوغر اولقلر.
صافی قیلق؛ تمیز

تَصْنِیْعَات اویدورمه سوزلر؛
یاپمه شیلر.

تَصْنِیف صنف صنف ایتمک؛
دوزلتوب صیرهیه

تَوَیْق قویمق؛ مثلاً؛ کتاب ترتیب ایتمک.
سیقیشدیرمق؛ صیقندی

تَضِیْق ویرمک.
اوزاتمق؛ سوزی

تَطْوِیل اوزون ایتمک.
تطاویل اوزون ایتمک.

تَعَاوُن بربرینه یاردم ایتمه.

تَعْظِیم و تَكْرِیم برینه زیاده
ایده رک بویتمه. (آغیرلاتمق)

تَعْلِش گچینش؛ گچینمک؛
باریمق.

تَقَرُّد چکیلوب آیربله؛ تک
قررد اولمه.

تَقْیُّد چالیشمق؛ غیرت ایتمک.

تَكَاوُت اوتیه برییه سکوب
کاپو قوشمه.

تَكْثِیر چوغالتمق.

تَكْشِیف قویولاشدیرمق؛
صیقلاشدیرمق؛ قا-

تِلَاشْدِیرْمَق تیللاشدیرمق.
فکرلرک

تِلَاحْ ق آفکار بر برینه

تَلَقّ بر شیتیه تصادف ایدوب
تلق گورمک؛ بر فکری،

بر سوزی بر صورتله آڭلاوب
آڭا گوره بر فکر حاصل ایتمک.

تَلَوُّن آفکار فکدرلرک؛
رنکدن رنکه

گیرمه سی، یعنی؛ بر فکدره
طورماماسی.

تَمَایلات میل، آرزو ایدیشلر.

تَمَسَّح مسخره لق ایتمک؛
مسخره لق اجراسیله

استهزا.

تَمَوُّل ماللانمق؛ زنگینلشمک.

تَمَاصُّر بربرینه یاردم ایتمه.

تَنَشِیْط قلوب قلیبلری
فرحاندیر-

مق؛ یورکری آچق.
تابع اولانلرله؛ کندینه

تَوَاعِیلَه اویانلرله.

تَوَسُّلَه گوگه نهرک؛ صیغینه-
رق؛ امیدله نهرک.

تَوَقّ چکیفک؛ صاقینق.

تَهْوُف راست اسکی یونان حکیم-
سندن بریدر.

بعض آثار ادبیه سیله مشهوردر.

تَیْر زَهْر ناک } زهرلی اوق.

تَیْر سَم الود } تیر سَم الود

تَقِیْظ اویانمق؛ فکری آچیلق.

ج

جَام زَهْر آلود لاشمش قدح.
زهرله بو-

حَاذِر کسکین فکریلیک،

جَدی اولمایان؛ صورتاً
جَہلی گورون.
جَلَّ شَانُہ جناب حق حقندہ
قوللائیلیر تعبیرات
تعظیہ دندر. «شانی بویوک
اولسون» دیمکدر.

جَلِّ آشکار، میداندہ اولان.
جَلِیلہ بویوک. (جلیل) ک
مؤتبی.
جَمادات سنی اولمایان. طاش،
طوبراق، معدن گبی شیر.
جَمعیّت بشریہ بتون انسانلر.
جَمْع خَزَائِنِ اَہْمَکْ؛ پارہ
طوبلامق.

جَمَلِ جَمِیلَہ حکمیہ متعلق
گوزل جملہلر؛ حصہ آیینہ جق
لطیف سوزلر.

جَنُوا ایتالیانک قسم شما -
لیسنده کورفوساحلندہ
بر شهر قدیمدر.

جَو بوشلق؛ یر ایله گوک
آراسی.

جَہْلِ مُرکَبِ ہل؛ یعنی:

بیلہ دیگی شیرلی «بیلیرم»
ظنندہ اولوق؛ بیلگیجک
طاسلامق؛ قاتمرلی بیلزلک؛
بیلہ دیگی بیلہ مک.

جَہْلُ جاہللر.

چ

چَیْزُون میلاد عیسا دن
۱۰۶ سنہ اول
[آری نوم] دنیلن عہلہ طوغش

چَیْن مملکتندہ یاپیلان
چینی برنوع چناق چوملک
وبوگما بگزُر چناق چوملک.

ح

حاجِب پردہ دار؛ قاپوچی.

حَادِثَاتِ سَارَہ مسرور او-
لہجق حاللر؛
سوینہ جک شیر.

حَالَاتِ ذَمِیْہ ذم اولنہ جق
حاللر؛ اویغو-
نسز حرکتلر.

حَدَاثَتِ چوجوقلقدن
صوگرہ کی
حَدَاثَتِ سِنِّ گنجک یاشی.

حَدِیقَہ فِکَر فکریاغچہ سی؛
باغچہ یہ بگزہ-
دیلن فکر.

حَدَرُ صَاقِیقُ؛ چکیمک.

حَرَارَتِ عَرِیزِیہ وجود
بولونان صیقلق.

حَسَبِ وَسَبِ صوی صوی؛
بر آدمک
اجدادی.

حَضَار حاضر بولونانلر.

حَضَرَتِ سُلَیْمَان پیغمبران
عظامنددر.

حضرت داوددن سوگرہ کند-
یلرینہ پیغمبرک گلمشدر.

قدس معبدنی انشا ایتش و
میلاد عیسا دن ۹۲۹ سنہ اول
ارتحال ایله مشدر.

حضرت علی باق.
امام علی یہ

عقلیہ؛ عقل و حکمتہ

خلفای را-
حضرت عمر شدین حضرا-
تشکایکنجیسیدر. ابوبکر الصدیق
(رضی اللہ عنہ) دن سوگرہ امیر
المؤمنین اولمشدر. حرکت حکیمانہ
و عادلانہ سیلہ مشہوردر. هجرتک
۲۳ نجی سنہ سنده ۶۳ یاشندہ
وفات ایتشدر.

حضرت
حضرت فاروق عمر رضی
رضی اللہ عنہ حضرت قریشک
لقبیدر.

حکما حکملر؛ عقلی آدملر.

حکمای قدیمہ اسکی حکملر؛
اسکیدن
گلوب گچمش اولان عقلی ذاتلر.

حکمت اعلام

حلقہ تدریسیمہ نیک درس
بر خواجہ-
ویردیگی عمل.

حیات دیریک. انسان و
حیوانک صاغ بو-
لندیگی مدت.

حیلہ برینی آلداتوب ضررہ
صوقق ایچون قوریلان
بالان.

خ

خاتم طائی عربلرہ ظهور
ایتش و سخاوتیلہ
مشہور بر ذات.

خاتمہ کش ویرمک؛ بیتیرمک.

خار دیکن.

۱۰۱۱ھ حرم حرم

خانہ دل گوئل اوی؛ اوگی
خانہ دل اولان گوئل .

خاطر مانده گوجمش .
خاطری قلمش ؛

خبیث پدس ؛ مردار ؛ کوتو
خبیث اولان .

خداوند بخش صاحبک با-
خداوند بخش غشلا دیغی ؛
یعنی : الله ویرگیسی .

خداوند بخش خلقت
خدعه حیلہ ؛ آلدایش .

خدمات مملو کانه اسیرجہ
اولان خدمتار ؛ قولگی خدمت ایدیش .
ایرانک خراسان
خراسانی دینلن مملکتندن ؛
خراسانی .

خسران ضرر ؛ زیان

خضم خانگی او دشمنی ؛
دشمن ؛ دوست صورتده گورونن
دشمن .

خفت لسان خفیف دیلیلک ؛
دیلنه گللی
سویله مک .

خفایا گیرلی شیلر ؛ گورونمز
خالفار .

خفی اولان ؛ گیرلی اولان ؛ گورونمز
خفی اولان .

خلجان یورک چارندیس ؛
جان صیقندیس .

خلفای راشدین حضرت
محمد

(ع.م.) دن موثره بربری آر-
دنجہ خلیفہ اولان : ابوبکر ،

عمر ، عثمان ، علی (رضی الله
عنہم) حضراتی .

خلف برینک یرتہ گلن .

یارادیلش ؛ خوی ؛
خلقت طبیعت .

خلق سئیی فنا خوی .

خلیفہ پیغمبر وکیلی اولان
اسلام پادشاهلرندن
هربری .

خواب معتدل اویقو .
اورتہ قرار

خود پرستان کندیلرینہ
پینارلر ؛ کندی نفسلرینی حددن
زیادہ سونلر .

خود پسند یالکڑ کندینی
چمکین .

خود پسندانہ یالکڑ کندینی
بگہ نیرجہ
(حرکت) .

د

دار او .

درهم زمان عتیقده ؛ بردرهم
درهم آغیرلغندہ گوموش
آچہ .

دریای مواج طالعہ لی دکتر .

دفع جوع مک .
آجلنی کسدر -

دخواهنہ جانی ایستہ دیگنہ ؛
جان و گوئلدن
ایستہ یرک .

دلشکھلک یورک قیرمق ؛
قلب اینییتیمک .

دهات اصحاب
کرامک

اک زیادہ عقلیلرندن .

ده موناقس آداب و اخلاقہ
دائر آثاری ایله

مشهوردر . میلادک ایکنجی
عصرندہ وفات ایتشددر .

ذ

ذائقہ انسانده طات آلان حس .

ذمام ذم ایدیغی ؛ قناییغی .

ر

رابطہ مشترکہ انسانیه

انسانلر آراستده بولنان و
یکدیگرینی برپرینہ برلشدیرن
باغ .

راسین سندن در . میلادک

۱۶۳۵ سنہ سندنہ طوغش ،
۱۶۹۹ ده وفات ایتشددر .

راکیا بیتش اولدیغی حالده .

رباط خان .

ربیعہ (لایدری)

رحمة الله جناب حق رحمت
ایلسون .

رحم وشفقت آجیق .

رخاوت گوشکک .

رسیدہ یتیشمش .

«جناب حق
رضی الله عنه آندن راضی

اولسون» دیکدر . بو جله
تعظیمیه ؛ اصحاب کرام حقندہ

قوللائیلر .

رکاکت قصورلوق ؛ ضعیفک .

روی موافقت کلامی

لوان برشیٹی؛ قبول ایتدیگی
بیلدیرر طور .

رہابین رہبانلر؛ پاپاسلر .

ز

زہار صاقینہا؛ اولمایہکه ا

زیر پردہ خفاده گیزی
آلتندہ پرده

زیور بخش زینت ویرن؛
سوسلہ دن .

س

سائل دینجی .

ساعی سعی ایدن؛ چالیشان .

ساعی سریع الحَرَکَہ چا-
یورون ساعی؛ یعنی؛ پوستہ
تاتاری .

سامعینی دیگله یناری .

ستایش مدح؛ اوگمه .

سب سوگمک .

سبک مغزان خفیف بئلی او-
آز اولانلر .

سر آمدان بویوکلر .

سرفرو باش اگمک؛ اطاعت
ایتک .

سریع الغلیان چابوق قاینار
سوطه کا بوش ومعناسز

سفہا سفہار؛ ذوق وصفایہ،
اسرافہ طالانلر .

سلسلہ جریانی بربری آر-
جاری اولماسی؛ بربری آردنجہ
گیتمه سی .

سلطان سلیم (اول) سلطان
خان ثانینک شہزاده سیدر .
۸۷۵ دە طوغمشدر . اگ گوزل
فارسی شعر سویله ینلرک
برنجیسی عد اولنور . وفاتی
۹۲۶ .

سمناک زهرلی .

سن بلوغ انسانک چوجو-
قلقدن گنجلگه
گیردیگی یاش .

سن حدائتندہ چوجو قلق
یاشندہ .

سن کمال انسانک تام ارکک
اولدیغی؛ تام عقللی
اولدیغی وقتی .

سؤ امثال کوتو مثاللر .
فتا اورنکلر؛

سورج دی قایدی؛ آلداندی .

سوسن صوصام چچگی؛
بوزک بیاضی زمباق
چچکیدر .

سه که دوس

سیلاب سفاهت سفہلک
سیلی؛ سیل
صوینہ بگور اولان سفہلک .

سیراق اسکی عبرانی، یهودی
(عبرانی) فیلسوفلر-
ندن بری .

سینف لسان دیل قیلجی؛
یعنی؛ قیلج

ش

شابہ لکه .

شابہ قصور سی .
قصو لکه -

شارل (بشجی شارلہ باق) .

شبان گنجلر .

شما قیش .

شدید الطبع طبیعتی شدتلی
طبیعتلی .

شدا د الدهر گوج شیرلی .
دنیا ناک شدتلی،

شراره آتش قیغلمی .

شعی

وزنلی، اولجیلی سوز؛
شعر الگ گوزل، الگ لطیف
سوز .

شعشعہ نظرربا پارلاق .
گوز آلیعی

شفاعت برینک حقدندہ ای
سویله مک؛ قصورنی
عف ایتدیرمک .

شکست قیرمق .

شکم پرور چوق بیجی، بوغا-
شکم پرور زینہ پنس اولان .
فنالغک الگ چیرکین
شعاعت درجہ سی .

شیخ سعدی حکیملر دندر .
ایران شاعر و

«گلستان» نامیلہ ترتیب ایتدیگی
کتاب لطیفہ هر طرفده زیاده
مقبولدر . پک چوق سیاحت

۶۹۱ دە [سیراز] دە وفات
ایله مشدر.

شیخ فخرالدین عراقی هیر
شعراى ایرانیه دندر. طوغوشی
[همدان] شهرى ایسه ده عراق
طرفارنده چوق سیاحت ایتمش
اولماسندن «عراقی» دییه شهرت
بولمشدر. ۶۸۸ سنه سنده وفات
ایتمشدر.

ص

صَابِغَه طوغری.

صَدِیقْ بك زیاده صادق اولان
(حضرت ابوبکرؓ لقب
شریف).

حَرَصْ شایخ شاسنه شان
ویرن حرص.

صَفَايِ رُوحْ جان صفاسی.
صُورْ صورتلر.

صُورِی گوردونشده.

صِیتْ شهرت؛ نامی چیقماق؛
صیت اسمی ائتمک.

ض

ضَعْفًا ضعیف آدملر.

ط

طَاقْتَقَرْ سَا طاقْت توکهدن.

طَرِیقْ ضَالَتْ اگری یول.

طَبِیْعَتْمَنْ عیبلاماق؛

مك (برکیسه حقنده).

طَغْیان جوشماق.

طُول عمر اوزون عمر.

ع

عَالِمْ بیلگیچ اولان؛ علمی،
بیلگیسی اولان.

عَبْدُ الْعَزِیزْ «امویلر» ذیلن
عرب حکومتی
خليفة لرندندر. عدالتی ایله
مشهوردر.

عَبْدُ الْعَزِیزْ بن عبد الله
آزارلامق؛ تکدیر، تعذیر
عَنْابْ ایله جزالاندیرماق.

عَدَمْ یَقِیدْ شیشی قید ایتمه.
عَدُولْ طوغری یولدن صامق؛
یولنی شاشیرماق.

عَرَضْ اِشْتِكا شكا یتمی
سویله مک.
عَرَضْ دیدار مک.
عَرَضْ شَادِمانی گوسترماق.
عُرْفْ وُتْعَامُلْ عادت؛ بر
بلده ناک-عا.
دق؛ بر محله عادت اولان شی.

عَظِيَّةٌ عَظْمَايِ الْهَمِيَّةِ
اللهك بویوک ویرگیسی،
احسانی.

عَقَابْ جزالاندیرماق؛ تکدیر،
تعزیر ایتمک.

عَقْدَرْ مَجْلِسْ مُصَاحِبَتْ
سویله مک ایچون بر محله طوبالانماق.
عُورْ چورلماق

علامتِ فارقه برشیتی؛ دیگر-
نشان.

عَلَى السَّوِيَّةِ بر دوزیه.

على الرحمة

على سليمان

عَلَى مَرَاتِبِهِمْ صیره لری
تبه لری اوزره.

عَقْلْ قَاصِرْمْ مهین عقم..
هر شیشه ایر-

عَمْرُو بن عاصْ امویه دن،
عقل و ذکاسیله مشهور بر ذاتدر.

امویه دولتنگ مؤسسای اولان
معاویه ناک مستشاری ایدی.

عَمْرِيْكَ فَصل خریف

عَمْرِيْكَ صَوْتْ یاشلری؛
وشتاسی اختیارلق زمانلری.

عَنْفُوَانْ گنجک زمانی.

عَنْوَدْ عنادی؛ چوق عناد
ایدن؛ دیک باشلی اولان.

عَوَامْ ناس منزله سنه بایا-
انسانلر مرتبه سنه؛ عادى انسانلر

یرینه.

غ

غَبَاوَتْ قَالِینْ فِکْر لیک؛ قایا
ذهن لیک.

غَنِیْبَتْ وَ مَدَمَتْ برکیسه ناک
بولونماق؛ ذم ایتمک.

غَمْ مَ حَسْ اولونماز؛

ف

فاروق زل آیران (حضرت
عمرؓ لقب شریفدر).

فرد آفریده انسان، مخلوق.

فرصت جو فرصت آریان.

فرسخ اوچ میل مسافه؛ یعنی:

۷۵۰۰ آرشون بو-
ینده اوزاقلق؛ اورته یوروشله

بر ساعتک یول.

فرط نشاط فرح؛ سوخ.

فریدی بر دانه بولونان.

فضاحت کوتولک؛ فنالق.

فضاحت و شاعت تولک

و بویوک فنالق.

فلس پاره.

فوائد نصاب فائدهلی.

فویه حیلہ؛ آلدادیش.

فیثاغور یونان حکماستنددر.

فیضان بوللق؛ برکتلیک.

ق

قاعداً قعود ایده رک؛ اوتور-

قادر آزلیه ابتداسی (حدو-
دی) بولونمان قدرتی.

«جناب حق رو-
قدس سمره حتی مبارک و عزیز
ایله سون» دیمکدر.

قس ابن ساعده

قطّاع طریق یول کسیمی؛

صویچی؛ حیدود.

قواعد کلیّه صحیه صحتہ

اولان عمومی قاعده لر.

قوانین جلیله طبیعیه

طبیعتہ مخصوص اولان بویوک

و عالی قانون لر.

قورنهی ادباسندن بری.

قوره غریزه (حرارت غریزه-
قوره مدرکه قوت؛ بر شیشه

عقل ایردیرمک قوتی.

قوره مفکره بر شیشی فکر

قوره مکیزه ایلی، کوتوبی

فرق ایتک قوتی.

ک

کتب منزله فندن پیغمبرلر

ایندی ریلن کتابلر (قرآن کریم،
انجیل و تورات شریف، زبور)

کتم راز سر صاقلامق.

گران آغیر.

گرما یاز.

«جناب حق
کرم الله وجهه»

ایله سون» مألنده بر جمله دعائیه.
کسل تنبلک.

کمال تمامک؛ تکمیلک.

ل

لا یعد ولا یحصا حد سز

صایسز.

لطف گوزلک؛ خوشلق.

لعبیات اویونلر؛ ایلنجہ لر.

م

مادح مدح ایدیچی؛ اوگوچی.

ما فوقنده اوستنده.

مافی الضمیر گیزی اولان شی.

معناسز کلام؛ صاچه

مالک ملک طبیعت

مألف آلیشمش.

مالی طولو.

مأمون عباسی سیه دندر.

هارون رشیدک اوغلی در. هجرتک

۲۱۸ سنه سنده وفات ایتشدور.

مبارزه غوغا؛ دوگوش.

مبارک عزیز اولان.

«تایع اولمق؛ اویمق؛ برینک

حُبِّ صمیمیه جان و گوشت بدن
 حُبِّ فضیلت علم و معرفتی
 سون .

مُحْتَرَزُ احتراز ایدن؛ چکینن.
مُحْقَانَه حَقْلی اوله رق .

مُحَمَّدٌ دُنْيَا دُنْيَا نَكْ صِيقَنْدِيسِي .
مُحَالَطَه قَارِشْمَه .

مُخَالَفَت قارشى طور مق .

مُخَيَّلَہ خیال قوتی ؛ تخیل
ایدیجی قوت.

مُخَيَّلَاتِ دِلْفَرِيَّانَه گوئل
دیرجه سنه خیالی شیلر.

مرآت مجلادہ ۱۰۰
مرآت آجیلق.

مُرافَقَتْ .
بولونمق .
آرقه داشلق ايمك ؛
بر يولده بر لئكه

فکر تار لاسی؛
مَزْرَعَةُ فِکْرِ یعنی : تار لایه
بکڑھین فکر .

مَسَاغ سی منعم ایدیلیمش
اولان شی

مُسْتَعِين دیکھو ینار .

مسكنت مسكينك .

مَسْلُوكِ تَوَاضَعُ تَوَاضَعُ يُولَى :
آلِجَاقِ گُو-
ثَلْبَلِيكِ .

مترو پوليد اور تودوقس مذهبي
رهبانلرينه مخصوص
برمسند، كه پاپاسدن واپس قو-
پوسدن بويوك، پاتريقدن كو-
چوك بر مأمور تندر.

مَجَلِّی گورو نرن؛ عیان؛ آشکار۔

وَيَا مُتَعَالَم بِلْگِیسی اولما دیغنی حالده
بیلگیج گورون؛ بیلمه-
دیگی شیئی بیلک دعوا سنده
بولونان کیسه .

مُنْعَحًا شَاهِرًا .

وَيْبِ سَه
مَسْبِ عَم
بر نعمتدن، بر ایلکدن
طامش اولان؛ ایلک
گورن.

کندینک مدح اولمسی
متدح ایچون یامادیغی بعض
شیلری ینه کندینه اسناد ایدن؛
اوگونمگه سون .

میسر : نفرت ایدن ؛ گری
چکیلن ؛ خوشلانمیان .
مُمر : مُمره لی ؛ میوه لی .

مَثُوباتٌ جَلِيلَةٌ بِكَ بُوَيُوكَ
ثَوَابِلِرْ .

مَجْبُولِ عَجْزِ طَوْغُوشْدَن
قوتسز. ضعیف؛ اصلندن

مُجْتَهِدِينَ عَقَائِدِ دینیہ دین
اجتہاد ایدنلر؛
بحث الہیئلر.

جھڑ: جھڑلہ تن؛ حاضر لائمش،
جھگڑ: طونادیلش اولان .

طوغرى محاکمه مصلیبه کما ایتامک؛
طوغرى حکم ایلد مک .

مقدوح مقبول اولمیان .

مُقْتَضِع ایدیحی؛ قناعت
مُقْتَضِع حاصل آیدین .

مُکَارِمِ اخلاق گوزل
گیدیشار .

مکسوم کتم ایدیش؛ گیزی .

مکسوزہ گیزی خزینہ .

مُلاقِ قارشى قارشى به گلمش .

مَلُول کدری؛ محزون اولان .

مُخَاسَنَت کندیسی قورتا-
رانگ .

مُجَلّی ظاهر؛ عیان .

مُجَبّی مُطْلَق قضا و بلادن
قورتاران جناب حق .

مُخَصَّر (یالکڑ اوٹا)
مخصوص اوله رق .

مُتَمَع عَلَیہ کندیسنه ایلیک
منعم ایدیلن؛ ایلیک
گورن کیسه .

منفور خوشلانیماز اولان .

مدح ایدیلن؛ مدح
مدوح اولونان .

موافق الدنيا آدی .

مَوَاهِبِ جَمِیلَه گوزل ویر-
یشلر .

مَوَاهِبِ لَطِیفَه گوزل ویر-
یشلر .

مَوْت اولوم .

مَوَهَبَه (بدلسز اوله -
ویرگی؛ ویریلن شی .

مَهْدِ ظُهور ایدیحی
مَهْدِ ظُهور محل؛ طوغدیغی
یر .

مَسَافِرِ قَبُول
مُهْمَانَواز ایدن؛ مسافر
سون .

مِیَانِ رَاسِ شِکُو یَانِ مُحَبَّتَدَه
بر برینی سون طوغریلرک آرا-
ستنه .

مِیْلِ چکدیریر گوزلری بر
مِیْلِ چکدیریر آلت مخصوص-
صه ایله کورله دیر .

ن

نَا أَهْل اهلیتسز؛ برایشکاری
اولمیان؛ بیریکسز .

نَا بَیَا یرنده اولمیان؛ منا-
سبتسز .

نَاسْ انسانلر؛ شوبو؛ خلق .

نَشَاطْ کيف؛ نشته .

نَا قِلَانِ رِوَا یَاتِ رِوَا یَاتِ
روایتلر
نقل ایدنلر .

نَتَاجْ وَ خِیمَه فنا نتیجه لر؛
صوکی ضرری
اولان شیر .

نَظَرِ وَ زَنَلِ، قافیله اولمیان
نَظَرِ سوز .

نَحْوَتْ کبر؛ کندی بیویک
یرینه قویغی .

نَقْضِ وَ عَدِ وَ عَدِ غری
وعدنی گری
آلق .

نَظَرِ بَر زَمَینِ مُحْجُوبِ بَیْتِ
مُحْجُوب لَقْدن یره باقه رق؛ اوتا-
نرق .

نَظَرِ رُبَا خوش گورون .

نَظْمِ وَ زَنَلِ، قافیله اوله رق
نَظْمِ یازیلان وَ سَوِیْلَه ن سوز .
نَعْمَ نعمتلر؛ ایلیکلر .

نَفَائِسِ اشعارم لرم؛ گوزل
سوزلرم .

نَوْبَاوَه ترفنده؛ یکی چیقان
میوه وَ سائرَه .

نَوْبَهَارِ وَ صَیْفِ ایله یازوقی؛
یعنی؛ چوجوقلق، گنجلیک
زمانی .

نَوْ جَوَان پک تازه .

نُوشِیروَانِ عادل حکمدار-
لر ننددر . عدالتی ایله مشهورد .

نَیْتِ فَاسِدَه سَوْتو نیت .

نَیْتِ مَدْمُوحَه مدحه لایق
نیت .

و

وَاجِبُ الْاجْتِنَابِ چکینلیسی
واجب الاجتناب لازم-
لان .

وَادِی خِذْلَانَدَه آفاقلق
وادی خذلانده اوواستده؛
یعنی؛ فئالق یولنده .

وَایه دار عبرت آلان .

وَقْتِ جَاهِلِیَّتِ جاهلک وقتی؛
حضرت محمد
علیه السلامدن اول اولان
عربلرک زمانی .

ه

هَر زَه گُو ين. صاچه صاپان سويله-
 هَم بَرَم بر مجلسده بولونانلر.
 هَيَاكِل هيكلكلر؛ طاشدن،
 آچيدن يوساتره دن

ياپىلان هنرلى، صنعتلى شيلر.

هَيْئَتِ اجْتِمَاعِيَّة بَشَرِيَّة

انسانلرڭ طويلچە بولندقلرى
 هيئت .هَيَّان تحريك اولونمە؛ يورك
 هيچان اويناماسى .

ى


يحي بن اكثم مأمون خليفه
 خاص وزيرلرنددر. قنبون
 متنوعه ده مهارت فوق العاده سى
 وار ايدى. حاضر جوابلقده
 نادر الاقران ايدى. هجرتك
 ۲۴۳ سنه سنده وفات ايچشدر.




فهرست

صیغه


مقدمه	۵
ذیل اولونان لغتجه حقنده معروضات	۱۳
اخطارات	۱۴
ابوینه محبت و حرمت	۱۷
حقیقت یاخود طوغری سویله مک	۲۸
انجاز وعد	۳۷
سوغیلی اولوق	۴۱
ایلیک ایتمک	۴۲
یارانچیلیق - مراییلیک	۵۱
حلم و حدت	۵۵
تحصیل علم - اوقوموق آرزوسی	۶۷
اداره لسان و زمان	۸۰
انسانیتپرورلک - نزاکت - ظرافت	۸۵
سفیه ، خودپسند و متعالم آدملردن توقی	۹۹
منتقدارلق - نانکورلک	۱۱۳
آز سویله !	۱۲۴
چالیشمق ، اویومق ، یمک خصوصیلرنده اعتدال	۱۴۳
ریاضت بدنیه	۱۵۸
استقامت	۱۶۰
ای دوشونمک	۱۶۸
ذماملق	۱۷۵
اسراف و امساک	۱۸۳
برنجی قسم مکتب ادبک لغتجه سی	۱۹۴











3 1761 06994761 2